

الضفائر الحمراء

رواية

تأليف

هاني الدسوقي

طبعة ٢٠٢٠

الدسوقي، هاني.

الضفائر الحمراء: رواية/تأليف هاني الدسوقي؛- الجيزة: أطلس للنشر
والإنتاج الإعلامي، ٢٠١٩ .

٢٤٤ ص، ٢٠ سم

تدمك: ٧ ٧٨٤ ٣٩٩ ٩٧٧ ٩٧٨

١- القصص العربية

أ- العنوان

الضفائر الحمراء

رواية

تأليف

هاني الدسوقي



الكتاب : الضفائر الحمراء

المؤلف : هاني الدسوقي

الغلاف : عصام محمد

الناشر : أطلس للنشر والإنتاج الإعلامي ش.م.م.

٢٥ ش وادى النيل – المهندسين – الجيزة

sales@atlasdic.com

www.atlas-publishing.com

تليفون : ٣٣٤٦٥٨٥٠ – ٣٣٠٤٢٤٧١ – ٣٣٠٢٧٩٦٥

فاكس : ٣٣٠٢٨٣٢٨

رئيس مجلس الإدارة
سرور ٣٠٤٢٧١

عادل المصرى

عضو مجلس الإدارة
عصام محمد ٣٠٤٢٧١

النشر
ش.م.م.

نوران المصرى

رقم الإيداع

٢٠١٩/١٤٦٠٨

الترقيم الدولى

٩٧٨-٩٧٧-٣٩٩-٧٨٤-٧

الطبعة الاولى

طبعة ٢٠٢٠

الفراق

إلى أمي.. أتشوق أن أبكي على صدرك.. أن أقبلك يدك..
تمنيت أن ترحل الدنيا ولا ترحلي أنت.. فالفراق مقيت.. والدموع
لا تعيد الأحبه.

يا من علمتني الحب.. والعطف.. والصدق.. والسماح.. يا
من علمتني كيف أكون إنسان.
لك أهدى هذا الكتاب..

الكاتب

هاني الدسوقي

مقررنا

الحياة نعيشها بكل معانيها .. بكل ما فيها .. نتذوق من
حلاوتها وبعضاً من مرارتها .. نمشي على أرضها الغنّاء المثمرة
وفي دروبها الغبراء المقحّلة .. نعيش قَدْرنا .. لكن داخلنا هو لنا ..
عزيمتنا، قوتنا، إصرارنا، عاطفتنا، إنسانيتنا .. نستطيع أن نغير
كل شيء فينا .. بالطبع لن نصبح ملائكة .. بل نستطيع كل واحد
منا أن يقول حينها أنا إنسان.

الكاتب

هاني الدسوقي

تنويه: هذه الراوية لا علاقة لها بالواقع، وأيُّ تشابه في الأحداث أو الأسماء فهو محض مُصادفة.

هنا القاهرة

لامست قدميه لأول مرة أرض القاهرة بحدائنه المترهل وجلبابه البالي.. وقف بعض الوقت يحدق في مبانيها الشاهقة.. في وجوه أهلها.. في كل من حوله.. نعم كانت لحظة ذهول امتزجت ببعض الفرح على وجه هذا الرجل القروي.. لكنه كان بلا أدنى شك.. شيء مختلف عما شاهده شحنة الراوي في قريته.. هذا الفلاح البسيط الذي أتى للتو من قريته المتواضعة.. قرية كفر ميت أبو عميرة.. إحدى قرى الوجه البحري بمصر.. لتبهره المدينة.. كما أبهرت من قبل كل من أتى إليها.. هي القاهرة الجميلة.. حلم البسطاء التي طالما سمعوا عنها.. صورها التي ما زالت تسكن في وجدان وعقول كل من أحبها.. شاهدوا و قرؤوا كل ما طالتها أيديهم على صفحات الجرائد والمجلات.. شاهدوا بعضا من ملامحها على شاشات التلفاز.. مدينة لم يعيشوها بعد.. لكنها كانت دائما تراود عقولهم على أعتاب كل حلم جميل.. كانت حاضرة بكل أمنية تمنوها.. كانت القاهرة دائما هي الغد المشرق.. هي الأمل.. هي كل شيء في تطلعات البسطاء.. مصر أو «البندر» كما كان يطلق عليها أهل الريف.

لم يوقظ شحنة الراوي من لحظة انبهاره تلك.. إلا صوت
أبنتيه ورد و رقية:

- يا با.. يا با.. هي دي مصر.. مصر حلوة قوي يا با.

التفت شحنة الراوي إلى أبنتيه وما تزال تعلق وجهه فرحة
قد تكون متوارية بعض الشيء خلف ملامحه التي يكسوها بعضاً
من القلق والحيرة:

- أيوه.. مصر.. مصر حلوه أُمال.

- امسكو بأيدي يا به انتي وهي كويس، خلينا نعدي الطريق.

قبض شحنة الراوي على يد ابنتيه بيمينه التي يحمل بها
شاله المعصوب (بؤجة الهدوم) الذي يحوي كل ما أتى به من
قريته.. وعلي كتفه الأيسر يحمل ابنه عبادة الذي لم يتم عامه
الثاني بعد.. هذا كل ما يمتلكه هذا الرجل البسيط في هذه
الدنيا.. ترجل شحته الرواي في شوارع القاهرة متجهاً إلى حي
السيدة زينب.. إلى بيت نسيه عويضة الساييس بعطفة ورداني
في حارة برقوق بشارع زين العابدين.. أذان الظهر قد انطلق للتو
من مأذنة مسجد السيدة زينب.. ليعطر المكان.. أذان لم يسمع
حلاوته من قبل.. فمؤذن القرية الشيخ عرفان الدندراوي لم يكن
صوته بمثل هذا الجمال.. إنها مصر.. مصر الجميلة حتى في

أصوات الأذان التي تشع بروحانية من مآذن مسجد السيدة زينب
في تناغم جميل يعطر بعبير الكلمات جنات المكان.

أخذ شحثة الراوي ابتناه ورد ورقية وأجلسهما بجوار سور
مسجد السيدة زينب وقال لهما:

- يا بنات ديرو بالكم كويس وخلو عنيكم وسط راسكم..
إوعاكم حد فيكم يتحرك من هنا.. يا دوب أدخل أصلي الظهر
وأزور المقام وأطلع على طول وخلي عبادة وياي.. ها سمعين
إوعاكم تتحركوا من هنا.

ردت كل من ورد و رقية:

- حاضر يا بابا.. بس متعوّثش.

أنهى شحثة الراوي صلاته وزار مقام السيدة الزينب «أم
هاشم».. كان منبهراً بالمكان.. بروحانيته بخشوع كل من فيه..
القناديل التي تتلألأ في المكان.. الآيات القرآنية المنقوشة على
الجدران.. جمال وبهاء المقام.. أصوات الحامدين الطائعين.. دعاء
وبكاء كل من أتى إلى هنا راجيا العفو والمغفرة من رب العالمين.

خرج شحثة الراوي من المسجد ونادى على ابنتيه ورد ورقية:

- يلا يا به انتى وهي.. همي عوزين نلحق نشوف بيت
خالكم عويضة.

ترجل شحثة الراوي هو وابنتيه حاملا على كتفه ابنه عبادة..
في طريقه إلى شارع زين العابدين.. أخذ يسأل عن عطفه
ورداني.. فأشار إليه بعض المارة.. إلى أن وصل إلى بيت نسيبه
عويضة السائس.. طرق الباب.. سأل من بالداخل:

- مين.. مين إلهي بيخبط..؟

كان هذا صوت الست حسنة زوجة عويضة.

فرد عليها شحثة الراوي:

- أنا شحثة الراوي.. شحثة الرواي نسيب عويضة ومعايا
العيال.

فتحت الست حسنة الباب وهي تضع على وجهها طرحتها
السوداء وقالت:

- أهلا أهلا.. يا دي النور يا دي النور.. اتفضلوا.. اتفضلوا.

فرد شحثة الراوي:

- أهلا بيكي.. معلش أنا عارف أن عويضة تلاقيه بالشغل..
بس خدى البنات عندك والواد عبادة.. وأنا هقعد على القهوة
لحد ما يجي عويضة.

فردت الست حسنات:

- تتوروا يا خويا أهلاً وسهلاً.. هو عويضة على العموم
مش بيتأخر عن كده.. زمانه جي بالطريق.

فقال شحطة الراوي:

- خلاص أنا قاعد على القهوة إللي على الامه.. أما يجي
عويضة بس يبقى عيل من العيال ينادي عليا.

ادخل شحطة الراوي أولاده عند الست حسنات.. ونزل هو
ليجلس على القهوة منتظراً عويضة حتى عودته من عمله.

ارتسم على وجه شحطة الراوي بعضاً من الراحة وتبددت
نوعاً ما علامات القلق والحيرة التي كانت تعلق وجهه.. فقد
قابلته الست حسنات هو وأولاده بترحاب شديد وبابتسامة كعادتها
دائماً.. وقال في نفسه:

- هي ست حسنات ست مضيافة وصاحبه واجب.. عويضة
كمان رجل طيب ووشه بشوش.

لكن كان هناك ما يشغل فكر شحطة الراوي.. شيء ما يدور
بعقله.. فلم تفارق السيجارة يده طيلة جلوسه على المقهى.. واحدة
تلو الأخرى.. ينفخ دخانها في الهواء بعد شهيق طويل.. لعله يبدد

بعضاً من همومه.. كأن شيئاً ما يثقل على قلبه.. لا يسعه كل هذا
الهواء المحيط به.. بل لا تسعه هذه الدنيا.. كان يحدث نفسه ويقول:

- يا ترى يا واد يا شحتة لما عويضة والست حسنات يعرفوا
إني والعيال هنقعد عندهم كام يوم لحد ما ربنا يكرم بشغلانه..
يا ترى هيشلوننا اليومين دول ولا..؟!

كان هذا كل ما يدور في عقل وفكر شحتة الراوي.. لقد حضر
إلى القاهرة خاوي اليدين إلا من ابنتيه وولده وشاله المعصوب
«بوجة الهدوم».. لم يتبق لديه ولو بضعة جنيهات ليشتري بها
بعض الفاكة يدخل بها على بيت نسيبه عويضة.. كانت آخر
عشرة جنيهات قد دفعها ثمن تذكرة القطار التي حضر بها
وأولاده إلى القاهرة.

ما هي إلى دقائق معدودة حتى ظهر عويضة من بعيد.. توجه
إلى المقهى مباشرة كعادته عند عودته من العمل.. رأى شحتة
الراوي جالساً على المقهى في انتظاره.. لم يتوقع أن يرى شحتة
الراوي بعد تلك السنوات منذ أن غادر كفر ميت أبو عميرة.

أخذ عويضة، شحتة الراوي بالأحضان والقبيلات وقال:

- أهلاً أهلاً يا شحتة يا راجل فينك.. حمدلله على
السلامة نورت الحته.. إيه جي لوحدك ولا إيه.. فين العيال..؟!

رد عليه شحنة الراوي مبتسماً:

- أنا عدت على البيت وسبت العيال مع الست حسناات..
وقلت أجي أقعد شوية على القهوة أشرب شوية شاي.

وقال له عويضة:

- يا راجل ده يصح برده يبقى بيت أخوك هنا وتقعد على
القهوة.. يلا يلا لحسن الست حسناات تستعوتنا.. ودي مبتفوتش
يا خويا يا شحنة.. وبعدين عملها ليا حكاية ورواية.

ضحكا الاثنان وصعدا سوياً إلى شقة عويضة المتواضعة..
فشقته غرفتان وصالة صغيرة .. إحداهما غرفة نوم والأخرى
غرفة للمعيشة بها طبلية وحصيرة صغيرة.. وصالة متواضعة
وضع بها كنبه بلدي (أسطنبولي) وتلفاز أبيض وأسود صغير..
فعويضة وزوجته لم يرزقهم الله بالأولاد.

فتح عويضة باب الشقة ونادى بصوته الجهور:

- يا رب ياساتر.. اتفضل يا خويا يا شحنة بيتك ومترحك.

رحبت بهم الست حسناات:

- اتفضل يا اخويا أهلاً وسهلاً الغدا على العموم جاهز
ثواني وأحطة على الطبلية.

كانت الست حسنات قد أعدت الغداء.. تناول شحثة الراوي وبناته طعام الغداء مع خال الأولاد عويضة وزوجته الست حسنات.. فمنذ أن غادر شحته وأولاده القرية فجر اليوم لم يدخل في جوفه وأولاده قطعة خبز أو شربة ماء.. قام شحثة الراوي من على الطبلية حامداً شاكرًا لله.. ومسح فمه بطرف ثوبه.. ابنتيه ورد ورقية مع خالتهم الست حسنات همو لجمع الأطباق وتنظيف المكان.

قال شحثة الراوي لبناته:

- يا بنات متسوش توكلو أخوكم أما يصحى من النوم.

ردت أبنته الكبرى ورد:

- حاضر يا ابا متخافش فكرين.

وقال عويضة موجهاً كلماته إلى زوجته الست حسنات:

- طيب يا حاجة مستتين شايك الحلو بقى أنا وشحثة في

المندره.

ضحكت الست حسنات وقالت:

- برده يا راجل بتقول عليها المندره.. أسمها أوضة

الجلوس.. مش عاوز تتغير أبداً يا عويضة.

جلسا كل من شحثة الراوي وعويضة على الكنبة البلدي
(الأسطمبولي) التي تكسوها سجادة من قصاصات القماش الملون.

إنهم منذ فترة ليست بالقصيرة لم يجلسا سويا .. استرسلا
بالحديث عن ذكرياتهم بالقرية وعن أهلها وأحوال الناس بها ..
ثم صمنا قليلاً .. ومن ثم عاود عويضة الحديث مرة أخرى وقال:

- إيه الزيارة الحلوة دي يا شحثة .. ولا زمان يا راجل توما
افتكرت ليك نسيب يا راجل تسأل عليه .. يا أهلاً يا أهلاً .

رد شحثة الراوي في نبرات متقطعة بها بعض الخجل:

- أبداً يا عويضة يا خويا .. هي مش زيارة زي ما أنت
فاكر .. طبعاً أنا ودي أشوفك من زمان .. بس إنت عارف بعد
شوقية مرتى ما توفت .. والحال بالبلد زي ما انت عارف الرزق
على الأد وورايا عيال عوزة علام ومصارييف ياما .. وأنا بطولي ..
والمرض برده هدني .. إنت عارف أنا عندي القلب .. وكمان صدري
تعبان شوية ... وكانت أم العيال شيله عني ياما .. يلا ربنا يرحمها
بقى .. سببتى أنا والعيال وقطعت بينا .. بس تعرف يا عويضة
يا خويا .. أنا إللي خلاني أسيب البلد واجى مصر بجد .. إنى
مش قادر أعيش بالدار بعد شوقيه ما ماتت .. كل مكان بي فكرني
بيها .. كانت شايلة عني ياما ولا كنت حاسس بمسئولية العيال
ولا البيت حتى الغيط كانت بتساعد معايا .. آه يلا ربنا يرحمها

ويجعل مثواها الجنة.. ورفع يده وقال في خشوع.. راضي عنك يا شوقية راضي عنك يا بنت حوا وادم.

وعندها اجهز شحثة الراوي بالبكاء.. احتضنه عويضة ليخفف عنه ألمه وذكراه.

وقال عويضة وهو يطبطب بيده على كتف شحثة:

- بس يا شحثة يا خويا متعملش في نفسك كده.. أهو ده حال الدنيا.. مين قاعد يا شحثة.. ده كاس ودابير على العباد.. اللّٰه يرحمك يا ختى يا شوقية.. هو كان في حد في طبيبتها.

- عملت طيب يا شحثة إنك جيت على مصر.. البلد هنا يا خويا زحمه.. ناس وعالم ياما.. وإن شاء اللّٰه تشتغل هنا وتربي عيالك وتجاوزهم وتفرح بعوضهم.. وإن شاء اللّٰه تلاقي لقمة عيش حلوة.

رد شحثة الراوي متفائلاً من كلام نسيبه عويضة:

- شكراً يا عويضة ياخويا.. ما هو ده العشم برده.. يا ريت تلاقي لي شغل قريب منك أو في أي حي من إللي حوليك.

رد عويضة وهو يهز رأسه:

- نام إنت والعيال بس الليلة والنهار له عينين.. ومتحملش هم ومتفكرش في حاجة.. دي الأرزاق بيد اللّٰه.. مقضية إن شاء اللّٰه.

البحث عن عمل

مع ساعات الفجر الأولى.. ترجل كل من عويضة ونسيبه شحثة الراوي إلى مسجد السيدة زينب لصلاة الفجر.. ومع طلوع النهار كان قد وصلا إلى حي باب اللوق.. حيث يعمل عويضة الساييس ساعي في سنترال باب اللوق.. وبحكم وظيفته وعمله بالسنترال.. توطدت علاقةته بكثير من أبناء الحي وأصبح لديه العديد من المعارف والأصدقاء.. وعلى الرغم من أن وظيفته كساعي بالسنترال وظيفة متواضعة.. إلا ان عويضة كان على معرفة تامة بكل صغيرة وكبيرة بالسنترال، وذلك بحكم السنوات الطويلة التي قضاها بالعمل هناك.. يتنقل عشرات المرات يومياً بين هذا المكتب وذاك.

دائماً ما يتردد على عويضة بالسنترال أصحاب المحلات وقاطني منطقة باب اللوق.. عويضة الساييس رجل خدوم.. يساعد الكثير دون أي مقابل في إنهاء معاملاتهم اليومية مع موظفي السنترال دون تعب أو مشقة.

جلس شحثة الراوي بالمقهى أمام السنترال منتظراً عويضة حتى ينهي عمله اليومي بالسنترال.. اليوم سيصطحبه عويضة إلى

بعض معارفه بمنطقة باب اللوق.. ليجت له عن عمل مناسب..
بدأ شحته الراوي يتأمل هذا الحي.. باب اللوق.. هذا الحي القابع
بكل كبرياء وسط مدينة القاهرة العتيقة.. يحمل إرث الطبقة
العليا من المجتمع المصري خلال فترة الأربعينات والخمسينات
من القرن العشرين.. كما يحمل أيضاً بعض هموم وأحلام الطبقة
الوسطى والطبقة الدنيا بالمجتمع المصري.. تلك الأبنية الضخمة
كانت يوماً ما شاهدة على حقبة زمنية طويلة عاشتها مصر خلال
القرن العشرين.. لم يتبقَ منها اليوم إلا تطلعات وأحلام البسطاء
من قاطنى الحي والعاملين والبائعين على ضفتي شارع منصور.

أخذ شحنة الراوي يتأمل شارع منصور بما فيه من عمائر
ما زالت تحتفظ ولو بالقليل من روح الأصالة والعراقة على مر
السنين.. بزخارفها ونقوشها التي لا مثيل لها ونوافذها وأبوابها
الضخمة العتيقة التي تعد كل منها قطعة فنية نادرة.. لكنها لم
تستطع أن تقاوم عوامل الزمن وتبقى على حالها.. فقد أصابها
الترهل والإهمال.. فهذا الغزو الشرس من أصحاب المحلات
والمطاعم قضى على جمال وبهاء تلك العمائر.. فما هي بقالة
أولاد المنيايو ومسمط السوهاجي بواجهته المميزة يتوسطان شارع
منصور.. وسينما باب اللوق الصيفية التي تتسابق أفيشات الأفلام
العربية والأجنبية الحديثة في فترة الثمانينات على واجهتها العتيقة

الملتئة عن آخرها بمئات المصابيح الملونة.. واصطفاف الناس في طوابير طويلة نهاية شارع منصور.. إنها جمعية النيل الاستهلاكية فرصة لمن يستطيع أن يقاوم ويقف ساعات طويلة للحصول على أي شيء مهما كان بسيطاً أو زهيداً.. وما هذا.. إنه محل عصير.. عصير سلامة.. تكاد لوحته لاترى من عناقيد الفاكهة المتدلّية بألوانها الطبيعية من أعلى واجهة المحل.. كأنها عناقيد من نور تتلألأ.. سيارات نقل كثيرة تحاول أن تعبر الشارع.. متجهة إلى سوق باب اللوق القديم.. إنه شارع مزدحم لا يتوقف عن الحركة.. يمتلأ بالبسطاء.. كثير من الباعة يفترشون الأرصفة.. يبدؤون في تنظيف بضائعهم على رصيف شارع منصور.. لم يبقى موضع لقدم على الرصيف.. فقد أُحتل كل شبر فيه.. على الرغم من هذا العمل الدؤوب منذ الصباح.. لاتسمع صوتاً.. هدوء تام.. الكل يعمل في صمت.. الجميع يستعد لشيء ما.. الكل في الإنتظار.. وحده عامل المقهى يُسمع صوته.. فقد بدأ للتو برش بعض الماء أمام المقهى وهو يصيح بأعلى صوته.. يا فتاح يا عليم يا رزاق يا كريم.

ما هي إلا لحظات قليلة.. صوت عالي في الجوار يخترق هذا السكون.. أيقظ شحنة الراوي من تأمله.. كان ينظر إلى المكان بعين مصور محترف.. يسجل كل تفاصيل هذا الشارع.. شارع منصور..

أنه صفير مدوي.. نظر شحنة الراوي خلفه.. إلى هذا المبنى الضخم.. الواقف في كبرياء على واجهة شارع منصور.. إنها محطة قطار باب اللوق.. صفير قطار.. قطار حلوان.. يعلن وصول أول قطار إلى المحطة.. إنها بداية يوم جديد.. لقد دقت ساعة العمل في هذا الحي.. طوفان من البشر.. موجات تتدفق من مبني المحطة.. ليكتظ شارع منصور بالمارة.. الجميع متجه إلى عمله.. إلى مكتبة.. إلى تلك الغرف الضيقة بالمباني الحكومية والوزارات والهيئات التي تمتلأ بها شوارع القاهرة المجاورة لحي باب اللوق.. أمواج من البشر تتابع.. صور لم يعهدها شحنة الراوي من قبل.. إنها المدينة.. عالم آخر يختلف عن القرية التي عاش بها.

سأل شحنة الراوي نفسه:

- معقول! إيه العالم دي كلها..! سبحان الله من شوية الدنيا هس هس.. ولوقتي كأن القيامة قامت يا ولاد.. يا سبحان الله.. يا رب اكتب لي عيش هنا.. دي حنة حلوة قوي وناس وعالم.. ده الواحد بس لو فرش فرشة صغيرة هنا ربنا هيرزقه وهيبقى عال العال.

رفع شحنة الراوي نظرة إلى السماء مترجيا الله عز وجل أن يحظى بعمل في هذا الحي وأن يرزقه الله بالرزق الحلال الوفير هو وأولاده.

عويضة الساييس لم يتأخر كثيراً.. فقد استأذن وخرج من عمله مبكراً هذا اليوم.. توجه إلى المقهى واصطحب معه شحنة الراوي .. وقال لشحنة:

- يلا يا شحته هم يا راجل.. احنا هنروح دلوقتي على محل الحاج رضوان بتاع المكرونة.. ده محل كبير ومشهور هنا بشارع منصور وإن شاء الله نلاقي عنده شغل ليك.. هو راجل ابن حلال.. ويا رب يكتب لك لقمة عيش عنده.

ذهب عويضة مصطحبا شحنة الراوي إلى محل الحاج رضوان وما هي إلا امتار قليلة من المقهى حتى وصلا إلى المحل وقال عويضة:

- استتاني هنا يا شحته بره المحل لحد ما أدخل وأشوف الحاج رضوان وهرجع لك تاني.

دخل عويضة محل الحاج رضوان وقال:

- السلام عليكم يا حاج.. أنا جي لك النهارده وعندني طلب.. ويا ريت متكسفينيش.

رد الحاج رضوان:

- وعليكم السلام ورحمة الله وبركاته.. إزيك يا عويضة وإزي أحوالك.. خير إن شاء الله.. إنت عارف لو نقدر نخدم مش هنقصر معاك.

قال عويضة وعلى وجهه ابتسامة ناعمة يعلوها بعض الخجل:

- أنا عارف يا حاج.. إنت متتأخرش أبداً في فعل الخير..
عندي واحد قريبي وبدور له على شغلانة.. لسه توه جي من
البلد.. أهو لو تشوف له أي حاجة عندك بالمحل.. هو راجل أمين
وأنا أضمنه بربقتي.

رد عليه الحاج رضوان:

- إنت عارف يا عويضة أنا متأخرش.. بس اليومين دول
الجو مريح عندي شوية.. والعمالة عندي بزيادة.. لكن إن شاء
الله لو الأمور اتحسننت شوية أكيد هكلمك ويجي يشتغل.. أهو
يرزق جنبنا.

خرج عويضة من محل الحاج رضوان وهو ممسك بيد شحنة
الراوي.. مر على أكثر من محل عله يجد ضالته.. عمل مناسب
لنسيبه شحنة الراوي.. لكنه لم يوفق هذا اليوم.. بدأ اليأس
يتسلل إلى شحنة الراوي واضناه التعب.. لاحظ عويضة تغير
وجه نسيبه شحته وقال له:

- جرى ايه يا راجل افرجها.. مالك مكشّر ليه كده.. الشغل
كثير وإن شاء الله ربنا هيكرمك يا شحته.. بس إنت قول يا رب.

- ده احنا يا دوب سألنا بشارع منصور.. وأنا حبايبي
ومعاري في هنا كثير.. متقلقش ده العقل في التفكير والرب في
التدبير.. هترزق إن شاء الله.

رد شحته الراوي:

- يا رب يا عويضة.. أنا بس حامل هم تعبك معايا..
ومرواحك ومجيك.. إنت راجل شقيان طول النهار.. وأنا أجي
أتعبك كمان.

رد عويضة الساييس وهو يعاتب شحته الراوي:

- ايه يا شحته ده.. ده كلام برده تقوله يا راجل.. تعب ايه
بس.. ده إنت أخويا يا شحته مش بس نسيبي.. إن شاء الله خير
يا راجل.. ربك هيدبرها إن شاء الله.



أرزاق

بعد صلاة فجر اليوم التالي.. اصطحب كل منهما الآخر وكما البارحة.. جلس شححة الراوي على المقهى ذاته منتظراً نسيبه عويضة لحين انتهاء عمله.. وبالفعل بعد أن أنهى عويضة يوم عمله المعتاد بسنترال باب اللوق.. اصطحب شححة الراوي وهو لا يدري إلى أين يتوجه به هذا اليوم.. فقد اضنيهما البحث يوم أمس.. وقد سأل عويضة كل من يعرفه في الحي عن عمل مناسب لنسيبه شححة الراوي.. لكنه لم يوفق.. اتجه عويضة وشححة إلى شارع التحرير.. عبرا الطريق في اتجاههم إلى شارع شريف بوسط البلد.. لكن فجأة وقف عويضة.. شعر شححة الراوي أن عويضة تذكر شيئاً ما.. وقال شححة الراوي:

- عويضة انت وقفت ليه.. في حاجة.. نسيت حاجة بالشغل ولا ايه..؟

رد عويضة مبتسماً ويده تُطبطب على كتف شححة الراوي وقال:

- افكرت.. ياااا إزاي فات عنى.. الحاج إبراهيم الشامي.. أيوه مطعم الشامي.. أيوه إن شاء الله ربنا هيكتب لك فيه عيش.

كانت تلك الكلمات يسمعتها شحطة الراوي جيداً ولكن لم يفهم معناها .. من هو الحاج إبراهيم الشامي .. وما هو مطعم الشامي...!؟

على الفور أمسك عويضة بيد شحطة الراوي ليعبران شارع التحرير عائدتين إلى شارع منصور مرة أخرى.. بعد أن كاد يصلا إلى مشارف شارع شريف بوسط البلد .

إنه مطعم الشامي.. ترك عويضة شحطة الراوي خارج المطعم عند ثلاجة المشروبات الغازية.. ودخل المطعم يسأل أحد العاملين عن الحاج إبراهيم الشامي.. لم يكمل سؤاله بعد .. حتى آتاه صوت من داخل المطعم يناديه.. إنه صوت الحاج إبراهيم الشامي صاحب المطعم:

- اتفضل.. تعالى يا عويضة أنا جوه.. تعالى.

دخل عويضة مكتب الحاج إبراهيم الشامي:

- السلام عليكم يا حاج.. يا رب تكون بخير وبصحة وعافيه.

رد عليه الحاج إبراهيم الشامي وهو يضافحه:

- الحمدلله.. في نعمة وفضل من الله.. إزيك أنت يا

عويضة .

قال عويضة:

- الحمد لله يا حاج.. أنا جي لك يا حاج النهارده في طلب كده.. ويا رب ألقى طلبي عندك.

رد الحاج إبراهيم الشامي مبتسماً كعادته:

- اتفضل يا عويضة.. إيه عاوز فلوس يا بني.. مراتك بخير.. قول متكسفش.

رد عويضة:

- لا يا حاج.. خيرك سابق.. المسألة.. أصل.

تلعثم عويضة.. الخجل يعلو وجهه من كلمات الحاج إبراهيم الشامي وترحيبه به.. فهو رجل خير.. وفي مرات عديدة وقف بجانبه في أحلك الظروف.. واليوم أتى عويضة مرة أخرى ليطلب خدمة من الحاج إبراهيم الشامي.. ارتبك عويضة ولم يستطع أن يقول شيئاً في بادئ الأمر.. إلا أن ابتسامه وبشاشة وجه الحاج إبراهيم الشامي شجعتة على أن يسرد ويكمل الحديث.. وقال له الحاج إبراهيم الشامي وهو مبتسماً:

- قول يا راجل.. في إيه.. اتكلم...؟

رد عويضة والكلمات لا تزال لا تقوى أن تبارح فمه:

- أصل.. أصل.. أصل عندي نسبيي.. شحطة توه جي من البلد وعاوز أشوف له شغل عندك.. أي شغلانة يا حاج.. المهم يأكل عيش.. عنده عيال وبيشقى عليهم.. اختي زي ما انت عارف اتوفت عمول.. سيياله ولد وبتين.. ربنا يعينه عليهم.. وجي مصر يجري على أكل عيشه.

قال الحاج إبراهيم الشامي وضحكاته تسبق كلماته:

- طيب يا راجل قول كده من الصبح.. واللّه أنت ابن حلال وقريبك ده شكله طيب وله نصيب يشتغل معانا بالمطعم.. أصل لسه الواد عيش مكلمني عاوز يروح البلد كام يوم يشوف امه.. الواد عيش ما إنت عارفه يا عويضة.. عيش إللي شغال عندي جوه بالمطبخ.. أصل أمه بعافية شوية.. أهى فرصه لقريبك ده إللي اسمه.. اسمه..

رد عويضة قائلاً:

- شحطة.. اسمه شحطة الراوي يا حاج.

تذكر الحاج إبراهيم الشامي:

- أيوه أيوه شحطة.. ياخذ مكانه.. وأهو نجره.. وإن شاء اللّه خير.. على فكرة هو عنده مكان بيات فيه قريب من هنا ولا لا..؟

رد عليه عويضة:

- ده لسه يا حاج جي توه من البلد.. وقاعد معايا بالشقة بالسيدة زينب.

قال له الحاج إبراهيم الشامي:

- طيب طيب.. أنا على العموم عندى اوضه صغيره كده فوق المطعم على السطح.. أهو ممكن يقعد فيها هو وأولاده.. وأهو يكون جنب شغله.. وياخد باله من المطعم بالليل كمان.

سارع عويضة لتقبيل يد الحاج إبراهيم الشامي:

- الله يخليك يا حاج.. الله يسترها معاك.

سحب الحاج إبراهيم الشامي يده:

- لا يا راجل إنت بتعمل إيه.. الأرزاق بيد الله.. إحنا مجرد أسباب.. يلا يا عويضة.. فين قريبك ده.. متضيعش الوقت.. روح شوف حالك إنت وابعته ليا.

تذكر عويضة أن شحطة الراوي لا يزال يقف على باب المطعم بجوار ثلاجة المياه الغازية.. قال وهو يخطط بيده على راسه.

- يا نهار.. ده شحطة معايا.. أيوه واقف بره.. أنا بس قلت له ينتظر قدام باب المطعم لحد ما أقابلك يا حاج.

نادى عويضة على شحثة الراوي وهو مبتسماً:

- قرب.. قرب قوام يا شحثة.. بوس إيد عمك الحاج..
لقينا لك شغل بالمطعم.. ابسط يا عم.

توجه شحثة الراوي وانحنى ليقبل يد الحاج إبراهيم الشامي..
سحب الحاج إبراهيم الشامي يده.. وقال:

- لا يا بني بتعمل إيه.. يلا روح شوف شغلك وشد حيلك
وعوزين نشوف همتك.. واما تخلص شغل آخر النهار روح هات
عيالك.. وأنا قلت لعويضة إن في أوضه عندي فوق المطعم يلا
وضبها وابقى بيت فيها إنت والعيال.

نادى الحاج إبراهيم الشامي على عم سيد فلافل ريس
العمال:

- يا سيد.. يا سيد يا فلافل.. تعالى.. خد أخوك شحثة
ومسكه مكان الواد عليش.. ده مسئوليتك من النهاردة.. عوزه
يشرب الصنعة.. وابتعت لي الواد عليش هو كمان عشان اديله
قرشين عشان يلحق يسافر على البلد يطمئن على أمه قبل ما
الدينا تليل.

ذهب عويضة.. وترك شحثة الراوي في مطعم الحاج إبراهيم
الشامي ليبدأ عمله.. ذهب إلى بيته مبشراً زوجته الست حسنة

وأولاد أخته.. فرحو جميعاً بأن شحثة الراوي حصل على عمل
وأيضاً على غرفة أعلى المطعم كسكن له ولأولاده.

لم تجلس ورد وأختها الصغرى رقيه كثيراً للاستعداد ليذهبا مع
والدهم إلى المطعم بباب اللوق عند نهاية اليوم.. فقد أخذت ورد
اخوها عبادة لتبدل له ملابس المتسخة.. وأحضرت كل ما يمتلكانه
«البؤجة الصغيرة» بما فيها من ملابس.. لكن البؤجة الآن أصبحت
منتفخة بعض الشيء.. فقد اشترت الست حسنات لكل واحدة منهن
فستاناً وحذاءً وبعض ملابس لأخوهم الصغير عبادة.

جلست ورد ورقية تنتظران والدهما خلف النافذة.. حتى ظهر
شحثة الراوي من على أول العطفة.. إن وجهه ليس مهموماً كما
كان منذ وصوله للقاهرة.. وإن كان يبدو عليه التعب والإرهاق أكثر
من ذي قبل.. أنه أول يوم عمل له بالقاهرة.

ما إن وصل شحثة الراوي إلى بيت عويضة وجلس حتى
تهافتت عليه كل من ورد ورقية وولده عبادة ليرتمو بين أحضانه..
قابله عويضة مصافحاً:

- مبروك يا شحثة يا خويا الشغل.. ربنا هيكرمك إن شاء
الله.. الحاج إبراهيم الشامي ده راجل بتاع ربنا وميتأخرش أبداً
عن فعل الخير ومساعدة الناس.. وعلى الله يكون الشغل عجبك.

نظر شحنة الراوي لعويضة وهو مبتسماً وقال:

- الحمد لله الشغل عال.. ربنا يكتب لنا فيه الدوام.

قام شحنة الراوي من جلسته وهو ممسكاً بولده عبادة..
وأشار إلى ابنتيه ورد ورقية:

- يلا يا بنات همو شوية خينا نلحق نروح باب اللوق..
الغرفة إल्ली ادهنا الحاج إبراهيم الشامي جزاه الله خير فوق
المطعم.. بس محتاجه شغل كثير.. همو يا بنات يلا.

سارع عويضة ممسكاً بيد شحنة الراوي:

- يا راجل متجيش.. ميصحش تمشى على طول كده..
مستعجل علي إيه خليك معانا يومين لحد ما توضب الغرفة إल्ली
فوق المطعم برحتك.. والله الست حسنت ما شبعت من العيال..
اقعد يا راجل.

قال شحنة الراوي:

- لا نقعد إيه تاني.. الحمد لله ربنا كرم بالشغل وسكن
كمان.. ده احنا تقلنا عليك قوى يا عويضة.

نظر عويضة في نظره عتاب لشحنة الراوي:

- يا راجل متقلش كده.. طيب اقعد بس نتعشى سوا.

ضحك شحطة الراوي:

- عشا ايه بس يا عويضة إنت ناسي إني شغال بمطعم.

ضحك عويضة:

- على العموم مش همسك فيك أكثر من كده.. دة بيتك

وإنت مش غريب.. ربنا يوفقك ويكرمك إن شاء الله.

ودع شحطة الراوي وأولاده.. عويضة وزوجته الست حسنات

وذهبا إلى حي باب اللوق.. إنه العمل.. إنه البيت والسكن.. إنها

حياة جديدة لم يعهدها شحطة الراوي و أولاده بعد.



مطعم الشامي

كاد سيد فلافل أن يستشيط غضباً.. لقد تأخر شحطة الراوي كثيراً.. حسب تعليمات الحاج إبراهيم الشامي.. لا يغلق المطعم حتى يصل شحطة وأولاده.. ليوصلهم سيد فلافل إلى غرفتهم بالسطح.

وصل شحطة الراوي للتو هو وأولاده.. قال سيد فلافل:

- يوووو يا شحطة اتاخرت ليه ده إحنا شطبنا من بدري وعم الحاج إبراهيم الشامي موصيني متنقلش من هنا إلا لما تيجي إنت وولادك.. وأوريك الغرفة بتعتك.. اديك اتاخرت وأم العيال هتعملي هيصة وهليله دلوقتي.

صعد سيد فلافل ومعه شحطة الراوي إلى السطح.. فتح له الغرفة وأنار له الضوء.. وقال له سيد فلافل:

- اهي دي الغرفة يا سيدي.. اه هي مكربة حبتين.. لكن شوية نظافة هتبقى عال العال ومعاك عروستين أهم هيسعدوك.. أسيبك بقى عشان حاجي لك بكرة ان شاء الله بعد صلاة الفجر عشان نفتح المطعم.. اوعاك تروح عليك نومه يا شحطة.. اوعاك فاهم.. يلا مع السلامة.

قال شحطة:

- معلش يا معلم سيد على التأخير.. على العموم مع السلامة والى شكر تعبتك معايا.. أشوفك ان شاء الله على الفجر.

دخل شحطة وأولاده الغرفة.. كان بها بعض معدات المطعم القديمة وعدد من القدور النحاسية المخزنه منذ فترة طويلة.

قال شحطة الراوي لبناته:

- يلا يا بنات همو شوية خلينا نزيح الحاجات دي على جنب عشان نفرش وننام وبعدين بكرة إن شاء الله نروق باقى الغرفة.. شكل يا بنات الحاجات دي عزيزة قوي على الحاج ابراهيم.. صحيح الحاجات قديمة بس شكلها كده والله وأعلم الحاج محتفظ بيها ومحافظ عليها مش رميها.. خدو بالكم بالراحة اوعو حاجة تتخبط.

ردت ورد:

- حاضر يا بابا متخفش دلوقتى بس هنفضي مكان ننام فيه وإن شاء الله بكرة من الفجر هنظف الغرفة أنا ورقيه وهنخليها زي الفل.. متحملش هم يا بابا.

بات شحثة الراوي وأولاده ليلته الأولى بالغرفة التي تعلق
المطعم وما هي إلا ساعات قليلة حتى استيقظ شحثة الراوي
على صوت آذان الفجر من مصلي قريب أمام المطعم.. كان صوت
الآذان الذي ينطلق من هذا المصلي.. صوت رَخِيمٌ وَعَذْبٌ.. ابتسم
شحثة الراوي متذكراً ومتهكماً في ذات الوقت على صوت الشيخ
عرفان الدندراوي مؤذن القرية:

- ربنا يجازيك خير بقى يا شيخ دندراوي.. ده إنت كنت همّ
يا راجل.. شوف الأصوات الحلوة.

صلى شحثة الراوي صلاة الفجر وخرج من المصلي مباشرة
إلى المطعم حيث وجد سيد فلافل قد وصل للتو.

قال سيد فلافل:

- حرما يا شحثة.. كويس ده أنا كنت خايف لتروح عليك
نومه.. يلا إيدك معايا نرفع البوابة الحديد أصلها عوزة تزييت
وبتغلبنى في الفتح والقفل كل يوم.

بدأ شحثة الراوي عمله بالمطعم منذ لحظات الفجر الأولى..
كان العمل مرهقاً بعض الشيء لشحثة الراوي فقد تجاوز
الخمسين من العمر وحالته الصحية علية بعض الشيء.. لكن
على الرغم من مشقة العمل الذي يؤديه كان شحثة الراوي

سعيداً بأن الله قد وفقه في الحصول على هذا العمل وعلى غرفة له ولأولاده وبنفس المكان.. نعم سيكون قريب من أولاده دائماً ولن يخشي عليهم بعد الآن.. كان هذا الأمر كفيلاً أن يبدد هواجسه وخشيته.. فكل ما كان يقلقه أن يكون عمله بعيداً عن سكنه ويترك أولاده الصغار بالبيت وحيدين دون رعاية، فبعد وفاة زوجته قد تضاعفت مسؤوليته كـ أب وأم في آن واحد.. والسؤال الذي كان يشغل كل فكرة.. كيف سيوفق بين عمله وبين مراعاة أولاده..؟ كيف سيعمل ويترك أولاده وحيدين بالبيت..؟ لكن هو الله سبحانه وتعالى يدبر كل شيء.. لقد يسر الله الأمر الذي طالما كان يقلق شحنة الراوي.

قال شحنة الراوي بصوت خافت وهو يحدث نفسه:

- سبحان الله.. العقل في التفكير والرب في التدبير.. إنت عالم بالحال يا رب.. الحمدلله.. الحمدلله.

مرت الأيام سريعاً منذ أن حضر شحنة الراوي إلى القاهرة وبدأ العمل في مطعم الحاج إبراهيم الشامي.. اتقن شحنة الراوي عمله بالمطعم وكانت ثقة الحاج إبراهيم الشامي تزداد يوماً تلو الآخر.. كذلك ثقة أولاد الحاج إبراهيم الشامي على اختلاف أعمارهم وطبائعهم.. فمنهم من هو في سنوات الشباب الأولى جامع كالمعلم طاهر.. يسهر الليل وينام النهار.. على خلاف ولدي

الحاج إبراهيم الشامي الأكبر سنًا، المعلم سليمان والمعلم محمود.. رجال حقًا يعتمد عليهم.. شحثة الراوي أيضًا وبذكاء وفطنة أهل القرية كان يحافظ على تلك الثقة من الجميع كبيراً كان أم صغيراً. أنهى شحثة الراوي العمل اليوم مبكراً.. فالليلة باردة عاصفة.. رياح وغبار.. لم يدخل المطعم زبون واحد منذ صلاة العشاء.. فالهواء شديد.. ولا أحد من المارة في شارع منصور.. بدأ شحثة في تنظيف المطعم مبكراً مع باقي العاملين.. أغلق أبواب المطعم.. وتأكد من إغلاق باب مكتب الحاج إبراهيم جيداً.

صعد شحثة الراوي إلى غرفته بالسطح:

- السلام عليكم يا ولاد.

قالت ورد:

- وعليكم السلام..خير يابا إنت جيت النهارده بدري على غير عويدك يعني.. وسمعاك وإنت بتنزّل أبواب المطعم.. ليه قفلت بدري النهارده يعني..!؟

رد شحثة الراوي:

- أيوه يا بنتي العصرة النهاردة زيادة.. والجو هوا وتراب شديد الليلة.. ومفيش زباين الكل بيجري يلحق مواصلة يروح

بيها .. وأنا كلمت الحاج إبراهيم في البيت .. عشان يا بنتي برده
بيقى عارف إننا قفلنا بدري .. ما هو يا بنتي لو في زباين كنا
قعدنا .. بس نقعد كده ومفيش شغل ونخسر بس مون على
الفاضي «تجهيز الطعام» .. ميرضييش حد ده .

ردت ورد :

- والله يا بابا إنت بتشتغل في المطعم كأنك صاحب المطعم
واخد بالك منه على الآخر .. ده لو الحاج إبراهيم ذات نفسه مش
هيكون حريص قوي كده زيك .

قال شحطة الراوي :

- وده كلام برده يا بنتي .. الشغل أمانة وربك مطلع .. الشغل
يمشي لو الحاج موجود أو مش موجود .. القرش الحلال يا بنتي
مفيش أحسن منه .. والقرش الحرام ربنا يعافينا منه ، بياخد حتى
الحلال في وشه .

ردت ورد :

- الحمد لله يا بابا .. الراجل ده مشفناش منه إلا كل خير
وبيعاملنا زي ولاده تمام .

قال شحثة الراوي:

- يلا يا ورد يا بنتي عشرينا بقى.. لإني مدقتش طعم الزاد
من ساعة الصبحية.. ولولا قفلنا بدري كنت خدت لقمة بحتتين
بتتجان أو قرصين طعمية وتعشيت.

ردت ورد:

- حاضر يابا أنا مجهزة الأكل هسخن لك بس.

قال شحثة الراوي:

- هي البت رقية دي على طول نايمة كده.. مبتساعدكيش
في حاجة خالص.

ردت ورد:

- يابا اهي بتذاكر وبتشوف حالها.. والحمدلله امورها
مشيه عال.. والأستاذ عبادة كمان ذاكر واتعشى ونام.. عامل
علينا راجل أهو.. طول النهار يشخط وينطر في رقية.. واعلمي ده
ومتعمليش ده.. لسه بابتدائي وعامل نفسه راجل علينا.

ضحك شحثة الراوي وقال:

- خدي بالك من اخواتك يا ورد.. البت رقية دي شدي
عليها.. والواد عبادة برده أهو هيبقى رجليكم وسندكم بعد ما
موت.

قالت ورد:

- بعد الشر عليك يابا.. ربنا يديك طويلة العمر والصحة
وتفرح بولاده وولاد وولاده كمان.

ضحك شحنة الراوي ضحكة ساخرة من كلمات ابنته ورد:

- يااا يا ورد ولاده وولاد وولاده كمان يا بنتي.

- يلا هاتي لقمه خليني أكل وافرد جتتي لحسن الواحد
هلكان من طلعة النهار.

أطفاً شحنة الراوي نور الغرفة وخلد هو وأولادة في نوم
عميق.. وما هي إلا بضع ساعات استيقظ شحنة الراوي على
صوت في الأسفل.. نعم صوت في المطعم.

نزل شحنة الراوي من غرفته إلى المطعم.. أضاء بعض
الأنوار.. لم يسمع صوت أو يجد نافذة مفتوحة.. لا شيء يشير
إلى وجود أحد بالمطعم.. أغلق الأنوار مرة أخرى.. وتوجه إلى
الأعلي.. وعند صعوده درجات السلم.. سمع صوت همس وبعض
الضحكات.. نزل مرة أخرى من على درج السلم.. لكن هذه المرة
اتجه إلى مصدر الصوت.. إلى مكتب الحاج إبراهيم الشامي..
ليتأكد من إغلاقه جيداً.. إلا أنه وعلى غير المتوقع.. كانت أنوار
غرفة مكتب الحاج إبراهيم مضاءة.. إنه المعلم طاهر ومعه أحد

ما بالغرفة.. اقترب شحنة الراوي من الغرفة.. فتح الباب وجد المعلم طاهر يجلس على الأريكة وفتاة تجلس أمامه على مكتب الحاج إبراهيم.. وكما يبدو من مظهر الفتاة المتأنق ومكياجها الصارخ.. إنها فتاة ليل.

قال المعلم طاهر:

- ازيك يا عم شحنة.

نظر شحنة الراوي إلى تلك الفتاه التي تجلس على مكتب الحاج إبراهيم بشمئزاز شديد.

وقال شحنة الراوي بصوت خافت موجها كلماته إلى المعلم طاهر:

- أيه يا بني ده.. ينفع كده ده مكان أكل عيش.. تجيب الأشكال دي برده مكتب أبوك.. والهانم مقعدها على مكتب الحاج.

قال المعلم طاهر:

- يا عم شحنة دي بس هتقعد شوية كدة ومشية على طول.. متقلقش إنت بس اطلع نام.

كان المعلم طاهر يحاول أن يسترضى شحنة الراوي بقدر الإمكان.

ضحكت الفتاة بصوت عالي وقالت لشحنة الراوي:

- يا حجوج شوية ومشيين على طول.

لم يجيب شحنة الراوي على كلمات تلك الفتاة.. ووجه كلماته إلى المعلم طاهر وقال له:

- ربنا يهديك يا بني ده أبوك راجل طيب وبتاع ربنا.. الله يكرمك يا ابني خدها ومشى من هنا.

رد المعلم طاهر:

- قلت لك يا عم شحنة شوية ومشيين واحنا برده هنقعد هنا.. انا مستتي بس أصحابي تامر ونعيم هيعدو عليا وهخدها وأمشي على طول.. ما إنت عارف النهاردة الجو قالب تراب والعريية بتعتي لسه بالورشة متصلحتش وما صدقنا تاكسي جنبنا لحد هنا.. إطلع إنت بس نام وأنا هخدها وهمشي على طول.. متقلقش.

ابتسم المعلم طاهر ابتسامة يعلوها بعضاً من الخجل وقال:

- اوعي تقول للحاج إبراهيم أي حاجة يا عم شحنة.. سلام يا راجل يا طيب.

صعد شحنة الراوي إلى غرفته مرة أخرى.. وهو يحدث نفسه بصوت خافت ويقول:

- ربنا يهديك يا بني.. المشي البطل أخرتة وحشه.

لم تكن تلك أولى مغامرات المعلم طاهر ولا آخرها.. إنه يهوى السهر والشراب.. يرافق الكثير من الفتيات.. لم تسلم فتاة من مناوراته العاطفية.. يبهرهن بوسامته وبغناه وشبابه.. نعم شاب طائش.. الحاج إبراهيم الشامي يحاول أن يكون حازماً معه دائماً.. إلا أن والدته الحاجة أم سليمان تغدق عليه بالمال دون حساب.. يصرف ببذخ كيفما يشاء.. فهو صغيرها المدلل.



حي باب اللوق

بقدر المشقة في عمل شحطة الراوي بمطعم الشامي.. إلا أنه قد اعتاد العمل بل و أتقنه.. ذلك على الرغم من أن فرص الراحة أثناء اليوم قد تكون معدومة.. فالعمل يبدأ منذ لحظات الفجر الأولى.. عندما ينطلق صفير القطار عند الفجر.. ليعلن وصول أول قطار إلى محطة باب اللوق.. ويستمر العمل إلى أن ينطلق مرة أخرى صفير القطار عند منتصف الليل ليعلن مغادرة آخر قطار من محطة باب اللوق متجهاً إلى حلوان.. كانت تلك هي مواعيد عمل شحطة الراوي بالمطعم.. كساعة تدق أجراسها.. لم يكن شحطة الراوي يشعر بالتعب والإجهاد البدني بقدر ما يتقل عقله التفكير في مستقبل أولاده.. فابنتيه ورد و رقية شابتان الآن في عمر الزهور وولده عبادة ما زال صغيراً في سنواته العشر الأولى.. شحطة الراوي يخشى المستقبل.. يخاف من القدر الذي طالما لم ينصفه.. يفاجئه أحياناً كثيرة بما سي لم يتوقعها.. ففي ماضي ليس ببعيد فقد زوجته وشريكة دربه شوقية.. أصبح وحيداً يواجه الحياة.. نعم هو الرجل.. لكن زوجته شوقية كانت دائماً معه جنباً إلى جنب.. أم وأخت وصديقة وزوجة.. كانت شيئاً كبيراً في حياته.. هي الزاد والمأوى هي الصدر الذي

يحتضنه وينسيه قسوة الأيام.. أصبح شحنة الراوي وحيداً بعد فراق زوجته.. و مسئولاً عن ولدٍ صغيرٍ وابنتين.. تتساقط دموعه أحياناً كثيرةً في يقظته وفي منامه.. على الرغم من كونه فلاح بسيط.. إلا أن مشاعره دائماً ما تفيض بالكثير من الشجن على رفيقة دربه شوقية.. ودائماً ما كان يردد جملة المعتادة «وحشتيني يا شوقية وحشتيني يا أم العيال».

لا يسع شحنة الراوي هذا الرجل البسيط وهو مؤمن بما قدره الله له إلا أن يرفع يديه إلى السماء داعياً الله أن يرحم زوجته و أن يستر على بناته ورد ورقية وأن يطمئن عليهما في بيوتهما ويوفق ابنه عبادة ليشب ويكبر ويكون سنداً و اليد الحانية والقلب الكبير لأخواته البنات.. كان يخشى ألا يحقق ما يتمناه وألا يمهله القدر حتى يصل إلى غاية أمنياته المتواضعة.. فالغيب لا يعلمه إلا الله.

كعاداته يوم الخميس.. ينهي شحنة الراوي عمله مبكراً بعض الشيء.. فالعمل في هذا اليوم قليلاً نسبياً خاصة في المساء.. ليجلس بمقهى «قصر البشوات» أمام مطعم الشامي مباشرة.. هو المقهى الوحيد في الشارع ويلاصق سنترال باب اللوق القابع على ناصية شارع منصور مع شارع محمد محمود.. من يراه يعلم يقيناً أن اسم المقهى «قصر البشوات» بعيداً كل البعد عن حقيقة المكان.. فالمقهى لا تتعدى مساحته بضعة أمتار.. يتكدس به عدد

من المقاعد الخشبية القديمة المتراسة جنباً إلى جنب وبعض الطاولات الحديدية المتهاكلة.. أصبح اسم المقهى «قصر البشوات» مجال سخرية دائمة لبعض مرتادية.. تتعالى الضحكات طيلة الليل مع عامل المقهى عطوة المشهور ب «كنكة».. إلا أن المقهى كان شيئاً مهماً في هذا الحي.. فهو يكاد يكون المتنفس الوحيد لكثير من عمال حي باب اللوق بعد يوم عمل طويل.. يتبادلون فيه أطراف الحديث.. يستمعون إلى قصص ونوادير الشيخ أحمد الصعيدي.. و أغاني الست أم كلثوم من هذا الراديو العتيق الذي يضعه «كنكة» أعلى نضبة الشاي ويكسوة بكثير من الأغطية والمفارش المزركشة.. فهو يكاد يكون أثر منذ أن بدأ المقهى في العمل بداية الخمسينات.

لم يمكث شحطة الراوي على طاولته بالمقهى وقتاً طويلاً ينتظر حفل الست أم كلثوم وهو يرتشف كوب الشاي.. فها هو الشيخ الضرير.. الشيخ أحمد الصعيدي يضرب بعصاه الأرض في تناغم شديد.. إنها عينه التي يرى بها.. فصوت العصا عندما تلامس الأرض تخبره إلى الطريق الصحيح.. متجنباً أي عائق أمامه.. فهذا الشيخ يمشي مسرعاً بشكل ملحوظ.. لقد تمررت على تلك العصا منذ أن فقد بصره وهو في سن العاشرة.. لا أحد يدري من أين جاء إلى هذا الحي.. أين أهله وذويه..؟ كان دائماً يجيب على تلك التساؤلات بضحكاته المعتادة:

- ربنا يا أخي إللي جبني هنا .. ابن حوا وآدم .. أيوه الشيخ
أحمد الصعيدي .. ابن ابونا آدم .. وأمنا حوا .

يضحك الشيخ أحمد الصعيدي ويضحك جميع مرتادي المقهى
على كلماته تلك .. كان شيخ تستمتع بقراءته للقرآن .. أعطاه الله
حلاوة في صوته عند تلاوة آيات القرآن الكريم .. كان دائماً ما
يتلو القرآن الكريم في قطار باب اللوق ذهاباً وإياباً .. لديه دخل
يومي يقدر بعشرات الجنيهات .. يتلقى مساعدة من بعض ركاب
القطار .. كان المورد الدائم للعملات الصغيرة «الفكة» لمطعم الحاج
إبراهيم الشامي وكثير من محلات شارع منصور .

ضرب العصا على رصيف المقهى وقال الشيخ أحمد
الصعيدي :

- السلام عليكم أيها الجالسون فوق التراب .

رد الجميع من في المقهى وعليكم السلام يا شيخ أحمد .

كان الجميع يتربح حضور الشيخ أحمد الصعيدي .. فمن وقت
لآخر كان يجلس على المقهى ليحكى بعض الحكايات والنوادر ..
والكل يستمع إليه .. من باب التسلية .. لكن كانت دائماً حكاياته
الشعبية بها الكثير من الحكمة والعظة .

ميز الشيخ أحمد الصعيدي صوت شحثة الراوي.. وقال:

- إزيك يا شحثة يا راوي.

بدت على وجه شحثة علامات الاستغراب والتعجب.. تساءل

كيف عرف بوجوده.. لقد قابله مرة واحدة فقط..!:

- سبحان الله ده عرف صوتي من وسط الناس دي كلها

إزاي..! باين عليه شيخ مبروك.

رد الشيخ أحمد الصعيدي على شحثة ووجهه يعلوه إبتسامة

ساخرة وهو يهز رأسه:

- يا شحثة يا راوي أنا لست شيخاً مبروكاً يا أخي.. لا

تتعجب فالله يعطي العلم لمن يشاء.

زاد شحثة من تعجبه وزادت تساؤلاته.

- كيف قرأ الشيخ أحمد الصعيدي ما يحدث به نفسه..!؟

قال شحثة الراوي للشيخ أحمد:

- اجلس اجلس يا شيخ أحمد يا راجل يا طيب.

جلس الشيخ أحمد الصعيدي الليلة على طاولة شحثة الراوي

وتبادلا أطراف الحديث وقال الشيخ أحمد الصعيدي:

- متستغربش قوي يا شحثة.. ربك ببعوض برده.. خد مننا النظر.. لكن الحمد لله ادانا العقل والفظنه.. إنت عارف إنني بمشي بشوارع مصر كلها زي أي واحد فيكم ويمكن أحسن منكم كمان.. حفظها حته حته.. أيوة يا خويا يا شحثة.. حفظها صم.. حفرة حفرة وبلاعة بلاعة.

قال الشيخ أحمد الصعيدي وهو ينادي على جميع من بالقهوة:

- اسمعو يا أخونا.. هحكي لكم حكاية جميلة قوى الليلة.. آه والله حكاية جميلة.. حكاية الواد حمدان ونعيمة بنت العمدة حسان... يلا قرب يا واد إنت وهو.. سمعني الصلاة على حبيبك المصطفى.

رد جميع من في المقهى:

- عليه الصلاة والسلام.. قول يا شيخ أحمد.

قال الشيخ أحمد الصعيدي:

- كان ياما كان في واد اسمه حمدان والفقير ضارب في جذوره تمام.. زاده يا دوب حته جينة قديمة ورغفين.. ميملكش من الدنيا حاجة غير هدمه وحصيرة وقلة ميه مأطوشة «قُلة قناوي بها كسر بالرقبة».. وعایش في دار قديمة مهجورة.. عایش فيها من سنين

.. لكن تشاء الأقدار أن قلبه يتعلق بالبت نعيمة.. بت زي لهطة القشطة.. حسب ونسب.. ماهي بنت العمدة حسان.. كانت تحل من على حبل المشنقة يا ولاد.. زي ما بيقولو في الامثال.. المهم الواد حمدان حبها ووقع في غرمها.. أمله ضعيف يا عيني ماهو واد غلبان.. يسهر الليل بطوله يدعي أن ربنا يديله.. عشان يتقدم ويخطب البت نعيمة.. قعد كاتم حبها في قلبه سنين طوال.. ويفكر ويقول طب إزاي.. حمدان الكحيان و نعيمة بنت العمدة حسان.. منبوش من حبها.. إلا السهر والحيرة.. والفكر ليالي طوال.. بقت تيجي له يوماتي في المنام.. ما الحب يا ولاد بيثعلل في القلب نار.. البت نعيمة اتقدم لها عرسان كتار.. وكل ما تيجي تتجوز.. تتفركش الجوازة.. ويتقلب الفرح.. لعركة تقوم.. لنار تشعل.. لطلقة طيشة تصيب.. المهم البت مكنش بتم لها جوازة.. أبوها راح ولف بيها بلاد كثير.. راح لعرافين ياما.. ودي شيخه عوزة عرف ديك أحمر.. وده شيخ عاوز رجل غراب أخضر.. وعلى ده الحال قعدت البت نعيمة سنين طوال.. لا عرفو دائها ولا عرفو دواها.. لحد ما زرها راجل مبروك اسمه الشيخ شعلان.. قرأ إلي مكتوب على جنبها ومرسوم بين عيونها.. قال لابوها.. بنتك مش هيجي لها عرسان.. لكن بنتك في يوم من الأيام هي اللي هتشاور وتختار.. استغرب العمدة حسان وقال للشيخ شعلان.. وضع كمان.. قال الشيخ شعلان.. بنتك هتصاب وهيدويها راجل

غلبان.. لكن يبجبها وهيصونها.. جوزها له قوام.. هو ده رجلها..
ده نصيبها إللي إتأخر سنين طوال.. إنت كنت بتطلب حسب
ونسب وجاه وسلطان.. لكن نصيبها في راجل فقير عدمان.. ربنا
بيختبرك يا حسان.. أوعاك من الطمع.. وأوعاك تعارض إللي
مكتوب.. ده المكتوب على الجبين لازم تشوفه العين.. وفي يوم
الغفير سايق الكرتة (عربة خشبية يجرها حصان تنتشر في بعض
القرى) وركبة وراه البت نعيمة بنت العمدة حسان.. مشيين على
الزراعية.. اتقلبت بيهم الكرتة قدام الدار القديمة المهجورة إللي
عايش فيها الواد حمدان.. وقعت نعيمة على الأرض.. جرحها
بينزف عمال على بطل.. جري عليها الواد حمدان وجاب حته
قماشة وكتم لها الجرح قوام.. وقعت نعيمة على المسطبة
قدام الدار.. وبعث الواد حمدان، الغفير دنداري للوحدة يجيب
التمر جي سعفان.. طبب جرحها حمدان.. وجلس قدمها.. يملئ
عيونه من جمالها.. وفي التو واللحظة جه العمدة حسان.. شاف
نعيمة بنته قعدة على المسطبة.. إللي قدام الدار إللي قاعد فيها
الواد حمدان.. جه في باله قوام.. كلام الراجل المبروك إللي اسمه
الشيخ شعلان.. اطمئن العمدة حسان على بنته قوام.. وقال مين
اللي طببك يا نعيمة يا بنتي قولي قوام.. قالت لأبوها الراجل
ده الشهم الهمام.. رد الواد حمدان قوام وقال أيوه أنا إللي دويت
جرحها يا عم العمدة حسان.. وطى العمدة ووشوش بنته نعيمة

وقال.. حمدان راجل جدع وشهم لكنه فقير عدمان.. قالت له نعيمة.. يابا الفقير ممكن يفتني لكن عمر الشهامة والجدعنه ما تشتريها بمال.. العمدة مكديش خبر.. قال يا ولاد الحقوني بالمأذون أوام.. واتجوز الواد حمدان العدمان البت القشطة نعيمة بنت العمدة حسان.. وعاشو في تبات ونبات وخلفو صبيان وبنات.. وتوته توته خلصت الحدوته.

- إيه رأيك إنت وهو يا جدع.. شوفت النصيب وأما ربنا بيريد.. يتجوز العدمان من بنت العمدة حسان.

- هات قرش يا واد إنت وهو.. أدعي لك دعوة تمام.. يجوزك زي الواد حمدان.. ولو قرشين هدعي لك دعوتين دعوة ربنا يخليك ودعوة تانية ينصرك على حماتك.. وربنا ما يوريك.. ها.. ها.. ها.

خرج الشيخ أحمد الصعيدي من المقهى مسرعاً كعادته يضرب بعصاه الأرض.. والجميع يضحك.. لقد استأنس الجميع بحكاوي الشيخ أحمد الصعيدي وبخفة ظله.

اليوم تختم إذاعة أم كلثوم كعادتها بأغنية من حفلات الإذاعة المصرية للست أم كلثوم.. والمقهى يعج بالزبائن و طاولة شححة الراوي الليلة عامرة بالأصدقاء وأهل المنطقة.. فيها هو أبو يوسف

الفكاني وولده حسام صاحب الفرش أمام مطعم إبراهيم الشامي
.. وعبدالرحمن عامل مصنع الثلج.. والمقدس كريلس الجزار
بسوق باب اللوق.

صوت الست أم كلثوم يشدو من آثير الإذاعة من راديو
المقهى.. لتتلاقى معها الأفتدة:

هو صحيح الهوى غلاب معرفش أنا
والهجر قالوا مرار وعذاب واليوم بسنه
جانى الهوى من غير مواعيد
وكل مادا حلاوته تزيد
محسبش يوم هياخذنى بعيد
يملى قلبى بالأفراح
وارجع وقلبي كله جراح
إزاي يا ترى
أهو ده اللى جرى
وأنا ما عرفش

كانت هي ليلة من أروع ليالي الست.. لقد أنهت الآن وصلتها
الغنائية.. وإذا بصفير القطار ينطلق من محطة باب اللوق.. كأنه
كان ينصت هو أيضاً لصوت الست أم كلثوم.. ينتظر انتهاء الحفل
.. ليعلن هو الآخر انتهاء اليوم.. وإذا بأمين الشرطة زكريا بلديات
الحاج إبراهيم الشامي وإمام الزاوية يأتي إلى المقهى:

- السلام عليكم.. إيه الحكاية الكل سهران الليلة يعنى..
متسهروش كده عشان متكسلوش عن صلاة الفجر.

رد الجميع السلام وقال شحطة:

- صحيح يا أمين زكريا أدينا قايمين أهو.. أصل الست
النهاردة كانت مبدعة على الآخر.. نشوفك بقى في صلاة الفجر
إن شاء الله.

قال الأمين زكريا:

- أنا هريح ساعتين كده وأقوم أتوضى وأصلى ركعتين..
وتسمعوني بقى في تواشيح الفجر إن شاء الله.

قال الجميع:

- ربنا بيارك لك.

قال شحّته الراوي:

- بجد صوتك جميل يا زكريا يا ابني.. اللّهُ.. ولا الشيخ
النقشبندي في زمانه.

رد الأمين زكريا وهو مبتسماً كعادته:

- النقشبندي مرة واحدة يا عم شحّته.

ضحك الجميع وهمو أن يغادروا المقهى حتى جاء على عجل
من أمره الصبي «كنكة» بوجهه العابث وبأعلى صوته:

- الحساب يا خونا.. هنشطب.

رد شحّته وهو يضحك:

- أهو انت كده يا واد يا «كنكة» على طول تقفلنا منك..
بقى إحنا يا راجل طول الليل نسمع حكاوي الشيخ أحمد و طرب
الست أم كلثوم .. ونختم بصوتك إنت يا كنية.. ها.. ها.. ها..
يلا تعال خد الحساب عشان تشطب.. تصبح على خير يا «كنكة».



هل يطرق الحب باب الفقراء...؟

اشتد عود أبناء شححة الراوي.. وها هي ورد ابنته الكبرى قد قاربت سن السابعة عشر.. هذه الفتاة الريفية.. التي حضرت إلى القاهرة متشبثة بجلباب والدها شححة الراوي.. لم تكن سوى طفلة صغيرة تتبع خطواته.. لكنها كانت تحمل إرث وأصالة أهل القرية.. أصالة الريف.. الجدعنة.. الشهامة.. خفة الدم.. الصبر.. إنها ورد بنت البلد المصرية.. ترى إشراقة الصبح في وجهها.. و الأمل في عيونها.. وترى الفرحة بكل معانيها في ابتسامتها التي لا تفارقها.. وفضائل شعرها الأحمر كخيوط غزلت من شمس الصباح.. تعرفها من بعيد برشاققتها بتاغم خطواتها بنظراتها المخملية.

بضع أسابيع قليلة وتنتهي ورد دراستها بالصف الثاني الثانوي.. على الرغم من مساعدتها لوالدها في أعمال المطعم.. والمسئولية الملقاة على عاتقها في تربية ومتابعة أخواتها كونها الأخت الكبرى.. كانت ورد حريصة كل الحرص على دراستها واستذكارها لدروسها مما جعلها من بين المتميزين دراسياً.. تحظى بكثير من الشناء من مدرسيها لحسن خلقها و تفوقها في ظل ظروفها المعيشية المتواضعة.. الأمر الذي صابرت عليه ورد ولم تجعله يوماً يؤثر سلباً على استمرارها بل وتفوقها الدراسي.

توجهت اليوم ورد كعادتها كل صباح إلى مدرستها، مصطحبه معها أخوها الأصغر عبادة وأختها رقية.. ترافقهم إلى مدرستهم على مشارف حي عابدين.. ومن ثم تذهب إلى مدرستها في شارع البستان بحي باب اللوق.. تستيقظ ورد كعادتها مبكراً قبل آذان الفجر.. لكنها اليوم استيقظت على صوت عصفور يغرد.. يقف على نافذة غرفتها يضرب بمنقاره الصغير زجاج النافذة.. لم تراه ورد من قبل.. أنه زائر جديد.. فتحت له النافذة.. تأمل ورد كثيراً كأنه يعرفها.. هز رأسه يميناً ويساراً.. كأنه يريد أن يحدثها.. استغربت ورد كثيراً.. فهي تشاهده للوهلة الأولى ولم يطرق نافذة غرفتها من قبل.. ذهبت ورد وأحضرت للعصفور بعضاً من حبات القمح وقليل من الماء.. إلتقط العصفور بعض حبات القمح من يد ورد.. أخذت تداعبه وتمسح بيدها على رأسه.. لم يخشاها العصفور وهي تداعبه وتمسح على رأسه.. زقزق العصفور كأنه يشكرها على حبات القمح.. على لطفها وودها معه.. طار بعيداً.. ودعته ورد بابتسامه و لوحت له بيديها.. وماهي إلا بضع لحظات حتى بدأ صوت الأمين زكريا يعطر المكان بصوته الجهور وينشد أروع الكلمات في مدح الرسول «عليه أفضل الصلاة والسلام».. أيقظت ورد والدها شحنة الراوي ليتوضأ لصلاة الفجر.. لتبدأ ورد في إعداد الإفطار لأخواتها وترتيب حقائبهم المدرسية وتضع بها بعض السندوتشات، فالיום الدراسي يوم طويل.

كان ذلك اليوم يشبه كثيراً الأيام الماضية .. حتى لاحظت
ورد نظرات تتبعها من بعيد .. تتابع خطواتها على إستحياء .. أنه
حسام ابن أبو يوسف .. نعم هو حسام .. !

منذ عدة أيام كان حسام ابن أبو يوسف بائع الفاكهة .. يتابع
ورد بنظراته من بعيد .. نظرات لم تلاحظها ورد في أول الأمر ..
ف ورد تعرف حسام منذ سنوات .. هذا الشاب المكافح .. هو الولد
الثاني للحاج أبو يوسف بائع الفاكهة .. يساند والده ويساعده
منذ أن توفى أخيه الأكبر يوسف .. أقفاص الفاكهة الخاصة بهم
تحتل جزءاً كبيراً من الرصيف أمام مطعم الحاج إبراهيم الشامي
ومظلتهم «الشمسية» تتأطح أكبر يافطة في شارع منصور .. كتب
عليها محلات أولاد أبو يوسف لبيع الفاكهة .. تلك المحلات ما
هي إلا جزء من رصيف الشارع و المظلة وبعض الأقفاص ومقعد
يجلس عليه أبو يوسف ممسكاً بالأرجيلة «الشيشة» صباح مساء ..
وحجر اسمنتي نزع من الرصيف يضع عليه ميزان قديم وبعض
المكايل الصغيرة .

الحاج إبراهيم الشامي يعطف عليهم كثيراً .. ف أبو يوسف
وولده حسام يستخدمون مرافق المطعم دون مقابل على غير عادة
بائعي المنطقة مع محلات يفترشون أمامها .. عادة ما يستأجرون
البائعين الرصيف من المحلات مقابل مبلغ مقطوع شهرياً وبعضهم

يدفعون جزء من الكهرباء والماء.. هذا هو العرف السائد بالحي..
كون شارع منصور مكتظ بالمارة والزبائن.. فمحطة قطار باب اللوق
محطة رئيسية «نهاية خط حلوان» والمنطقة تعج بموظفي الوزارات
والهيئات الحكومية من السيدة زينب وسعد زغلول وشارع القصر
العيني ومجمع التحرير.. لكن الحاج إبراهيم الشامي يختلف
كثيراً.. فهو يمد أبو يوسف بالكهرباء والمياه التي يحتاجها طيلة
اليوم دون مقابل.. فالحاج إبراهيم الشامي رجل كريم بطبعة.

حسام.. في الصباح يترجل خلف ورد.. ينتظرها عند مكتب
بريد باب اللوق بشارع التحرير أثناء توجهها إلى مدرستها بعد
توصيل أخواتها عبادة ورقية كل إلى مدرسته.. حسام يريد أن
يبوح لورد بما يشعر به.. نعم نبت الحب بقلبه.. ينمو ويزدهر..
حب لا يستطيع كتمانها.. يحتاج إلى من يرويه.. إلى حبه إلى
كلماتها إلى نظراتها.. فهي أمامه ولكن لا يستطيع البوح بما في
قلبه لها.. خوفاً من أن ترفض ورد هذا الحب.. وهي في عرف
الحي.. جارتها.. بنت منطقتها.. نعم هو شاب صغير يساعد والده
في بيع الفاكهة على رصيف شارع منصور.. لكنه أيضاً يواظب
على دراسته بالمدرسة الثانوية في فترة الظهيرة.

يوم تلو الآخر.. والصمت ما زال يعترى وجه حسام.. فقط
جوارحه ونظراته تبوح بما لا يقوى لسانه على البوح به.. لكن

الحب يولد شيئاً ام أبينا .. نعم بدأت ورد تلاحظ تكرار وقوف حسام أمام مكتب بريد باب اللوق يترقب وصولها من بعيد .. وعندما تقترب ورد .. يدير ظهره .. لا يريد أن تراه ورد .. هو فقط يريد أن يراها يروى حبه ببعض نظرات خاطفه .. نعم قد لا تكفي ظمأ الحبيب .. لكنها تبقى على حافة الحياة .

قرر حسام أخيراً أن يبوح بما في قلبه ومشاعره تجاه ورد .. اليوم وبعد أيام عديدة في تردد .. اقترب حسام من مكتب بريد باب اللوق .. وعلى غير عادته كل صباح لم يدير ظهره لورد هذا اليوم .. بل وقف صامداً في انتظار أن تقترب ورد منه أكثر فأكثر وهي في طريقها إلى المدرسة .

قال حسام ودقات قلبه تتسارع وفي تلثم شديد :

- صباح الخير يا أنسه ورد .

ردت ورد وهي تنظر إلى حسام :

- صباح الخير يا حسام .. إيه خير عندك حاجة النهارده في مكتب البريد ولا إيه ..؟

وقفاً سويًا وجهاً لوجه .. لم يسبق لحسام ان رأى ورد عن قرب هكذا .. وجهها .. عيونها .. شفاتها .. ضفائر شعرها الأحمر .. وجه لم يراه من قبل .. نعم قد كان يحلم بها .. وهي تحدثه .. وهي

تتقرب إليه.. لكنه أبداً لم يرَ ملامح وجهها المشرق من قبل..
على الرغم من أنه يجلس على بعد عدة أمتار قليلة منها.

لم يُجب حسام على سؤال ورد.. فهو لم يسمع ما قالته..
فقط وقف ينظر إليها.. يدقق في عينيها.. يطالع حركة شفثتها..
يحدق في وجهها.. كأنه لم يرَ وجه فتاة من قبل.. لعل ورد تقرأ ما
بداخله.. بما يشعر به.. بحبه الجارف.. وعشقه الثائر.. فالحب
وإن توارى بعض الوقت فلن يتوارى طول العمر.

أعادت ورد السؤال على حسام مرة تلو الأخرى وقالت:

- حسام هووو إنت رحت فين.. بسألك عندك حاجة
النهاردة في مكتب بريد باب اللوق.. ؟

استيقظ حسام من غفوته.. رد سريعاً على سؤال ورد وقال:

- أيوه.. أيوه صحيح عندي مشوار كده ولقيتك معدية قلت
أصبح عليكي.

شعرت ورد بما يخفيه حسام.. لكنها لم تدرك صدق حبه لها
وتعلقه بها.. اعتقدت ورد أنه مجرد إعجاب عابر.. كأى شاب في
عمر حسام.. يحاول أن يلفت نظر فتاة.. وخاصة أنها بنت الحي
الذي يعيش فيه.. لم يدوم اللقاء طويلاً.. فقط دقائق معدودة.

إستأذنت ورد:

- طيب يا حسام أنا همشي عشان موعد المدرسة.. سعيدة
إني شفتك النهارده.

رد حسام:

- طيب يا أنسه ورد.. عطلتك معلش.. لكني سعيد إنني
شفتك.. مع السلامة.

كان هذا اللقاء القصير على الرغم من كلماته القليلة ونظراته
المتأملة الرقيقة .. إلا أنه انتصار لحسام.. أخيراً بدأ يتكلم مع
حبيبته ورد.. فكت عقدة لسانه.. اليوم استوقفها.. كلمها.. رأى
وجهها الطفولي البريئ.. عيناها الزرقاوتين كسماء صافية..
ووجنتيها موردتين كزهور ربيع تتفتح على أعتاب الفجر.. وشفاه
تتطق بحلو الكلام وأعزبه.. وطابع الحسن «حبة الخال» على
الشفاه يزيد لها حسناً وبهاءً.. وضافئرها الحمراء المجدولة تضاهي
شمس النهار.

لم يكن ذلك إلا أول لقاء يجمع بين حسام وورد.. لقد الهب
هذا اللقاء قلب حسام أكثر فأكثر.. لم يكن يدري أن لقاء ورد
سيزيده اشتياقاً.. ويأجج نار الحب في قلبه ويزيدها اشتعالاً.

عادت ورد آخر النهار مع أخواتها عبادة ورقية إلى غرفتهم فوق سطح المطعم بعد يوم دراسي طويل.. أبدلت ملابسها.. ونزلت إلى المطعم لتساعد والدها كعادتها كل يوم بعد عودتها من المدرسة.. جلست على مقعدها الصغير وأخذت السكين لتبدأ في تقطيع بعض حبات البطاطس... راحت تفكر.. حسام بدأ يتابع خطواتها.. من عدة أيام يقف أمام مكتب بريد باب اللوق ينظر إليها ثم يدير ظهره.. واليوم استوقفها.. كلمها.. كان متردد بعض الشيء.. كان يخفي شيئاً ما.. بدأت ورد تطرح الأسئلة:

- هل فعلاً هو مجرد أعجاب..؟

- طريقة كلام حسام ونظراته مختلفة لن أشاهدها من قبل..؟

- ممكن أن تكون غير ذلك..؟! ممكن تكون حب..؟!

- معقول..؟!

لم يقطع تسلسل تفكير ورد وتساؤلاتها.. إلا صوت والدها شحنة الراوي وهو ينادي:

- يا ورد.. ياورد يا بنتي انتي مش سمعاني.. سرحانه ولا

إيه.. كفاية كده يا بنتي تقطيع بطاطس ده يكفي حي باب اللوق كله مش مطعم عمك الحج.

بدأت ورد تتبته لصوت والدها وعادت لتتظر إلى ما بيديها
والكم الهائل من حبات البطاطس التي قامت بتقطيعها.

قالت ورد:

- أيوه يابا.. لا خلاص هو كده كفاية صح.. أقوم بقى أقطع
شوية بتجان.

رد شحثة الراوي:

- أيوه يا بنتي بس متكتريش مش عوزين الحاجة بزيادة.

إنها المرة الأولى الذي يشغل عقل ورد هذا التفكير العميق
بشخص ما.. فكل اهتمامها كان منصب إلى دراستها وعملها مع
والدها ورعاية أخواتها.. لم تفكر ورد يوماً ما في أي شخص ولم
يدور في ذهنها مثل هذه التساؤلات من قبل.. ولماذا حسام؟!
فدائماً ما تصادف بعض الشباب وهي بطريقها يسمعوها الكثير
من عبارات الغزل.. لم يلفت نظرها أي شاب منهم.. لكن حسام
شعرت به من أول لقاء.. وبكلماته الصادقة.

لم يكن لقاء ورد وحسام في ذلك اليوم مصادفة.. ورد تعلم
جيداً هذا الأمر على الرغم من أن حسام كان يحاول أن يفهم
ورد أن اللقاء كان محض صدفة لا أكثر.. في اليوم التالي وقف
حسام بالقرب من سور مدرسة عبادة ورقية.. ينتظر ورد أن

تأتي بأخواتها إلى المدرسة.. يريد أن يقابلها.. الآن الساعة السابعة صباحاً.. حضرت ورد ومعها اخواتها.. أوصلتهما حتى باب المدرسة.. ودعتهما كعادتها لحين عودتها لهن مرة أخرى عند انتهاء اليوم الدراسي لتصبحهم إلى البيت.

ترجلت ورد مسرعة حتى تلحق بمدرستها.. فيجب ألا تتأخر عن الساعة السابعة والنصف.. حسام يترجل خلفها و يلحق بها.. لقد فاجأها هذا اليوم.. فعادته أن يقف أمام مكتب بريد باب اللوق كل صباح لا أن يأتي بالقرب من مدرسة عبادة ورقية بحي عابدين.

وقال حسام بصوت هامس:

- صباح الخير يا ورد.

إلتفتت ورد إلى الصوت وقالت:

- صباح الخير يا حسام.. إيه الحكاية مشوار تاني النهارده

كمان ولا إيه.. ؟!

ابتسما.. ترجلا سوياً.. بدأ الحديث شيئاً فشيئاً.. كل منهما يعبر عن سعادته لهذا اللقاء.. كان الحديث عاماً بعض الشيء عن أحوال حسام ودراسته ومساعدته لوالده أبو يوسف في الصباح وعن دراسة ورد ومستقبلها وطموحها ومساعدتها لوالدها شحنة الراوي.. إنهما يتشابهان كثيراً.. كلاهما يدرس وكلاهما يعمل مع والده.. إنها رحلة كفاح منذ الصغر.

هذا اليوم أيضاً كان اللقاء بترتيب من حسام.. إرتاحت ورد
للحديث مع حسام.. وما هي إلا دقائق معدودة حتى ظهر من بعيد
باب مدرسة ورد وبدأت ترى بعض زميلاتنا في طريقهم إلى المدرسة.

قالت ورد:

- حسام سعيدة إنني شفتك النهاردة كمان.

وقبل أن تكمل ورد كلامها.

رد حسام:

- ورد في كلام كثير حابب أقولها لك.

قاطعته ورد:

- حسام أنا قريت من المدرسة.. صعب حد يشفنا في المكان
ده.. معلى قدر موقفي.

قال حسام وهو يهز رأسه:

- صحيح يا ورد.. لحد هنا ولازم أمشي.. لكن أنا كنت
عاوز أقولك.. عاوز أقولك.. لا لا خلاص.. عشان تلحقي المدرسة
مش هعطلك.. لكن يا ريت أشوفك بكرة.

ردت ورد بأبتسامه ولم تجب.. لكن الإجابة كانت صريحة
جلية على وجهها.. ترجلت ورد مسرعة حتى تلحق بمدرستها..
وما هي إلا بضع خطوات.. حتى نادى عليها صديقاتها رنا وحنين:

- صباح الخير يا ورد.. أخوكي ده يا ورد إللي بيوصلك ولا إيه..؟
- ردت ورد على عجل وقد تفاجأت من أن صديقاتها رنا وحنين بجوارها.. وقد شاهدو حسام معها:
- لا أبداً ده ابن عمي واتقابلنا بالصدفة مش أكثر.. أنتم إيه أخباركم عمليين إيه يا بنات.
- ردت رنا وهي تنظر في عين ورد وتبتسم ابتسامة تخفي وراءها أسئلة كثيرة:
- بقى ابن عمك برده يا ورد.. ماشي ماشي.. هنمشيها ابن عمك يا جميل.
- ضحكت رنا وحنين ضحكة بها بعض من التهكم على كلمات ورد.. لكن ورد لم تعر أي إهتمام بالأمر.. فهو سؤال عابر لصديقاتها لا أكثر.
- لم يفصح حسام تلك المرة أيضاً عن ما بقلبه تجاه ورد.. لكنه بدأ يدرك أن ورد شعرت بما يريد أن يحدثها به.. تردد حسام هذه المرة.. لكن قد يستطيع بالأيام القادمة أن يبوح بحقيقة حبه وعشقه لورد.



غرور المعلم ظاهر

أصبح لقاء حسام وورد شبه يومي.. لم يكن فقط أمام مكتب بريد باب اللوق كعادتهما في صباح كل يوم دراسي.. بل كان لقاتهما يوم الجمعة بعد صلاة العصر موعداً مقدساً.. فذلك اليوم هو للتنزه سوياً بعيداً عن حي باب اللوق.

حباً عذرياً طاهراً.. تعلقت ورد بحسام.. وازداد تعلق حسام بورد.. لقد اعترف لها بحبه وعشقه.. بادلته ورد نفس المشاعر.. فحسام شاب مكافح يقضي معظم الوقت في مساعدة والده إلا في وقت ذهابه إلى مدرسة في فترة ما بعد الظهر.. حسام رجل يعتمد عليه.. ارتبطت قلوبهما.. تواعدا ألا يفترقا.. تعاهدا أن يستمر حبهما إلى الأبد وأن يكلل بالزواج.. على حسام أن يتقدم لخطبة ورد بعد انتهاء اختبارات نهاية العام الدراسي الحالي.. هذا ما اتفقا عليه حسام وورد على الرغم من كونهما صغاراً وأمامهم عام كامل على انتهاء المرحلة الثانوية.

اعتادت ورد الخروج كل يوم جمعة.. على إنها ذاهبه لصدقاتها رنا وحنين بوسط البلد لتستعير منهما بعض أوراق الدروس الخصوصية.. هذا ما أوضحتها ورد لوالدها شحثة الراوي.. لكنها في الحقيقة كانت تلتقي بحبيبها حسام خارج حي باب اللوق.

المعلم طاهر كعادته يباشر عمله بالمطعم بعض أيام الأسبوع بالتناوب وبالإتفاق مع باقي أخواته.. كان يوم الجمعة من ضمن أيام تواجد المعلم طاهر بالمطعم.. كان دائماً يوم الجمعة يوم عمل هادئ نسبياً.. والتردد على المطعم قليل بعض الشيء في هذا اليوم عن باقي أيام الاسبوع.. فالمطعم معظم زبائنه من الموظفين والعاملين بالهيئات والوزارات بمنطقة باب اللوق والمناطق المجاورة.. ويوم الجمعة يوم عطلة رسمية.

تكرر خروج ورد هذه الجمعة أيضاً.. لكن تلك الجمعة كانت الجمعة الأخيرة من شهر شعبان.. وكعادة مطعم الشامي أن يتم تجهيز سرادق كبير «فراشة» أمام المطعم.. فشهر رمضان الفضيل على الأبواب.. ففرن كنافه وفرن قطايف الشامي له زبائنه كل عام.. والجميع بالمطعم من عمال بما في ذلك شحطة الراوي وأولاده في مثل هذا اليوم يقومون بالمساعدة والتجهيز لذلك.

خروج ورد في هذا اليوم على غير عاداتها في السنوات السابقة.. لفت نظر المعلم طاهر.. هناك شيئ ما لدى ورد لم تخبر به أحداً.. بالتأكيد ليست في زيارة عادية لزميلاتها بالمدرسة لتستعير بعض أوراق الدروس الخصوصية.. إذاً في الأمر شيء ما..؟!.

أشار المعلم طاهر إلى أحد الصبية بالمطعم.. وقال له:

- واد يا صابر.. تعالى.. تعالى هنا سييب إللي في ايدك.

رد الصبي صابر:

- حاضر يا معلم.. أوومر.

وشوش المعلم طاهر في أذن صبيه صابر:

- خليك ورا ورد من بعيد كده.. أعرف لي هي ريحه على

فين.. أوعى تشوفك يا واد يا صابر.

رد الصبي صابر:

- حاضر يا معلم.. فاهم.

صابر يتتبع خطوات ورد.. لقد قابلت هذا اليوم حسام في آخر شارع شريف بوسط البلد.. شاهدها الصبي صابر.. وحسام يمسك بيدها.. يطوفان شوارع وسط البلد.. وقف حسام وورد بعض الوقت أمام حلواني العبد.. اشترى آيس كريم له ولورد.. طال بينهم الحديث.. ترجلا سوياً من شارع لشارع حتى بدأت الشمس تغفو رويداً رويداً.. لم يشعر كلا المحبين بأن الساعات الحلوه تمضي سريعاً.. فيجب على ورد أن تعود إلى البيت قبل غروب الشمس.. لقد تأخرت اليوم كثيراً.

ودعت ورد حسام على عجل وقالت له:

- مع السلامة يا حسام أنا اتاخرت قوى النهاردة.. لازم أرجع على البيت عشان محدش ياخذ باله، أشوفك بكرة.. سلام.

أشار لها حسام بيديه.. وقال:

- مع السلامة يا ورد.. مع السلامة.

كان الصبي صابر يراقب من بعيد طيلة حديث ورد وحسام.. نعم لم يستمع إلى حوارهما.. لكنه أخبر المعلم طاهر بكل ما شاهده لحظة بلحظة.

لم يعرف المعلم طاهر يوماً معنى الحب.. الحب الطاهر بين شاب وفتاة.. الحب العذري المجرد من كل الشهوات.. أفئدة تتلاقى.. أرواح تمتزج.. فكل حياته كانت مغامرات غير محسوبة.. تعرف على نساء من كل الطبقات الاجتماعية.. كانت نظراته للنساء قاصرة على المتعة فحسب.. يرتدى في أحضان بعضهن ليلة واحدة.. ويعاشر أخريات ليالي عديدة.. كل ما يمتلكه من مال كان ينفقه على النساء.. وعلى الليالي الحمراء والخمر.

الصبي صابر.. كان أميئاً في سرد كل ما شاهده لحظة بلحظة.. والمعلم طاهر يهز رأسه وبصوت خافت يقول:

- آه... آه... آه بقى كده يا ورد.. ماشي.. ماشي..

جلس المعلم طاهر يحدث نفسه ويفكر كثيراً بأمر ورد.. أعتقد أن مقابلة ورد لحسام مجرد تسلية ليس إلا.. فتاة في سن المراهقة تواعد شاب على قارة الطريق.. شيء من الممكن حدوثه.

أخذ تفكير المعلم طاهر ينصب في اتجاه واحد.. أن ورد فتاة من السهل إغرائها والتودد إليها.. هي مثل غيرها من الفتيات التي عرفهن.. تعشق بريق الذهب.. وتلهث وراء المال.

لم يرضي غرور المعلم طاهر.. أن تكون هناك فتاة أمامه ولم تعجب به أو تغيره الاهتمام الكافي.. حتى ولو كانت تلك الفتاة الصغيرة ذات السبعة عشر عاماً.. ابنة عامل المطعم شحته الرواي.. إنه المعلم طاهر.. الشاب الغني.. الوسيم.. الابن المدلل للحاج إبراهيم الشامي.

بدأ المعلم طاهر في الحديث مع ورد مرة تلو الأخرى.. في بداية الأمر اعتقدت ورد أنه حديث عابر بين صاحب عمل يعمل والدها لديه وبين فتاة بسيطة.. لم تتوقع أبداً أنه يغازلها أو مجرد التفكير بها.

بدأ حديثه معها يتضمن بعض التلميحات.. عن جمالها.. خفتها.. وعن مدى قدرته على أن يؤمن لها المال الوفير و الملابس الجديدة.. أو بعض الحلبي الذهبية إن إرادت.

لكن ورد ذات السابعة عشر عاماً .. أدركت مبكراً خبث نوايا المعلم طاهر.. ورغبته في إظهار مدى قدرته على الإغداق عليها بالمال و الهدايا .. وهو أمر لم تتعوده منه .. فدائماً ما كان رجلاً صلباً جافاً في تعاملاته مع الآخرين.

رفضت ورد كل المغريات من المعلم طاهر.. فهي تعلم جيداً ما يلمح إليه .. تكون له فتاة مثل غيرها ممن عرفهم المعلم طاهر.. لم ييأس المعلم طاهر من محاولاته المرة تلو الأخرى بأن يختلي بورد في مطبخ المطعم.. ويزيدها من حلو الكلام.. لكن ورد كانت تتفادى دائماً هذه الامور بلباقة وحسن تدبير.. وترد عليه أحيانا بعبارات جافة.. لعله يفهم عدم استجابتها له.. وأنها فتاه مختلفة ليست مثل باقي الفتيات التي اعتاد المعلم طاهر أن يصاحبهن.. لم يزيد هذا الرفض من ورد إلا إصراراً من جانب المعلم طاهر.. نعم لن يُرضي غروره أن ترفضه فتاة في سن ورد ولا في مثل وضعها الاجتماعي.. كانت كلمات ورد أحياناً للمعلم طاهر قاسية.. كقذائف متفجرة في وجهه.. إلا أنها كانت تقع وتتأثر على حائط عناده وإصراره وتكبره.

أتى رمضان.. تُزين حي باب اللوق وشارع منصور بمجسمات الفوانيس والمساجد المعلقة على طول الشارع متزينة بقصاصات الورق الملونة الشفافة.. تتلألأ وسط أضواء المصابيح الملونة..

الشارع في الصباح هادئ نوعاً ما إلا من بعض المارة.. الجميع في هدوء وسكينة.. ليس هذا ما اعتاد عليه هذا الشارع طيلة العام، من ضجيج الباعة والمارة على حد سواء.

لقد حان موعد آذان العصر.. عاد شارع منصور مرة أخرى إلى زحامة المعتاد.. فقد انصرف الموظفين من أعمالهم.. فالبعض يسعى إلى شراء بعض مستلزماته من سوق باب اللوق.. محلات الجزارة.. محلات بيع الدواجن.. بئعي الخضروات.. بئعي العصائر المثلجة والعرقسوس والتمر هندي.. البعض يقف مصطفاً على كنافه وقطائف الحاج إبراهيم الشامي.. الشارع يمتلئ عن آخره حتى موعد الإفطار.

صوت الأثير.. إذاعة القرآن الكريم من القاهرة:

- أيها الأخوة المؤمنون الآن نبقى مع قرآن المغرب.. القارئ الشيخ محمد رفعت في تلاوة مباركة من سورة هود وقصار السور. إنه صوت الشيخ محمد رفعت يشدو من كل مكان.. أبواق الميكروفونات المعلقة بالمساجد.. أجهزة الراديو المنتشرة بالمحلات والمقاهي.. إنها لحظات عطرة.. عندها تبدأ الشمس في المغيب.. ويملاً جنبات الحي صوت تلاوة القرآن الكريم.. يضرب مدفع الإفطار.. يرفع آذان المغرب.. وكلمة الله أكبر تعطر المكان.. تعلن دخول وقت الإفطار.

العاملين بالمطعم والحاج إبراهيم الشامي وأولاده بالشارع..
يحملون التمر والعصائر.. يستوقفو كل من يعبر الشارع على
قديمة أو بسيارته أو على دراجته.. الكل يسمي الله ويفطر في
لحظة جميلة مهيبة.. إنه شهر كريم.. ضيف خفيف تتهادى
القلوب عند قدمه.. وتشتاق له عندما يغادر ويترك ذكرى تلك
الأيام الإيمانية العطرة لحين عودته عاماً تلو الآخر.



شتاء عاصف

منذ فترة طويلة لم يأتِ العصفور على نافذة ورد.. كانت تستبشر به.. فعندما زارها أول مرة ووقف على نافذة غرفتها يضرب بمنقاره الصغير زجاج النافذة.. كان ذلك اليوم أول يوم يدق فيه قلبها.. أول لقاء بحسام.. شعرت حينها بمشاعر حسام الصادقة واهتمامه بها.. لم تتسأ أبداً هذا اليوم.. كأن العصفور كان يحدثها عن تعلق حسام بها.. بحب حسام لها.. كانت تنتظر ذلك العصفور بإشتياق كل صباح من وراء النافذة عليه يأتي.. فهو نذير خير.

أتى الشتاء مبكراً.. لم يعتاد أهل القاهرة الأمطار في هذا الوقت من العام.. فما زال شهر نوفمبر في بداياته.. بدأ المطر يهطل بغزارة مع غروب شمس ذلك اليوم.. الشوارع تكاد تكون خالية.. الماء يغسل المكان.. استمرت الأمطار تهطل بغزارة.. لم يتبقَ على أذان العشاء سوى دقائق معدودة.. بدأ صوت نار مقلاة الفلافل «الطعمية» تهدأ.. تتباطى.. حتى انطفأت.. صوت جورن دق الفلافل «حجر الطعمية» يتوقف.. ماكينة عصير قصب سلامة تتهدى.. فقط صوت أبواب المحلات تسمع.. الدكاكين تطفئ أنوارها.. نعم حتى صفير القطار خلد في نوم عميق تلك الليلة..

السيارات تصطف على جانبي الطريق.. عم مدبولي يسرع ويللمم
جرائدة ومجلاته ليدخلها لكشكه الصغير.. لا أحد في الجوار..
الجميع يسارع إلى الإختباء تحت شرفات المباني.. بدأ عمال
المطعم يدا بيد مع شحطة الراوي بتجميع المقاعد والطاولات والبدء
في تنظيف المطعم.. أغلق المطعم اليوم مبكراً.. ذهب العاملين كل
إلى بيته واضعين على رؤوسهم أكياس من البلاستيك ليحتمو بها
من هذا المطر الغزير.

تأكد شحطة الراوي من عدم تسرب أي مياه داخل المطعم..
ثم أغلق المطعم ومكتب الحاج إبراهيم الشامي وأطفأ الأنوار..
صعد إلى غرفته.. فالليلة سيدخل إلى فراشه مبكراً.

طرق شحطة الراوي باب الغرفة.. فتحت له ورد.. وعلى الفور
هرول ولده عبادة وابنته رقية إلى والدهم ينهمرون عليه بمزيج
من الأحضان والقبلات.. فهي من الليالي القليلة التي يرى شحطه
الراوي أولاده الصغار عبادة ورقية.. فدائماً ما يأتي الأب متأخراً
كل ليلة ليجدهم في الفراش مبكراً كعادتهم.

قالت ورد:

- إيه يابا قفلت المطعم بدري ليه النهاردة.. ميكنش عشان

المطر.

رد شحثة الراوي وهو يهز رأسه وهو يتأهب أن يغير جلبابة
ويعلقه على علاقة الملابس خلف الباب:

- أيوه يا ورد يا بنتي.. الجو قالب من المغربية والمطر
شديد.. والزباين رجليها قلت الليلة.. قلنا مبهاش بقى نقفل
بدري.. عشان العمال كمان يلحقو يروحو بيوتهم.. انتي عارفه
معظمهم من إمبابة والمشوار طويل.. على الله يلاقو بس موصلات
انتي عارفة في الجو ده الأتوبيسات والميكروباصات قليلة وزحمة
قوي يا بنتي.

قالت ورد:

- أحضر لك حاجة تتعشى بيها يابا.

رد شحثة وهو يجلس على فراشه:

- لا يا ورد يا بنتي أنا هنام.. شدى عليا الغطا.. أهى ليلة
الواحد يريح فيها بدري.. تصبحي على خير يا بنتي تصبحو على
خير يا ولاد.

هب عبادة لينام بجوار والده.. أخذه شحثة في أحضانه..
وهمت رقية بجوار والدها لتنام هي الأخرى بجواره.. لم تجد
متسعاً على الفراش.. وقفت قليلاً بجوار الفراش و يعتلي وجهها
بعض الضيق.

قالت رقية:

- اشمعنى بقى يابا تاخد عبادة جنبك .. عوزة أنام جنبك
يابا أنا كمان.

قال شحطة:

- تعالي يا رقية أنا وسعت لك أهو .. وأنا من إمتى يعنى
بفرق بنكم يا بت يا رقية .. كلكم عيالي .. تعالي في حضني إنتي
كمان.

جلست ورد تستذكر دروسها حتى منتصف الليل والمطر ما
زال منهمر على الحي .. لا يسمع أي صوت في الجوار سوى صوت
زخات المطر تضرب الأرض بكل عنفوان.

الساعة قاربت على الواحدة صباحاً .. بدأ صوت المطر يهدأ
شيئاً فشيئاً .. حتى تلاشى .. لم يتبق منه سوى بعض قطرات ماء
تتأرجح على الشرفات تتساقط على الأرض بتناقل شديد.

فتحت ورد باب الغرفة ووضعت الشال على رأسها .. نزلت
للإطمئنان على المطعم .. والتأكد من عدم تسرب أي أمطار
بالداخل .. فالمطر اليوم كان شديداً .. نعم كان هذا ما رأته وتعودت
عليه من والدها .. فعادة شحطة الراوي أن ينزل للإطمئنان على
المطعم بعد كل ليلة ممطرة .. إلا أن ورد تلك الليلة وجدت والدها

متعباً بعض الشيء وذهب إلى الفراش مبكراً.. لم تيقظه ورد.. بل ذهبت هي لتقوم بهذا الدور.. وبعدها تأكدت ورد بأن الأمطار لم تلحق بالمطعم أي أذى.. أطفأت الأنوار.. لكنها سمعت صوتاً.. أنه صوت قادم من مكتب الحاج إبراهيم الشامي.. أنارت مرة أخرى أنوار المطعم.. ظنت ورد في البداية أنه صوت قطرات ماء تتساقط على مكتب الحاج إبراهيم.. لكنها فوجئت بوجود شخص ما بالمكتب.. إنه المعلم طاهر..! أنه يترنح على غير عادته.. ظنت أنه متعب بعض الشيء.. لكنها لم تعر له أي اهتمام.. رجعت مسرعة لتصعد السلم إلى غرفتها.. فدائماً ما تتجنب الحديث معه وخاصة أنها وحدها والوقت متأخر.. لكن المعلم طاهر لاحظ وجودها.. نادى عليها:

- ورد.. يا ورد.. هاتي لي كباية مايه قوام.

عادت وردت وتوجهت إلى الثلاجة وأحضرت كوب من الماء.. ظنت ورد أن البرد قد أصاب المعلم طاهر.. نعم هو ليس على حالته.. اعتقدت أنه مريض.. اقتربت منه أعطته كوب الماء.

- ما هذا.. إنها رائحة الخمر الكريهة تتبعث من فمه.. إنه مخمور..! نعم مخمور.

أمسك المعلم طاهر يد ورد .. حاولت ورد أن تفلت من قبضة يده .. جذبها بقوه .. حاول أن يحتضنها .. أن يقبلها .. هي ترفض .. لا تستسلم .. تحاول أن تهرب من بين يديه الغاصبتان .. أن تتجو بعيداً عن برائمه هذا الشيطان .. أفلتت ورد من بين يديه .. صفته على وجهه .. هربت إلى غرفتها .. كانت كالريح تصعد درجات السلم .. أقفلت الغرفة جيداً .. وقفت خلف الباب خائفة .. جسدها النحيل يرتعش .. لم تستطع الوقوف .. لم تتمالك أعصابها .. جلست وراء الباب .. أطبقت يديها على ركبتيها ووضعت رأسها المثقل .. بدأت دموعها تنهمر .

لحظات قاسية على فتاة في عمر ورد .. لقد أنقذها الله من هذا الشيطان الذي لم يراع حرمة ولا عيباً ولا ديناً ولا أخلاقاً .. إنها في حيرة من أمرها .. هل تخبر والدها بما حدث ..؟! فيقطع عيشة بيده من المطعم .. فالمطعم بالنسبة لهم العمل والبيت والمأوى .. هو كل شيء .. والدها سيصدقها بكل تأكيد .. لكن ماذا سيفعل شحنة الراوي .. هل سيخبر الحاج إبراهيم الشامي .. وهل الحاج سيصدقها .. وهل يعقل أن المعلم طاهر سيراود فتاة مثل ورد .. أم تخبر حسام بما حدث .. حسام رجل صعيدي .. لا يمكن أن تتبأ ورد بردة فعله مع المعلم طاهر .. وفي النهاية سوف يلاقي نفس مصير والدها .. سيطرده بلا أدنى شك من أمام المطعم .

بدأت ورد تأخذ أنفاسها في هدوء لتحاول التماسك قليلاً.. مسحت دموعها.. قامت إلى فراشها حاولت أن تنام.. استلقت على ظهرها لساعات تفكر.. حتى غالبها النعاس.. راحت في نوم عميق ليهدأ عقلها.. ويستريح جسدها.. فالأيام قد تكون كفيلة أن تتسيها هذا الموقف.. ليس عليها إخبار أحد.. ليبقى هذا الأمر طي الكتمان.

في صباح اليوم التالي.. كان كل شيء على طبيعته.. لم يشعر أحد بما دار ليلة أمس بين المعلم طاهر وورد.. ورد ما زال الآلم يعتصر قلبها الصغير.. والغضب يشتعل في صدرها.. ما زالت صورة الأمس في ذاكرتها.. لم ولن تنسى مثل هذا الموقف وإن طال الزمان أو قصر.

المعلم طاهر لم يشفع لورد.. حين تجرأت عليه وصفعته.. لقد أهانته.. مست كبرياءه.. لم يفكر فيما كان سيرتكبه من حماقة مع ورد.. كل ما كان يدور بخاطره تلك الأصابع التي رُسمت على وجهه ليلة أمس.. كيف يرد لورد هذه الصفعة.. لم يهديه شيطان عقله.. إلا أن يذل ورد.. ينتقم منها على ما فعلته به.. وما أقصى من أن تحرم من لقاء حبيبها.. نعم حسام.. لقد فضلته ورد عليه.. إنها تحب حسام وتكرهه هو.

أذاً لن يجلس حسام بعد اليوم هو ووالده أمام المطعم.. نعم
عليهما الرحيل.. ليعتصر قلب ورد.. لتبقى وحيدة عاجزة.. حينها
ستستسلم لا محالة.. وستكون له فريسة سهلة.. ستكون له وحده.



مكيدة

أتى العصفور اليوم على نافذة ورد .. لم يكن فرحاً يزقزق كما
جاء أول مرة .. وقف منكسراً بعض الشيء تغلو ملامحه الحزن ..
لم ينقر زجاج النافذة كما تعود .. لاحظت ورد وقوفه بالخارج ..
أسرعت ورد وفتحت له .. حاولت أن تداعبه لكنه اليوم حزين ..
أحضرت له بعض حبات القمح والماء .. لكنه لم يأكل من يديها
كما كان .. قبلته وأحنت عليه كثيراً .. لكن العصفور لم يزقزق كما
كان .. طار العصفور بعيداً .. ودعته ورد كعادتها .

كانت تتمنى أن يأتي العصفور لتحكي له .. كم تعلق بحسام ..
تحكي له عن قصة حبهما التي ولدت منذ أيام .. تحكي له عن
فارس الأحلام التي طالما حلمت به .. وأخيراً أتى على حصانه
الأبيض ليأخذها بعيداً بين السحاب .

لكن العصفور اليوم لم يمهلها لتحكي له .. أتى اليوم حزيناً
وطار سريعاً .. أغلقت ورد نافذتها .. أخذت في تحضير الإفطار
لأخواتها .. ترجلت على درجات السلم مسرعة هي وأخواتها ..
فاليوم تأخرت عن موعد المدرسة .. لقد شغلها هذا العصفور .

الحاج إبراهيم الشامي غاضباً.. صوته يهز أركان المطعم:

- شيل فرشتك يا أبويوسف إنت وابنك وامشو من هنا..
هو ده جزاء المعروف.. يلا مش عاوز أشوف حد فيكم.. قدمكم
للمغرب.. صحيح «جزاء المعروف ضرب الكفوف».

كلمات كانت صادمة لأبويوسف وولده حسام.. كانت صادمة
لكل من في المطعم.

الكل يتهامس:

- صحيح لقو الفلوس في فرش أبو يوسف..؟! معقول حسام
يسرق.. ده ابننا ومتربي وسطينا..؟! معقول..؟!!

تلك كانت تساؤلات ترتسم على وجه الجميع.. ذهول..
تعجب.. رفض لما يحدث.. حتى أولاد الحاج إبراهيم الشامي..
وجوههم متجهمة.. يقفون في ذهول.. صامتين.. عيونهم تتسأل:

- حسام.. معقول حسام يعمل كده...؟!!

لقد ترك الحاج إبراهيم الشامي مبلغ أربعين ألف جنيهاً في
درج مكتبه داخل المطعم.. أحضر المبلغ صباحاً من البنك.. أربعة
رزم كل واحدة منهم عشرة آلاف جنية مطبوع عليها اسم البنك
الأهلي فرع لازغولي.. لحين حضور أبناء المعلم سليمان والمعلم
محمود.. لشراء مستلزمات المطعم من الفول والزيت والخضروات..

لم يهتم الحاج إبراهيم الشامي كثيراً بأن يضع المبلغ في خزانة مكتبه.. ظناً منه بأن الأمر لا يحتاج إلى فتح الخزانة وغلقتها.. فالساعة قاربت على الحادية عشر صباحاً.. وكعادة المعلم سليمان والمعلم محمود أن يحضرا للمطعم في حدود الساعة الثانية عشر عند صلاة الظهر.

جلس الحاج إبراهيم الشامي بمكتبه.. اتصل تليفونياً بزوجه الحاجة أم سليمان وقال لها:

- الو.. السلام عليكم يا حاجة.. عمله ايه.. انا توي جي من البنك.. مش عوزة حاجة يا حاجة أشيعها لك.

ردت الحاجة أم سليمان:

- لا.. شكراً يا حاج.. البيت الحمدلله مش نقصة حاجة.. والخير كثير.. وأنا لو احتجت أي حاجة بكلم شحثة.. يشيعها لي مع أي حد من الصبيان.

قال الحاج إبراهيم الشامي:

- طيب يا حاجة.. أقوم أنا أستعد لصلاة الظهر.. السلام عليكم.

أغلق الحاج إبراهيم الشامي الهاتف.. دخل دورة المياه الملحقة بالمكتب ليتوضأ.. استعداداً لصلاة الظهر.. وما هي إلا دقائق

معدودة حتى خرج الحاج إبراهيم الشامي ليجد أولاده المعلم سليمان و المعلم محمود بالمكتب.

قال الحاج إبراهيم الشامي:

- أهلا يا ولاد.. ها جهزين لصلاة الظهر ولا هتقوموا تتوضو.

رد كل من المعلم سليمان والمعلم محمود:

- الحمد لله يا حاج احنا على وضوء.

قال الحاج إبراهيم الشامي:

- طيب يا ولاد نصلي وبعدين نرجع.. أنا جهزت لكم الفلوس عشان تشترو الحاجات إللي نقصه بالمطعم.

رد المعلم محمود:

- طيب يا حاج طالما هنجيب حاجات للمطعم أنا والمعلم سليمان.. ناخذ الفلوس دلوقتي ونلحق نتحرك قبل الزحمة.. ونصلي الظهر بأقرب مسجد.. بس عشان نلحق نخرج من زحمة باب اللوق.

رد الحاج إبراهيم الشامي:

- طيب يا ولاد.. لو شيفين كده خلاص.

جلس الحاج إبراهيم على مقعده بالمكتب.. فتح الدرج.. مد يده ليخرج الفلوس.. لم يجد سوى ثلاث رزم فقط.. أخرجهم من الدرج ووضعهم فوق المكتب.. أخذ يبحث بيده في الدرج عن الرزمة الرابعة.. لم يجدها.. فتح باقي الأدراج على عجل.. لم يجد الرزمة الرابعة..!

سأل المعلم سليمان والمعلم محمود:

- في حاجة يا حاج.

رد الحاج إبراهيم ووجهة يملؤه الحيرة:

- أيوة يا ولاد الفلوس نقصة.. لسه حاطط الفلوس بإيدي بالدرج.. أربعين ألف جنية.. أربع رزم..!

سأل المعلم سليمان والمعلم محمود:

- يا حاج يمكن غلطان في العد ولا حاجة.. ولاحظتهم في حته تاني وناسي.

رد الحاج إبراهيم الشامي:

- يا بني بقولك أنا لسه جي من البنك من شوية وساحب أربعين الف.. مفيش إلا ثلاثين ألف بس بالدرج أهو.. في رزمة عشرة آلاف نقصه.. هو أنا تايه عن الفلوس.

- نادي ليا على العمال.. ده مفيش حد غريب بيعش عندي
المكتب أبداً..!

قال المعلم سليمان بصوت عالي:

- يا سيد يا فلافل.. يا شحطة يا راوي.. يا واد يا عlish..
هاتو معاكم الصبيان وتعالو.. الكل يجي هنا عند عمك الحاج.

حضر سيد فلافل رئيس العمال وشحطة الرواي وعليش
والصبي صابر وجميع من في المطعم .

قال سيد فلافل وهو يقف مصطفا مع جميع زملائه بالمطعم:

- نعم يا حاج كلنا موجودين أهو... أوامر.

قال الحاج إبراهيم الشامي والغضب والحيرة تعتلي وجهه:

- مين فيكم دخل النهاردة المكتب عندي.

رد سيد فلافل:

- مفيش غيري يا حاج.. والواد صبيك صابر لما جاب لك
شاي الاصطباحه وظبط لك الشيشة.

قال الحاج إبراهيم الشامي:

- يا سيد.. افكر كويس مفيش حد دخل هنا المكتب
غيركم.. أصل مش معقول..!

رد سيد فلافل في عجلة من امرة:

- لا يا حاج والله زي ما بقول لك كده.. أنا والواد صابر بس.. هو في إيه يا حاج.. كلنا خدمينك.. أوامر.

قال الحاج إبراهيم الشامي:

- يا سيد.. أنا جيت النهاردة على المكتب على الساعة حداشر (الحادية عشر صباحاً) تقريباً.. كنت بالبنك الصبح.. وجبت مبلغ وحطيته هنا بدرج المكتب.. قمت أتوضى.. رجعت لقيت المبلغ ناقص.. ومش خمسميه ولا ألف جنية.. لا ده المبلغ ناقص عشر آلاف جنية.. رزمة بحالها بختم البنك عليها.. رزمة ميات يا سيد.

رد سيد فلافل:

- إنت عارف يا حاج احنا عشرة طويلة من سنين.. والناس هنا بالمطعم عمرهم ما بصو لقرش حرام.. أنا لو شاكك في حد يا حاج كنت قلت لك والله.. بس العملة دي ميعملهاش حد مننا أبداً.

قال شحنة الراوي تصديقا لكلام سيد فلافل:

- والله يا حاج ما شفنا فلوس.. وإنت عرفنا واحد واحد.. احنا تربيتك يا حاج.. الحمد لله عيننا مليانة.

قال الحاج إبراهيم الشامي:

- أنا مقصدش حد فيكم.. أنا عرفكم.. بس بقول افكروا
يمكن حد غريب دخل المكتب.. أو يمكن حد دخل وأنتم مشفتهوش.

نظر الصبي صابر إلى الحاج إبراهيم الشامي ونطق بصوت
عالي:

- أيوه يا حاج.. افكرت.. حسام.. أيوه حسام ابن أبو
يوسف.. جه اما انت دخلت الحمام.. وكان عاوز يدخل الحمام..
قلت له الحاج بيتوضى.. تعال شوية كده.. وسبته ومشيت أصل
كان عم شحطة بينادي عليا.. عشان أعلق وياه على قدرة الفول.

أشار الحاج إبراهيم الشامي بيده للصبي صابر:

- تعالى يا صابر.. قرب يا بني.. إنت متأكد يا بنى من
كلامك ده؟

رد الصبي صابر وهو يهز رأسه:

- أيوه يا حاج.. أيوه وأنا هكذب ليه.. حسام جه بالمكتب
وكان عاوز يخش الحمام.. قلت له الحاج جوه بيتوضى.. تعال
شوية كده.. وبعديها أنا سبته ومشيت زي ما قلت لك.

قال الحاج إبراهيم الشامي:

- طيب.. طيب روجو انتو دلوقتى.. ومحدث يقول لحد على موضوع سرقة الفلوس دي.. محدش يبلغ حد.. الموضوع خليه بنا.. فاهمين.

رد سيد فلافل و الجميع:

- حاضر.. حاضر يا حاج.

انصرف سيد وشحته وباقي العاملين بالمطعم.. كل إلى عمله.

قال الحاج إبراهيم الشامي:

- بقولك ايه يا سليمان يا بني إنت ومحمود... الناس إللي عندي بالمطعم للأمانة محدش يعمل كده.. ولا يمكن يكون حد فيهم مد إيدته على الفلوس.. أنا ياما نسيت فلوس مش في درج المكتب.. لا وكمان فوق المكتب.. وبرجع ألقاها زي ما هي.. ولا عمر جنية نقص ولا حتى قرش صاغ واحد.

- بصراحة كده أنا شاكك في الواد حسام ابن أبو يوسف.. بعد ما الواد صابر شافه داخل المكتب.. ويا رب يكون ظني مش في محله.. عوزك يا سليمان إنت ومحمود بالراحة كده.. تطلعو بره عند فرش أبو يوسف.. على أساس بتشتروا منه كام كيلو فاكهة كده للبيت.. وفتش كده ورا الميزان أو تحت درج الفلوس.. أو في فرشة

الواد حسام إللي بينام عليها .. حاول يمكن يكون حسام إللي عملها ..
ومتخليش حد يلاحظ حاجة .. فهمني طبعاً .. يمكن الواد حسام يطلع
مظلوم .. إن بعض الظن إثم يا بني .. يا ريت ما يطلع هو .

خرج المعلم سليمان والمعلم محمود .. إلى فرش أبو يوسف
الفكهاني أمام المطعم وقال المعلم سليمان :

- السلام عليكم يا حسام .. عوزين كده كام كيلو موز ولو
في تفاح أمريكي اوزن لنا خمسة كيلو .. عوزين حاجة نقاوة على
مزاجك كده للحاجة بالبيت .

رد عليهم حسام وكان والده أبو يوسف يستريح قليلاً على
فرشته فترة الظهيرة :

- حاضر تؤمرني يا معلم سليمان .

اتجه حسام إلى سباطة الموز .. ثم توجه إلى أقفاص التفاح
ليجمع أفضل ثمراتها ويضعها في اكياس .. في هذا الوقت كان
المعلم سليمان يتبادل الحديث مع حسام .. يشغله بعض الشيء ..
حتى ينتهي المعلم محمود من إلقاء نظرة حول درج الفلوس ..
والميزان .. وفرشة حسام .

كانت المفاجأة التي لم يحسب لها المعلم محمود .. نعم رزمة
فلوس .. عشرة آلاف جنيه .. ما زال عليها ورقة البنك الأهلي فرع

لازغولي .. نعم هي نفس رزمة الفلوس التي سرقت من مكتب
والدهم الحاج إبراهيم الشامي.

توجه المعلم محمود إلى حسام.. وهو يمسك بيده رزمة
الفلوس:

- ايه ده يا حسام.. ايه الفلوس دي..؟

رد حسام وهو ينظر إلى وجه المعلم محمود بتعجب:

- فلوس ايه دي يا معلم..!؟

رد عليه المعلم محمود وهو يشتاظ غيظاً:

- مش عارف فلوس إيه يا حسام.

رد حسام:

- أيوه فلوس ايه دي يا معلم.. مش فاهم..!؟

رد المعلم محمود:

- الفلوس.. الفلوس إللي اتخدت من الحاج النهاردة

الصبح.. من مكتبه.. إنت بتستعبط..!

بدأ صوت المعلم محمود يعلو.. وهو يقف على الرصيف

مقابل المطعم.. استيقظ أبو يوسف والد حسام من نومه.. على

صوت المعلم محمود.

سارع المعلم سليمان وأمسك بيد أخيه المعلم محمود يحاول
أن يهدأ من عصبيته وقال له:

- محمود.. وبعدين مش عوزين فضايح في الشارع.. ادخل
على المكتب نتكلم.. يلا يا حسام تعال معنا.

ارتسم على وجه حسام تجهم شديد.. لم يفهم ما قصده
المعلم محمود.. وما هي قصة هذه الفلوس.. رزمة فيها عشرة
الآلف جنيه.. وفي الفرش بتعنا ازاي..!

كان الذهول يسيطر على حسام لم يفهم شيئاً مما قاله المعلم
محمود.. دخل حسام مع كل من المعلم سليمان والمعلم محمود إلى
مكتب الحاج إبراهيم الشامي.. ولحق بهم أبو يوسف.

بدأ المعلم محمود بالحديث:

- يا حاج.. أنا لقيت رزمة الفلوس دي في فرش حسام..
وهو بينكر وبيقول معرفش عنها حاجة.

رد الحاج إبراهيم الشامي:

- متستعجلش يا محمود يا ابني خلينا بس نشوف رزمة
الفلوس.. هي المفروض محطوط عليها ورقة البنك زي الثلاثين
ألف إللي معايا دول.. خلينا نشوف هو فعلاً نفس ختم وفرع
البنك ولا لا.. نونني النظارة يا محمود يا بني.

وضع الحاج إبراهيم الشامي نظارته.. وأخذ يدقق في رزمة
الفلوس التي وجدها المعلم محمود في فرش حسام.. نعم نفس
ورقة البنك.. البنك الأهلي فرع لازغولي.. نعم إنها هي رزمة
الفلوس التي سرقت من مكتب الحاج إبراهيم الشامي اليوم.

لم يتمالك الحاج إبراهيم أعصابه.. نهر حسام بصوت عالي:

- الفلوس دي يا حسام إنت خدتها النهاردة من المكتب.. ده
رد الجميل.. دي كلمة شكراً إللي تقولها ليا بعد ما خلتكم تفرشوا
قدام المطعم.. وكنت بعاملكم أحسن معاملة.. محدش بيعمل كده
في الشارع.. وأنتم عرفين ده كويس.

رد حسام:

- يا حاج إبراهيم.. والله أول مرة أشوف الرزمة دي..
والله ما خدت حاجة ولا أعرف إزاي الرزمة دي كانت في الفرش
عندي.. والله العظيم يا حاج.

قاطع أبو يوسف كلام ابنه حسام وقال:

- استني إنت يا حسام يا بني.

- يا حاج إبراهيم بقى إنت تصدق إن ابني حسام يسرق..!
لا يا حاج إبراهيم أنا ربيت.. وعارف أخلاق ابني كويس.. عمره
ما يمد إيدته على حاجة حد.. مش يمد إيدته على فلوس واحد

زيك له أفضال عليه وعلى أبوه.. إحنا منعشش أبداً الإيد إللي
تتمد لينا.. لا يا حاج.. ابني ميعملهاش.

رد الحاج إبراهيم الشامي:

- ماهو المعلم محمود طلع الفلوس من الفرش بتاعه..
وقدام عينه.. وهي نفس الفلوس إللي اتسرفت.. ايه عفريت
خدها وحطها في الفرش عندكم..!؟

- أبو يوسف خد ابنك واتكل على الله من هنا مش عاوز
أشوفكم بالمنطقة خالص.. فهمني.. ده جزاء المعروف برده.. على
المغرب تكون جايب عربية وناقل حجتك.

رد ابو يوسف وهو حزين من هذا الموقف:

- إللي تؤمر بيه يا حاج.. بس ربنا أعلم إن ابني مظلوم..
وقادر ربنا يظهر الحق.. إحنا مش حرمية ولا عمر ابني يسوي
حاجة زي كده.. على العموم احنا هنمشي دلوقتي.. مش هنستني
للمغرب.. الرزق بتاع ربنا.. السلام عليكم.



حب لا يموت

عادت ورد من المدرسة لتجد سيارة نقل تقف أمام المطعم..
تحمل فرش أبو يوسف الفكهاني.. لم تعرف ما يجري.. حتى
سألت والدها شحنة الراوي:

- يا با إيه إللي حصل شيفه عم أبويوسف وابنه حسام
بيحملو حاجاتهم على العربية بره.. في حاجة..؟ في مشكلة مع
الحي ولا إيه..؟

الدموع تملأ عيون شحنة الراوي.. سيفارق أبو يوسف
المكان.. إنها عشرة سنين.. لم يُجب شحنة على ابنته ورد.. تجهم
وجهه ووقف صامتاً.. ذهبت ورد إلى سيد فلافل:

- في إيه يا عم سيد إيه إللي حصل.. عم أبويوسف ماشي
ليه من هنا.. حد يرد عليا.. حد يفهمني..؟!

لم تتوقع ورد في يوم من الأيام.. أن يترك حسام الحي..
حسام ليس لصاً.. حسام هذا القلب الطيب الذي علمها الحب..
لا يمكن أن يعرف الكذب ولا الخديعة.. لا يعرف الحرام.. فهو
عزیز النفس.. شاكراً للمعروف.

كانت تلك الكلمات تدور في عقل ورد .. عقلها يرفض أن يفكر في مجرد اتهام حبيبها حسام بهذا الاتهام القاسي .. هي تعرفه جيداً .. لا يمكن لحسام فعل ذلك .. لا يمكن .. لا يمكن .. في الأمر شيء غامض ..!

كل صباح كعادتها ورد .. توصل أخواتها إلى المدرسة وتنتظر بعض الوقت في شارع التحرير أمام مكتب بريد باب اللوق قبل ذهابها إلى مدرستها .. لم يحضر حسام منذ عدة أيام .. لم تتعود غياب حسام عن مواعده من قبل .. لا تعرف ورد إلى أين استقر هو ووالده .. فهو بائع بسيط .. على باب الله .

لم تياس ورد من الانتظار كل صباح .. حتى في الموعد المعتاد يوم الجمعة بعد صلاة العصر .. جمعة تلو الأخرى لم يأتي حسام .. حتى جاء يوم اللقاء .. انتظرت حسام في تلك الجمعة بشارع شريف بوسط البلد .. لقد افتقدته ورد كثيراً .. وتريد الأطمئنان عليه .

وصل حسام .. وقف على ناصية شارع عدلي مع شارع شريف بالقرب من مدخل عمارة «فيلبس» قابلته ورد بترحاب .. لم ينطق حسام بكلمة واحدة .. أمسك بيد ورد وقبض عليها .. كان كالمشتاق يريد أن يرتمي بين أحضان حبيبته .. يشكي همه .. كالغريق وسط الأمواج العاتية .. قد أمسك أخيراً بقارب النجاة .. هي وحدها ورد .. سيحكي لها .. ويشكي لها كل آلامه و أوجاعه .

قالت ورد:

- حسام.. إنت وحشتتي قوي.. إيه الغيبة الطويلة دي..
مبتتكلمش ليه.. مالك يا حسام.. أنا ورد يا حسام اتكلم أرجوك..
أنا كنت قلقانه عليك قوي.. بس الحمد لله إني شفتك النهارده..
بجد فرحانه إن إنت جيت.

رد حسام بصوت يمتزج به الكثير من الحزن:

- انتي كمان وحشتيني قوي يا ورد.. بس إللي حصل كان
شيء صعب.. بقى احنا، الحاج إبراهيم الشامي يتهمنا الاتهام ده..
أنا أسرق الحاج إبراهيم..!؟ الراجل إللي خيره عليا وعلي أبويا..
والله يا ورد أنا عمري....

لم يكمل حسام كلماته.. حتى وضعت ورد يدها على فمه..

وقالت:

- حسام انت بتقول ايه.. وهتحلف علي إيه.. أنا عرفاك يا
حسام.. ولا يمكن أتصور أبداً إنك تعمل كده.. أنا مش بجملك..
أنا وثقة من ده.. الموضوع حد قاصد يعمل كده فيك.. بس السؤال
ليه.. ومين صاحب المصلحة أنكم تمشوا من باب اللوق..!؟

نظر حسام في وجه ورد وانتبه إلهي ما حدثته به:

- كلامك صح يا ورد.. تصدقي أنا مفكرتش في ده أبداً..
لكن مين يعني هيكون قاصد يعمل كده.. أنا كنت طول الوقت
بفكر.. إزاي إحنا نطلع من باب اللوق بفضيحة زي دي.. سمعتنا
يا ورد.. سمعتنا وسمعة أبويا.. ده كل إلهي يهمني.. مفكرتش مين
ممکن يعمل كده. وإزاي.. وليه.. على العموم منه لله.. منه لله.

قالت ورد:

- بكرة الحقيقة تظهر وتبان يا حسام.. ريك ميسبش
الظالم.. المهم طمني عنك وعن أحوالك.. وعمي أبويوسف عامل
ايه.. وحشني والله.

قال حسام مداعباً ورد:

- هو برده إلهي وحشك ولا ابنه يا ورد.

ردت ورد وهي تضحك:

- أيوه وحشني هو وابنه.. مش حمايا برده يا حسام ولا
إيه.

بدأت ملامح حسام تهدأ شيئاً فشيئاً.. يتلاشي الحزن
والغضب رويداً رويداً.. بدأت الابتسامة تعود لهذا الوجه.. فمنذ

أن غادر باب اللوق.. ووجهه عابئاً مرهقاً.. لقد أدخلت ورد الفرحة على حسام.. إنها القلب الذي يحتوية.. يفرج عنه الهم والحزن.. إنها حبيبته ورد.. بهجة الحياة ورونقها.

بدأ المعلم طاهر في مطارده ورد.. ظناً منه أنها ابتعدت عن حسام.. أو بالاحرى ابتعد حسام عنها بل عن المنطقة ككل ولم تعد تراه.. لقد أرسل صبيه صابر أكثر من مرة وراء ورد.. يحاول أن يعرف إلى أين تذهب وهل ما زالت تقابل حسام خارج حي باب اللوق.. وكانت المصادفة أن تلك الأيام التي راقبها فيها الصبي صابر هي تلك الأيام التي لم يأت فيها حسام في الموعد للقاء ورد.. نقل الصبي صابر الخبر إلى المعلم طاهر بأن ورد تخرج فقط تتمشى في الشارع وحدها.. وعندها تيقن المعلم طاهر أن حسام قد أزيح من طريقة إلى الأبد.. وأن ورد الآن ستكون فريسة سهلة خالصة له.

المعلم طاهر أحب ورد.. نعم أحبها ولكنه حب من نوع آخر.. حب التسلط والامتلاك.. نعم يريد أن يمتلكها.. أنه دائماً ما يشعر بالإهانة عندما ترفضه فتاة ما.. فهو دائماً صبور يحاول مرات عديدة حتى تستسلم الفتاة و تستميل له.. عندها فقط يشعر بنشوة الانتصار.. هكذا كان حبه لورد ابنة شحطة الراوي.

ورد كانت عاصية عليه.. إنها نوع آخر من الفتيات.. لم يعتاد عليه.. حاول المعلم طاهر أن يغازلها.. أن يغريها بالمال.. بالهدايا.. لم تستجيب ورد.. فقلبيها نقي كنفاء الثلج.. نعم لم ولن تتخلى عن حسام.. هو حبيبها.. رجلها.. هو زوج المستقبل.

اتفق حسام مع ورد على أن يتقدم لها رسمياً.. حتى يكون حبهما في النور أمام الجميع.. فالحب الطاهر لا يكلفه إلا الزواج.. نعم ذهب يطلب هو ووالده أبو يوسف يد ورد.. كان اللقاء بسيطاً على مقهى قصر البشوات.. جلس كل من حسام ووالده أبو يوسف وشحطة الراوي على طاولة واحدة.

وبدا أبو يوسف الحديث:

- شوف يا عم شحطة يا راوي.. أنا مش هطول عليك عشان إحنا ناس عرفين بعض كويس.. وعشرة عمر.

رد شحطة الراوي:

- طبعا يا أبو يوسف دي عشرة عمر وإنك أكثر من أخ.

استكمل أبو يوسف حديثه:

- طيب يا شحطة إحنا النهاردة جيين لك أنا وحسام ابني نطلب إيد بنتنا ورد.. عشان نفرح بيهم.. وحسام ابنك وإنك مرييه على إيدك.

رد شحنة الراوي و تعلق وجهه ابتسامة هادئة مرحبه:

- يا أبويوسف ورد بنتك وإللي تؤمر بيه.. وحسام زي ابني تمام.. ومش هلاقي لبنتي راجل شهم وجدع زي حسام.

رد ابو يوسف:

- يعنى كده يا شحنة نقول مبروك.

رد شحنة الراوي:

- على بركة الله يا أبويوسف.. نقرأ الفاتحة ربنا يتم لهم على خير.

قرأ الفاتحة أبو يوسف وشحنة الراوي وحسام.

نادى شحنة الراوي على الواد كنكة:

- يا واد يا كنكة نزل مشاريب هنا.

قال كنكة:

- أجيب لكم شاي ولا قهوة...؟

رد شحنة الراوي بأعلي صوته:

- نزل شربات يا واد يا كنكة.. ونزل لكل إللي في القهوة.

وقف شحثة الراوي ووجه كلماته لجميع من بالمقهى:

- النهارده يا جماعة حسام طلب إيد بنتي ورد.. وإن شاء الله
لكم معزومين على الفرح.. وادعو لهم ربنا يتم لهم على خير.

تهافت من في المقهى على شحثة الراوي وحسام وأبويوسف..
يهنئون ويباركون هذه الخطبة.

وصل الخبر بسرعة البرق إلى عمال المطعم.. وعند عودة
شحثة بعد صلاة العشاء للمطعم قام الجميع بتهنئته.. وما هي
إلا بضع دقائق حتى صعد شحثة إلى غرفته.

نادى شحثة على ورد:

- يا ورد.. يا بنتي تعالي عوزك.

جلست ورد على الأريكة بجوار والدها.

- نعم يابا عوزني بحاجة.

كانت ورد تعلم بأن حسام سيأتي اليوم لخطبتها.. كانت
مبتسمة تنظر لوالدها في خجل.

قال شحثة الراوي:

- ايه يا ورد شكلك كده عرفه يا بنتي كل حاجة.

ردت ورد :

- لا يابا خير في حاجة ..؟

قال شحثة الراوي:

- حسام ابن أبويوسف جه الليلة وطلبك مني .. وأنا وافقت ..
وبردة الراي رأيك با بنتي .. حسام راجل ومتربي وسطينا .. وابننا
واحنا عرفينه كويس .. إيه رأيك ..؟

ردت ورد على استحياء:

- هو في قول بعد قولك يابا .

وصل الخبر سريعاً إلى المعلم طاهر .. لم يتوقع أن ورد ما
زالت على اتصال بحسام .. ولم يتوقع أن تجري الأمور هكذا
سريعاً .

أخبر المعلم طاهر والده الحاج إبراهيم الشامي وهو غاضباً
وقال له:

- يا حاج ينفع كده الواد حسام جه يخطب ورد بنت شحثة
الراوي .. احنا مش اتفقنا الواد ده يتقطع رجله من الحته .. بعد
العملة السوداء إللي عملها .

رد الحاج إبراهيم الشامي:

- عندك حق يا بني والله.. مينفعش رجله تاخذ تاني على المكان.. ولاينفع شحطة الراوي يحط إيدته في إيد أبويوسف وحسام.. هو الراجل ده كبر وخرف ولا إيه.. نادي ليا على شحطة.

حضر شحطة الراوي مسرعاً.. وقال:

- أيوة يا حاج قالو لي إنك عاوزني.. أوامر يا حاج.

قال الحاج إبراهيم الشامي:

- جرى ايه يا شحطة.. مش عارف إللي عمله حسام يا راجل رايح تجوزه بنتك.. ده واد حرامي.

رد شحطة الراوي:

- يا حاج الواد مظلوم.. واحنا عرفين أخلاقه كويس.. مش ممكن يكون سرق.. هتلاقي بس في حد مستقصده ولا حاجة.

قال الحاج إبراهيم الشامي وهو منفعلاً:

- إنت بترد عليا يا راجل.. سرق ولقيننا الفلوس معاه.. احنا مش هنقعد نعيد ونزيد في الموضوع.. دي حاجة انتهت وخلص.. مش هنحقق دلوقتي تاني.. المهم الواد ده مشفوش هنا.. والجوازة دي لو تمت تأخذ عيالك وتمشي من هنا.. إنت فاهم.. مش ناقص إلا الحرامية هندخلهم بيوتنا كمان يا شحطة.

رد شحنة الراوي:

- طيب يا حاج ليه بس.. حسام رايد البت والبت ريداه.

قال الحاج إبراهيم الشامي:

- انا قلت كلمة.. لو هتجوزه بنتك.. يبقى مع السلامة من هنا.. فاهم.. الكلام خلص خلاص.

رد شحنة الراوي:

- حاضر يا حاج.. حاضر إلهي تؤمر بيه.

كانت تلك الكلمات قاسية على شحنة الراوي.. عاد إلى داخل المطعم.. والفكر يشغله كثيراً.. كيف سيواجه بنته ورد.. بعدما وافق على حسام زوجاً لها.. وفرحت ورد بذلك.. وكيف سيكون موقعة أمام حسام وأبويوسف.. لقد أعطاهم كلمة.

شحنة الراوي.. قرر ألا يخبر ورد بما قاله الحاج إبراهيم الشامي.. فما زال الموضوع مجرد خطبة.. ولو وصل الأمر إلى أن يترك العمل بالمطعم وترك الغرفة التي تأوية هو واولاده.. فسيرحل ورزقة ورزق أولاده على الله.. لكنه لن يكسر قلب ابنته ولن يتراجع عن كلمته التي أعطاهم لأبويوسف وولده حسام.



آه من الأيام

لم يردع المعلم طاهر أي شيء.. ورد ما زالت تشغل باله..
حاول كثيراً معها.. لكنها لا تستجيب له.. لا تمتثل لرغباته.. أخذ
الشيطان يتلاعب برأسه.

في يوم جمعة كان العمل هادئاً بالمطعم.. كعادة هذا اليوم من
كل أسبوع.. شحنة الراوي كان منشغلاً بالمطبخ يحضر ليوم غد..
سيد فلافل يقف على النار «مقلاة الطعمية».. وعليش يقف على
البنك «نصبه الفول والفلافل».. الكل منشغل في عمله.. حتى أولاد
شحنة الراوي عبادة ورقية.. أرسلتهم ورد لشراء بعض الكشاكيل
من المكتبة بأخر شارع منصور.

يثقل الخمر رأس المعلم طاهر.. فقد شرب اليوم كثيراً.. على
غير عادته.. فهو لا يشرب في مثل هذا الوقت من اليوم.. دائماً
ما يشرب بعد أن يغلق المطعم أبوابه ويذهب مع أقرانه للسهر
آخر الليل.. لم يسبق أن أدخل زجاجة خمر مكتب والده الحاج
إبراهيم الشامي.

ورد بمفردها بالغرفة أعلى المطعم.. والوقت قارب على
المغرب.. في هدوء صعد المعلم طاهر السلم إلى غرفة شحنة

الراوي.. كان باب غرفة شحطة مفتوح.. ورد تنظف الغرفة..
تنظف الأرض بمكنسة الزعف (مقشة).. ترتدي ملابس البيت
البيسطة.. أتى طاهر من خلفها.. لم تشعر ورد بدخول المعلم
طاهر الغرفة.. حاول أن يمسك بها.. أطبق يداها على خصرها..
حاول أن يقبلها.. أنه يترنح من الخمر ولا يقوى عليها.

قال المعلم طاهر في صوت خافت:

- ورد.. ورد أنا بجبك ياورد.

إلتفتت ورد وراءها.. لم تكن تتوقع أن تصل وقاحة المعلم
طاهر إلى أن يتجرأ ويصعد إلى هنا إلى غرفتها...!
وقفت ورد في ذهول وهي تحاول أن تدفع يد المعلم طاهر عنها.

قالت ورد:

- إنت بتعمل ايه.. وايه إللي جابك هنا.. خلاص الخسة
والندالة وصلت بيك لحد إنك تطلع لي الأوضة.. إنت إيه
معندكش أخلاق.. بتستهين كده بسمعة الناس وشرفها.

نهرته وهي تحاول أن تخفض صوتها حتى لا يسمعها أحد..
فهي فتاة وأي شخص سيعرف بهذا الأمر.. فستمس سمعتها لا
محالة.. حتى ولو كانت هي الضحية.

قالت له ورد :

- اتفضل انزل تحت.. لا إلا هصوت وألم عليك الناس.

لم يستجب المعلم طاهر لكلمات ورد.. فهو غير مدرك لما يحدث.. أنه مخمور.. حاول أن يمسك بيديها مرة أخرى.. حاولت إفلات أي من يدها من قبضته.. أمسكت بما طالتها يدها.. يد الهون النحاس.. هددته بأنها ستضربه.

عlish لاحظ صعود المعلم طاهر على السلم متجهًا إلى السطح.. كان المعلم طاهر حريصًا إلا يشاهده أحد.. واعتقد أن عlish مشغول مع الزبائن.. لكن عlish كان منتبهًا.. فالسلم إلى غرفة شححة الراوي يقع مباشرة أمام البنك «نصبة الفول والفلافل».. انتبه عlish.. في الأمر شيء غريب..!

قال عlish لنفسه:

- من امتى المعلم طاهر بيطلع على السطح..؟!؟

- الله.. الله.. لحسن يكون إللي في بالي.. ده النهاردة مونونة مع المعلم طاهر على الآخر.. شارب لما معمي.. ده كده أكيد طالع لأوضة شححة.

جرى عيش مسرعا وترك كل ما في يده.. أخبر شحثة الراوي
بما شاهده:

- يا عم شحثة.. يا عم شحثة.. المعلم طاهر شايفه طالع
للسطح.. شكله مسطول ولا إيه.

انتبه شحثة مستغرباً لكلمات عيش.

وقال شحثة:

- قصدك إيه يا عيش.. قصدك إيه يا واد..؟

أدرك شحثة الراوي ما يعنيه عيش.. هب شحثة من على
مقعده.. قال شحثة لنفسه:

- الله الله.. دي ورد لوحدها فوق.

قفز شحثة الراوي على السلم مسرعاً.. متجهاً إلى غرفته..
وجد المعلم طاهر ممسكاً بورده.. يحاول أن يقبلها.. وورد تقاوم
بكل ما أوتيت من قوة.

توجه شحثة إلى المعلم طاهر:

- انت بتعمل إيه يا ندل يا خسيس.

أمسك شحطة الراوي بثوب المعلم طاهر.. أطبق عليه.. كأسد
يقتنص فرسيته.. حاول أن يضربة على وجهه.. لم يستطع شحطة
إيقاف المعلم طاهر فهو كبير السن وصحته لم تساعد على
مقاومته.. دفعه المعلم طاهر في صدره.. ارتطم شحطة الراوي
بالحائط.. وقع أثرها على الأرض.. إرتمت ورد على والدها..
تحاول أن تساعد.. كان شحطة الراوي يلفظ أنفاسه الأخيرة..
جاءته الأزمة القلبية.. وضعت ورد على السجادة.. اسندت رأسه
على وسادة.. همت مسرعة إلى الطاولة.. أحضرت دواء القلب..
إنها أزمة يتعرض لها شحطة الراوي من حين لآخر.. أفرغت
قرصين من الدواء أحضرت كوب الماء... عادت لوالدها تحاول
أن ترفع راسه من على الوسادة وتضعها على قدمها.. لتعطية
الدواء.. كان المعلم طاهر يتابع ذلك في ذهول.. فهو لم يدرك بعد
ما فعله بشحطة الراوي وابنته ورد.

قالت ورد:

- ياابا.. ياابا.. قوم الدوا اهو.. خد الدوا ياابا.. لم يجيب
عليها شحطة.. نعم تلك كانت آخر لحظات في حياة شحطة الراوي..
مدافعا عن شرفه وعرضه.. عن ابنته ورد.

نزل المعلم طاهر مسرعاً.. أخذ مفتاح السيارة من على
المكتب.. ركب سيارته وغادر المكان على الفور.

النواح والبكاء يملآن المكان.. الصوت صادر من سطح المطعم
من غرفة شحطة الراوي.. الجميع صعد إلى الغرفة.. شحطة
ملقى على الأرض دون حراك.. ورد تضمه إلى صدرها.. تبكي..
تصرخ.. كان نحيب ورد يهز المكان.

عادت ابنته رقية وولده عبادة من المكتبة.. وجدو والدهم
شحطة الراوي مسجى على الأرض.. ارتمو على والدهم.. يحاولون
إيقاظه.. لكنها النهاية.. احتضنت ورد أخواتها رقية وعبادة و كل
ما كانت تردده ورد:

- يا با يا با.. هتسبنا لمن يا با.

توفى شحطة الراوي.. المسئولية كبيرة.. لن تستطيع ورد بعد
الآن أن تفكر في مستقبلها وحدها.. الآن أصبحت هي الأب والأم
والأخت.. هي العائل الوحيد لأخواتها.. لم تعد أحلامها الآن
ممكنة.. الزواج من حسام.. استكمال تعليمها.. كل ذلك انهار
فجأة.. كان والدها شحطة الراوي هو الأمان هو القلعة الحصينة
التي كانت تبني ورد من وراء أسوارها كل أمانها.

حضر طبيب الصحة للكشف على شحطة الراوي.. فالوفاة
كانت طبيعية نتيجة أزمة قلبية مفاجئة.. فالتقرير لم يرَ ما حدث..
ولم يعرف أحد غير ورد ما جرى في هذا اليوم.. لم يذكر التقرير

اسم المعلم طاهر.. لكن اسمه حضر في ذاكرة ورد.. لن تتساه..
لن تغفر له موت والدها.. فالأيام قادمة لا محالة.. ليدفع المعلم
طاهر الثمن.

ذهب عبادة إلى خاله عويضة في مكان عمله بالسنترال..
أبلغه بالخبر المشؤوم.. حضر على الفور عويضة.. جميع من
بالمطعم حاول تقديم يد العون والمساعدة.. بعضهم ذهب للحصول
على تصريح الدفن.. والآخر قام بالاتصال بسيارة الجمعية
الشرعية لنقل الجثمان.. منهم من أجر سيارات لمن سيسافر مع
الجثمان لثواه الأخير.. سيدفن شحطة الراوي في قريته ومسقط
رأسه.. قرية كفر ميت أبو عميرة.

أمّ المصلين في صلاة الجنازة الأمين زكريا.. كان يبكي في
صلاته ومن وراءه جمع غفير من الناس.. سيكون ويدعون لشحطه
الراوي بالرحمة والمغفرة.. سيترك شحطة الراوي فراغا كبيراً لدى
الجميع.. من عرف شحطة الراوي وما لم يعرفه حضر صلاة
الجنازة.. كانت الزاوية مكتظة بالمصلين.. إلى ان وصلت صفوف
المصلين إلى نهاية شارع منصور.

رافق عويضة الجثمان إلى مثواه الأخير بقرية كفر ميت أبو
عميرة ومعه الكثير من أهل حي باب اللوق.. منهم الحاج إبراهيم
الشامي وأولادة سليمان ومحمود.. والمقدس كريلس الجزائر..

وعمال محل قصب سلامة.. وعبدالرحمن عامل الثلج.. والشيخ أحمد الصعيدي.. والمعلم رضوان صاحب محل المكرونة.. ومدبولي صاحب كشك الجرائد.. وأبو يوسف وولده حسام.. وكثير من العاملين بسوق باب اللوق.

كان يوماً حزيناً على باب اللوق.. لم تذهب ورد ولا أختها رقية إلى القرية.. لا يعرفون أحداً هناك.. أخذتهم الست حسنات زوجة خالهم عويضة إلى بيتها لحين عودة عويضة من القرية.. سافر الرجال فقط.. ومعهم عبادة ولد شحثة الراوي.. ما زال صغيراً.. كان شحثة يتمنى أن يكبر عبادة سريعاً ليكن سند لأخواته البنات ورد ورقية.. لكنها الأقدار.

لم يعد هناك مكان لورد وأخواتها داخل مطعم الحاج إبراهيم الشامي.. لا عمل.. لا سكن.. لا أمان.. بعد ما تجرأ المعلم طاهر وصعد إلى غرفة ورد في حياة والدها شحثة الراوي.. والآن بعد ما مات الأب.. فلن يكون هناك رادع للمعلم طاهر.. سيحاول مرة أخرى.. إذاً هو الرحيل.. لم يعد لورد لقمة عيش في مطعم الحاج إبراهيم الشامي.

حاول الحاج إبراهيم الشامي أن يثني ورد عن قرارها مغادرة المطعم وغرفتهم.. لم يتسطع إقناعها بأن تجلس وتعمل بالمطعم وتعيش بالغرفة هي وأخواتها كما كانت.. وسيكون مسئولاً عنهم..

إلا أن ورد أبت.. فكيف لها أن تعيش في مكان به ذئب مثل المعلم طاهر.. وكيف تنسى من كان سبب في موت أبيها.

بحثت ورد عن غرفة قريبة في حي باب اللوق.. وجدت غرفة متواضعة بجوار سوق باب اللوق.. الجميع رحب بورد فالعاملين بالسوق جميعهم أسرة واحدة.. ستعيش معهم.. على الرغم من أنهم بسطاء.. لكنهم أناس يعرفون معنى الشرف والأمانة.. ستكون بينهم هي وأخواتها آمنين مطمئنين.

فكرت ورد أن تقوم بشراء عربية مأكولات.. تقف في شارع منصور بجوار السنترال.. فالحركة كثيفة في شارع منصور وهذا الموقع يمر به المئات من الموظفين يوميًا.. عوضًا عن العاملين بسنترال باب اللوق.. فهو مشروع بسيط لكنه سيوفر القوت اليومي لورد وأخواتها ومصاريف الدراسة وأجرة الغرفة.. كان لدى ورد بعض المال.. كان والدها يدخره من راتبه.. يضعه في علبته الصفيح القديمة التي يضعها تحت فراشه.. فقط بضع مئات من الجنيهات.. ورد كانت على علم بها.. فقد وصاها أكثر من مرة.. وأبلغها بأنه يدخر بعض المال لها ولأخواتها.

أخذت المال واشترت ورد به عربية للمأكولات.. واشترت بعض مستلزماتها من أطباق وصواني ومعالق.. واقتضت من خالها عويضة بعض المال.. لشراء الأجبان والقشطة ومستلزماتها

اليومية.. فما تركه لها والدها شححة الراوي.. بالكاد سدد ثمن
عربة المأكولات.. كان هناك قراطين ارض في القرية بالإضافة إلى
الدار التي كان يمتلكها شححة الراوي.. أوصت ورد خالها عويضة
ان يحصل ايجار القراطين من سلامة المناوي ولد المشتاوية.. فمئذ
وقت طويل لم يذهب والدها شححة الراوي إلى القرية لتحصيل
الإيجار.. وورد وأخواتها الآن في حاجة ماسة إلى كل قرش.

حصّل عويضة إيجار القراطين بالبلد.. وأحضر المال إلى
ورد.. لم يتعدى المبلغ الثلاث آلاف جنيهه.

قالت ورد لخالها عويضة:

- أنا هاأخذ بس ألف جنيه عوزة أشترى كام حاجة كده
لزوم الشغل.. وخلي باقي الفلوس عندك يا خال.. بس خد الأول
حقك.. الفلوس إللي كنت سلفاها منك.. والباقي شيله معاك..
محدث عازف بكرة في إيه.. وأهي مستورة والحمدلله.. عربية
السندوتشات مغطية مصروفنا أنا وأخواتي.

تبدأ ورد عملها في الفجر.. تجهز الطعام في البيت طوال
الليل.. وترتب عربة السندوتشات منذ الفجر.. تحضر معها كل
المستلزمات من أجبان وقشطة ومربي.. المخبز يرسل لها كل صباح
الصبي حموده على التروسكل بما تحتاجه ورد من خبز أفرنجي

«فينو».. كان الجميع يعطف على ورد وأخواتها.. إنها ابنة شححة الراوي الرجل صاحب السيرة الطيبة بالحي.

ما هي إلا عدة أشهر واشتهرت ورد بمنطقة باب اللوق.. كانت تقف كالرجال.. بنت بلد ترتدي الجلبيّة البلدي.. تضع الشال على رأسها.. تبيع جميع سندوتشات الجبنة والمربي والقشطة في الصباح.. وتبيع سندوتشات الكبدة والسجق في المساء.. الكل يقف على عربة ورد.

كان يداعبها الجميع صغيراً وكبيراً.. ترد للجميع التحية والسلام.. وترد على المداعبة بإبتسامتها المعهودة.

كان الجميع يحبها.. لبشاشتها وخفة ظلها.. هذه الفتاة البسيطة ابنه المدارس المتفوقة.. تحولت منذ أيام قليلة إلى بائعة على عربة مأكولات في الشارع.. تقف صامدة كالرجال.. من أجل لقمة العيش.

فتحت عربة المأكولات باب رزق كبير لورد وأخواتها.. وكانت من وقت لآخر عندما تتحصل على بضع آلاف من الجنيهات.. تذهب إلى خالها عويضة وتعطية المال ليشترى لها ولأخواتها أرض بالقرية بجوار القراطين التي ورثتهم هي وأخواتها عن والدهم.. ومن ثم يؤجرهم إلى صاحب النصب.

لم تتسَّ ورد حسام.. لكنها ابتعدت عنه.. في آخر لقاء جمع بينهما بعد وفاة والدها شحته الراوي.. لم يسعها إلا أن ترحل بقلبها بعيداً.. نعم إنها في أمس الحاجة إلى الحب والعاطفة.. لكن اهتمامها بعملها وبأخواتها لن يسمح لها أن تعيش الحب التي طالما حلمت به مع حبيبها حسام.

قالت ورد:

- حسام أنت عارف ظروفي دلوقتي بقت صعبة أد إيه.. بقيت أنا كل حاجة لأخواتي.. وأخواتي صغيرين.. لسه قدامهم كثير على ما يكبروا ويتعلموا.

رد حسام وقد ارتسمت على وجهه ملامح الحزن لكلمات ورد:

- ورد أنا مقلتش لك سيبني أخواتك أو أتخلي عنهم.. لكن حبنا يا ورد.. نسييتي كده حبنا بسرعة.. نسييتي حلمنا.. نسييتي لما أتعهدنا إننا منسبش بعض أبداً.. أتعهدنا إننا نعيش على الحلوة والمرّة.. كتبنا صفحات في قصة حبنا.. ودلوقتي بترمي ورا ظهرك كل شيء كان حلو بنا.

ردت ورد وهي تتأمل في عين حسام:

- أبداً يا حسام.. عمري ما هنسى حبك.. عمري ما هنسى كل لحظة جمعتنا سوا.. أوعى تتهمني بأني فرطت في حبك..

أبدأ .. أتهامك ده بيجرحني قوي .. مجرد بس إنك تفكر فيه ..
مجرد أن عينك تيجي في عنيا وأحس إن في لحظة تكون نظراتك
ليا مليانه عتاب .. أنا حبيتك يا حسام .. يمكن أكثر من الحب
إللي أنت حبيته ليا .. لكن هرجع وأقول لك تاني إن الظروف
أقوى منا إحنا الاثنين .. مقدرش دلوقتي إلا إنني أقفل على قلبي
وأنسى شوية عواطفني .. مش عوزة أحس في يوم أني كنت أناانية ..
وأنني فكرت في نفسي وبس .. يا ريت كان حلمنا أتتحقق .. لكن
ده قدرنا يا حسام .. ولازم نرضى بالمكتوب .. ومين عارف يمكن
القدر زي ما بيفرقنا دلوقتي .. تاني يرجع يجمعنا .. حبنا صادق
ولا يمكن يموت أبداً مهما طال الزمن .

صمتت ورد بعض لحظات .. وأخذت تنهيدة عميقة وهي تنظر
في عين حسام .. ثم استكلمت حديثها :

- كفاية يا حسام إننا عشنا الحب .. عشنا لحظات جميلة ..
يمكن كثير معشوهاش زينا .. ربنا إدانا القلوب الطاهرة .. إدانا
الإحساس والمشاعر .. مش معنى إننا مش هنجوز .. إنني هنسالك
يا حسام .. أنت عارف أد إيه حبك في قلبي كبير .. وعمري ما
هنسالك أبداً لآخر العمر .

رد حسام:

- يعنى خلاص يا ورد .. مش هشوفك تاني .. قصة الحب
إللي عشناها .. خلاص دي آخر صفحة فيها .. كان نفسي قصة
حبنا تكون بدون نهاية يا ورد .. حب للأبد .

قالت ورد وهي تمسح وجه حسام .

- ومين قال أن دي النهاية يا حسام .. الحب عمرة ما
بينتهي .. الحب في القلب بيتولد .. مش مجرد قلب على ورقة
بيترسم .. ولا جواب بيكتب .. الحب شيء عظيم .. الأجل إننا
عشناه .. وعمره ما حد هيفرقنا أبداً .. أبداً يا حسام .

أمسك حسام يد ورد قبلها ضمها إلى صدره .. قال والكلمات
تأبى أن تخرج من فمه :

- الوداع يا ورد .. يا أجمل قلب عرفته .

قالت ورد ودموعها تتسارع على وجنتيها :

- مع السلامة يا حسام .. مع السلامة .



الإمبراطورة

ورد .. اسم يتردد كثيراً هذه الأيام في حي باب اللوق .. الكل أصبح يعرفها .. الكل يشهد لها بأنها ملكة السندوتشات في حي باب اللوق .. موظفي الوزارات والهيئات .. صغيراً كان أم كبيراً يأكل من عمل يديها .. طلبات يومية بألاف الجنيئات.

توسعت كثيراً ورد في عملها .. بدأت بعامل واحد حتى أصبح لديها عشرات العمال .. بين بائعين وموصلي طلبات .. عوضاً عن عمالة التجهيز في مطبخها الكبير التي إستأجرته حديثاً داخل سوق باب اللوق.

أخوات ورد عبادة ورقية دائماً بجوارها .. عبادة كان معها في كل صغيرة وكبيرة في إدارة المطعم .. وأختها رقية كانت المسئولة عن الأمور المالية .. فحجم العمل أصبح كبيراً .

يوم تلو الآخر تزداد ثقة الزبائن بورد .. الجميع يتكلم عنها عن شطارتها .. عن إدارتها .. عن جدعنة ولاد البلد .. كانت جادة في عملها .. حازمة شديدة في تعاملها مع العاملين .. لكنها كانت تخفي قلباً طيباً رقيقاً .

بدأت ورد تتوسع.. تشتري المحل تلو الآخر بشارع منصور..
لم يتبقَ في شارع منصور إلا القليل من المحلات التي لم يوضع
عليها يافطة «الإمبراطورة».. نعم كان هذا هو الاسم الذي أطلقه
عليها زبائنُها.. ورد كان اسم فتاة بسيطة مرتبط بعربة المأكولات
أمام السنترال.. اليوم تمتلك ورد الكثير والكثير.. فلم يتبقَ في
شارع منصور إلا محل بقالة عدنان الحلبي.. وسينما باب اللوق
الصيفية ومطعم الحاج إبراهيم الشامي ومكرونة رضوان.

من يرى ورد اليوم.. لن يعرفها.. فهي الآن إمبراطورة بكل
ما تعنيه هذه الكلمة من معنى.. عباءتها السوداء المطرزة.. ربط
الشال على رأسها.. الحلى الذهبية التي تزين بها معصمها..
السلسلة التي تتدلى من عنقها.. أقراطها الذهبية التي تصل
إلى كتفيها.. صوتها العالي الجهور.. مشيتها وضربها الأرض
بقدميها.. ورنه خلخالها الذهبي.. تمشي كالطاووس.. ومن حولها
الصبيان.. أحدهم يسارع ليحضر لها مقعدها الوردي المذهب..
والآخر يحضر لها الأرجيلة (الشيشة).. وصبي آخر يأتي مهرولاً
يحمل مقعد صغير مبطن.. لتضع عليه قدميها.

إمبراطورة تجلس لتأمر وتطاع.. تتابع عملها بإتقان ومن وقت
لآخر تمر على رواد المطعم.. تقف عند كل طاولة.. تكرم زبائنُها:

- بالهنا والشفاء.. تؤمر بحاجة يا باشا.. كل واتنها إنت عند

الإمبراطورة.

وتنادي على أحد صبيانها:

- واد يا نونو.. مايه هنا.. ونزل سلطات للبهوات.. وساقع على حساب الإمبراطورة.

لاتهدأ الإمبراطورة.. شعلة من النشاط.. تدير كل من حولها.. الكل يجب أن يكون سعيداً بجلسته على طاولة في مطعم الإمبراطورة.. يستمتع بأطباقها.. بضيافاتها.. بخدمتها المميزة.. إنها الإمبراطورة.. الوجه الجديد لورد ابنه شحته الراوي.. صاحبة أشهر مطعم للأكلات المصرية.

طاوولات مطعم الإمبراطورة تمتد من أول شارع منصور من على ناصية شارع محمد محمود وحتى نهاية الشارع على ناصية شارع التحرير.. الشارع يعج بالزبائن.. الطاوولات والكراسي ممتلئة عن آخرها.. لا يوجد موضع لقدم.. فالجميع أتى إلى هنا من أجل أن يستمتع بأطباق الإمبراطورة.

الإمبراطورة ما هي إلا ورد البنت الريفية البسيطة.. القلب المغرم بالحب.. عندما تغلق باب غرفتها.. تضع عنها عبائتها وأقراطها الذهبية.. تضع عنها وجه الإمبراطورة صاحبة الصيت.. المرأة القوية.. التي يعرفها القاصي والداني.. تعود إلى ورد الإنسانية.. ورد التي خفق قلبها منذ أن نظرت لوجه حسام..

هذا الوجه الذي لم ولن تتساه.. حبها الوحيد.. فارس أحلامها
التي طالما حلمت به.. لقد افتقدته كثيراً.. كانت تتمنى أن يكون
بجوارها دائماً.. لكنها قررت أن تبتعد.. حتى تهتم بأخواتها ..
وها هي الأيام تبتسم لها.. فقد حصدت المال وحب الناس..
لكنها ما زالت تفتقد لحبها الوحيد حسام.

مطعم الشامي مغلق منذ عدة أيام.. سألت الإمبراطورة أحد
صبيانها :

- واد يا حمامة.. إيه حكاية مطعم الشامي.. هو مقفول
بقاله كام يوم ليه يا واد.

رد عليها حمامة:

- أيوة يا إمبراطورة.. أصل الحاج إبراهيم الشامي تعيشي
انتي.. من كام يوم كده.

ردت الإمبراطورة وقد صدمها خبر الوفاة:

- الله يرحمه كان راجل طيب.. وليه يا واد محدش قلتي..
يقولو علينا إيه الناس دلوقتي.. أنتم مفيش حد فيكم كده
مصحصح وبيبلغني بالحاجات دي أول بأول.. يلا روح شوف
شغلك.. لتكم هم.

نادت علي صبيها حمامة مرة أخرى قبل أن يذهب.

وقالت له الإمبراطورة:

- بقولك يا واد يا حمامة.. خد تعالى.. خليهم يجهزوا
العربية المرسيديس السوداء.. وكلم المعلم عبادة على التليفون خليه
يجهز حاله.. قوله الإمبراطورة بتقولك منتظراك بالمطعم.. هنروح
سوا نعزي في عمك الحاج إبراهيم الشامي.. يلا يا واد بسرعة..
غور من وشي.

حضر المعلم عبادة بالسيارة المرسيديس السوداء الفارهة..
ركبت الإمبراطورة معه.. توجهوا سوياً إلى عمارة الحاج إبراهيم
الشامي بحي السيدة زينب لتقديم واجب العزاء.. المكان مكتظ
بالمعزين.. فالخبر قد أفجع أصدقاء وجيران الحاج إبراهيم
الشامي.. على الرغم من مضي أكثر من ثلاث أيام على وفاته..
فما زال المعزين يتوافدون على بيته لتقديم واجب العزاء.

دخلت الإمبراطورة ومعها أخوها المعلم عبادة إلى مجلس
الرجال.. كان يقف ابنه الأكبر المعلم سليمان وبجواره أخوة المعلم
محمود، يتلقون العزاء.. ومن بعيد يجلس ولد الحاج إبراهيم
الشامي الأصغر المعلم طاهر.

مدت الإمبراطورة يدها وصافحت كل من المعلم سليمان
والمعلم محمود.. وقدمت واجب العزاء:

- البقاء لله.. وربنا يجعلها آخر الأحزان.

رد المعلم سليمان:

- شكر الله سعيكم.

قالت الإمبراطورة:

- أدخل أنا أقعد مع الحريم.. ربنا يصبركم.

دخلت ورد إلى مجلس النساء.. وجلس عبادة في مجلس الرجال
مع المعزين.. لم يطبلا الجلوس.. فما إن انهي القارئ الربع الأول..
حتى قام عبادة من مجلسه.. وصافح المعلم سليمان والمعلم محمود
والمعلم طاهر.. غادر مجلس الرجال.. أرسل ولد صغير إلى مجلس
النساء لينادي على أخته ورد حتى يغادرا العزاء.

كان مطعم الشامي.. آخر صلة تربط الأخوة أبناء الحاج
إبراهيم الشامي يرحمه الله مع حي باب اللوق.. كان الأب
يجمعهم.. يقوى الصلة بينهم.. لكن الدنيا أخذتهم بعيداً بعد وفاة
والدهم.. لم ينتبه أحد إلى المطعم.. أهمل كثيراً.. العمال الآن
هم من يسIRON أعمال المطعم اليومية.. إلى أن أغلق المطعم..

وأخذ العمال كل ما طالته أيديهم ممن خف وزنه وثقل ثمنه.. لن يجد أبناء الحاج إبراهيم الشامي حلاً لتدهور العمل بالمطعم بعد أن استولت الإمبراطورة على معظم محلات شارع منصور.. فلا أحد يجابهها.. فهي تنفق الكثير وتفيض على رواد مطعمها بأفضل الأكلات وبالخدمة المميزة وبأسعار في متناول الجميع.. لا أحد يقف أمامها.. أو ينافسها في الأسعار أو الجودة.. ولم يعد مطعم الشامي كما كان.. ومثله الكثير بالحي.. فهو زمن قد ولى.. واليوم مطعم الإمبراطورة.. والإمبراطورة فقط دون منازع.

أولاد الحاج إبراهيم الشامي قرروا أخيراً أن يتم بيع المطعم بعد أن باتت تشغيله مستحيلاً في ظل منافسة مطعم الإمبراطورة وسطوته على شارع منصور بأكمله.. لم تضع الإمبراطورة هذه الفرصة من بين يديها.. لقد أصبح معظم محلات الشارع ملكاً لها.. وها هو مطعم الشامي.. قاب قوسين أو أدنى من أن يكون ملكاً لها.

عرض المعلم سليمان المطعم للبيع.. علق يافطة.. ووضع رقم هاتفه.

الإمبراطورة تدرك تماماً أن أولاد الحاج إبراهيم الشامي رحمة الله.. إن حصلت على موافقتهم ببيع المطعم لها.. فسيعرض بكل تأكيد المعلم طاهر.. فالمعلم طاهر لم ولن ينسى أبداً صفقة الفتاة الفقيرة ورد ابنة العامل البسيط شحطة الراوي.. بل سيزيد المعلم طاهر في عناده.. وسيوقف بيع المطعم لها لا محاله.

اتصلت الإمبراطورة بمحاميها الأستاذ عادل السلاموني..
ابلغته برغبتها في شراء مطعم الشامي.. لكن أفهمته جيداً أنها
لا تريد أن تظهر هي كمشتري.. تريد شخصاً ما يشتري المطعم
كواجهة ليس إلا.. وبعدها ينقل المطعم بأسمها.. أوصت محاميها
أن يشتري المطعم بسعره العادل.. ولا يحاول أن يبخث من ثمنه.

قالت الإمبراطورة للمحامي:

- أنت عارف أد إليه الحاج إبراهيم الشامي كان زي والدي
تمام.. وأنا مش حبه أولاده يبيعوا المطعم بخسارة.. أنا هشتريه
بسعره الحقيقي ومتضغطش عليهم بالسعر.

استغرب كثيراً الأستاذ عادل السلاموني المحامي وقال:

- إزاي بس.. محدش بيعمل كده يا إمبراطورة اليومين
دول.. معقول لازم ننزل بالسعر أد ما نقدر.. هو أصلاً مش
هيالقي مشتري غيرنا.. ما إنتي عرفة محدش بيهوب ناحية
شارع منصور يا إمبراطورة.

قالت له الإمبراطورة:

- المطعم ده ليه ذكريات كثير قوي عندي.. ومش هشتريه
بسعر قليل.. أنا هشتريه بقيمته.. ده أقل حاجة أقدر أعملها وأرد
ولو جزء صغير من جمال الحاج إبراهيم الشامي اللّهُ يرحمه..

حتى ولو كان رد الجميل ده لمراته وولاده.. أنا منساش فضلة على
أبويا وعليها وعلى أخواتي.. إنت فاهمني.. يا ريت تخلص الموضوع
ده وبسرعة.

قال الأستاذ عادل السلاموني المحامي:

- تمام أوامرك يا إمبراطورة.. على آخر الشهر بالكثير
أكون جايب لك عقد المطعم.. كلمي لينا بس الأنسه رقية.. تطلع
لي مبلغ كده عشان ندفع عربون لحد ما يجهزوا ولاد الحاج
إبراهيم أوراقهم ويمضوا العقد.. أنا عارف إنهم لسه ولا عملوا
أعلام وراثه ولا حاجة... ووصيها علينا لحسن الأنسه رقية دي
إيديها نشفه حبتين.

اشترت الإمبراطورة.. مطعم الشامي.. في بداية الأمر لم يعلم
أولاد الحاج إبراهيم الشامي بأن الإمبراطورة هي المشتري.. لن
يبقى الأمر سراً لوقت طويل.. فبعد عدة أيام من نقل ملكية المطعم
لها من المشتري.. زارت الإمبراطورة المطعم.. سعدت في أول الأمر
إلى الغرفة التي كانت تسكن بها هي ووالدها وأخواتها.. جلست
بها وأغلقت الباب.. أخذت تنظر إلى حوائطها.. إلى سقفها التي
باتت ليالي كثيرة تحديق به.. تفكر في مستقبلها.. هنا كانت تجلس
تستذكر دروسها.. هنا كان فراشها هي وأخواتها.. هنا كانت تضع
الحصيرة على الأرض.. هنا الطبلية التي كانت تجمعها بوالدها

وأخواتها الصغار وقت العشاء.. هنا كانت تنظر إلى حسام من النافذة.. وتدعو ربها أن يكلل حبهما بالزواج.. ذكريات استيقظت منها سريعا عندما سمعت المحامي يطرق باب الغرفة.

قال الأستاذ عادل السلاموني المحامي:

- يا إمبراطورة.. إنتي فين يلا محتاجينك تحت.. تتممى على المطعم.

ردت الإمبراطورة وهي تجفف دموعها:

- أيوه حاضر جاية.. انزل انت يا أستاذ عادل وأنا هحصلك على طول.

نزلت الإمبراطورة إلى المطعم.. كل ما كانت تريده ورد الإنسانية.. أن تعود مرة أخرى للمكان الذي جمعها هي ووالدها وأخواتها.. أن تسترجع بعض ذكرياتها في المكان.. كانت أيام صعبة مرهقة لكنها كانت أيام جميلة.. لم يكن المطعم ذات أهمية بالنسبة لها أو موقعه أو معداته.. لكن كان هناك شيء آخر في عقل ورد لم تصفح عنه لأحد.. إنها الذكريات التي نقشت على حوائط غرفتها بسطح المطعم.

نزلت الإمبراطورة من الغرفة إلى المطعم وهمت أن تغادر المكان.. إلا أن المعلم طاهر وفور علمه بأن ورد بالمطعم..

إِسْتَشَاطَ غَضَبًا .. حضر للتو إلى المطعم .. وقف أمام الإمبراطورة
وجهاً لوجه.

قال المعلم طاهر:

- انتي بتعملي إيه هنا .. امشي إطلعي بره.

ردت الإمبراطورة بصوت عالي:

- إنت بتقول إيه انت يا لي اسمك طاهر .. انا لولا عمله
حساب للمكان وللحاج إبراهيم الله يرحمه كنت عرفتك شغلك صح.

وقف طاهر وبأعلى صوت وهو يشوح بيديه وقال:

- ايه بتقولني طاهر .. أنا المعلم طاهر يا بت .. انتي نسييتي
نفسك ولا إيه .

ردت الإمبراطورة وهى ترفع صوتها وتلوح بيديها:

- ايه جي عامل لك هليلة ليه .. وفارد ريشك علينا .. جرى
ايه .. شكلك كده انت الي نسييت نفسك يا طاهر .. بت مين يا
راجل يا هزوء .. اتلم وإعرف إنت بتكلم مين .

رد المعلم طاهر وهو يشير بأصبعه إليها ببعض من الاحتقار:

- انتي فكرك يعنى الفلوس وشوية الصبيان إلیي حواليكی
دول .. معناها إن الروس اتساوت يا ورد .

ردت الإمبراطورة:

- أول مرة تقول حاجة صح يا طاهر.. لا طبعاً متسوتش ولا عمرها هتساوى.. شوف إنت مين وواقف قدام مين.. إنت واقف قدام الإمبراطورة.. عارف يعنى إيه الإمبراطورة.

- أوعي تفتكر إني نسيت إلكي عملته زمان.. فاكر حسام يا طاهر.. فاكر.. إنت إلكي ورا موضوع سرقة الفلوس.. ولزقتها في حسام ولا فاكرني مش دريانه.

استغرب المعلم طاهر من كلمات ورد.. وقعت على أذنيه كالصاعقة.. كيف عرفت الحقيقة.. تلثم المعلم طاهر وقال:

- إنتي بتقولي إيه.. إيه الكلام ده.

قالت الإمبراطورة:

- أوعي تكون فاكر يا طاهر إني مش عرفة.. إنت إلكي خططت لكده يا طاهر.. وتحب أقول لك كمان مين إلكي دس الفلوس في فرشة أبو يوسف.. وغدرتم بحسام.. الواد صبيك صابر حكالي على كل حاجة.. مفيش حاجة بتستخبي يا طاهر.

قالت الإمبراطورة وعيونها تزداد شراسة وهي تتوعد المعلم

طاهر:

- حسابك معايا عسير يا طاهر.. أنا بس مكنتش فاضية لك.. لكن من هنا ورايح تحفظ أدبك معايا.. إنت فاهم.. لوديك ورا الشمس.. إنت لسه متعرفش أنا مين.. ولا أقدر أعمل إيه.. امشي اطلع بره ومشفش خلقتك هنا تاني.. ويا ريت في الحي كله.. عشان إما بشوفك بقيت أأرف منك ومن عمايلك.. بس مش هنسالك إللي عملته زمان يا طاهر.. إنت عملت كثير.. ومش محتاجة أفكرك.. لكن الحساب بنا يطول.

خرجت الإمبراطورة من المطعم بصحبة الأستاذ عادل السلاموني المحامي وقالت له:

- أستاذ عادل.. المطعم يفضل زي ما هو.. واليافطة كمان تسبها زي ما هي.. عليها اسم مطعم الشامي.

رد الأستاذ عادل السلاموني المحامي مستغرباً لما تقوله الإمبراطورة:

- ليه يا إمبراطورة ما ننزل اليافطة زي ما عملنا في باقي المحلات بالشارع ونركب يافطة الإمبراطورة ونتوسع.. هو إحنا وخذين المطعم عشان نقفلة.

قالت الإمبراطورة:

- زي ما قلت لك يا أستاذ عادل.. خلي كل شيء زي ما هو.. يافطة المطعم متزلش من عليه.. ده أقل شيء نقدمه للحاج

إبراهيم الشامي اللّهُ يرحمة.. أنا هخلي المطعم دة زي ما هو..
وهقدم فيه أكلات مجانية للمحتاجين.. وأهو كله خير للناس يا
أستاذ عادل.. صدقة جارية للحاج إبراهيم الشامي وأبويا شحته
الراوي.



الفخ

لم يتفرقا كثيراً أولاد الحاج إبراهيم الشامي بعد وفاة والدهم وبيع المطعم.. فما زال المعلم سليمان يتاجر بالحبوب وقد توسع في تجارته أكثر من ذي قبل.. وشاركه في تجارته أخوه المعلم محمود.. كان أمورهم لحد ما جيدة.. فالتجارة كانت تدر عليهم ربح وفير استطاعوا من خلاله ان يحافظوا على مستوى معيشتهم المترفة نوعاً ما.. كما كانت معيشتهم في حياة والدهم الحاج إبراهيم الشامي.

المعلم طاهر كعادته.. أخذ ينفق نصيبه من الميراث في ملذاته من نساء وخمر.. لم يتيق من ماله شيء.. بدأ يستدين من أخوته.. لم ييخل أحد من أخوته عليه بالمال ولا بالنصيحة مرات عديدة.. لكنه لم ينتبه لحالة ولم يتراجع عن طريق الملذات.. هجر بيته وزوجته وأولاده.. لا تكاد الكأس تفارق يده.. استدان من الجميع.. توقف أخوته عن دعمه ظناً منهم بأن ذلك سيردعه وسيعود عن هذا الطريق.. لكنه استدان ممن حوله.. ولم يستطع السداد.. أصبح مهدداً بإيصالات الأمانة التي وقعها للدائنين.. لقد أغلق الجميع الأبواب في وجهه مؤخراً.. فهو يقترض المال ولا يسدد.. تناقلت عليه الديون.

المعلم ضياء أبو نسمة.. هذا الرجل كان سخياً معه.. لم يكن يعرفه المعلم طاهر سابقاً.. حتى تعرف عليه في إحدى السهرات بملهي ليلي بشارع الهرم.. كان يعطيه كل ما يطلبه من مال.. مقابل توقيع إيصالات أمانة بتلك المبالغ.. لكن لن يتوقف عن إقراضه أي مبلغ يطلبه المعلم طاهر.. كان المعلم ضياء أبو نسمة يدعي بأنه صديق والده الحاج إبراهيم الشامي من زمن بعيد.. لن تكن الإمبراطورة بعيدة كل البعد عن ما يتعرض له المعلم طاهر من محن وأزمات مالية.. فمنذ أن قابلت المعلم طاهر بالمطعم وحاول ان يتناول عليها.. وهي تتابعه من بعيد.. لقد أرسلت من يشتري جميع إيصالات الأمانة التي وقع عليها المعلم طاهر.. ممن استدان منهم المال.. أيضاً لم يكن ظهور المعلم ضياء أبو نسمة مصادفة.. فهو واجهة للإمبراطورة ليس إلا.. نعم كانت الإمبراطورة تمد المعلم طاهر بالمال دون أن يدري.. لتفرقه أكثر فأكثر بالديون.. تكبله وتزيد من السلاسل حول عنقه.

كانت الإمبراطورة تعي كل كلمة عندما توعدت المعلم طاهر بأنها ستنتقم منه على ما فعله معها ومع حسام.. لقد لفق لحسام جريمة السرقة وطرده من الحي.. و حاول الإعتداء عليها أكثر من مرة.. بل كان سبباً في موت والدها شحطة الراوي.. هي لم ولن تنسَ أبداً ما فعله المعلم طاهر.

لم يستيقظ المعلم طاهر من غفوته.. فالكأس يلازمه طيلة الليل حتى لحظات الفجر الأولى.. إعتاد على السهر كل ليلة بكبارية نعيمة بشارع الهرم.. هذه الليلة أيضاً يريد أن يسهر.. لكن ليس معه ما يكفي من المال.. فالسهر وكأس الخمر وبنات الليل يحتاج الكثير من المال.

المعلم ضياء أبو نسمة.. هو الوحيد الذي يعطية المال بغير حساب.. توجه إليه بمحله بميدان الجيزة قبل أن يذهب إلى كبارية نعيمة.. في طريقه إلى شارع الهرم.. وجده كعادته يجلس أمام المحل وفي يده الأرجيلة (الشيشة).. سلم عليه وجلس بجواره.

المعلم طاهر يظهر على ملامحه بعضاً من التردد.. يموج عقله ببعض التساؤلات.. نعم لم تداعب تلك التساؤلات ذهنه في المرات العديدة السابقة التي حضر فيها إلى هنا يطلب المال من المعلم ضياء أبو نسمة.. تلك الليلة على غير عادته.. لم ينطق المعلم طاهر بكلمة واحدة منذ أن جلس بجوار المعلم ضياء أبو نسمة.. نظر إليه المعلم ضياء بإستغراب شديد.. انتظره حتى يبدأ الحديث.. فعادة المعلم طاهر أن يجلس بضع ثواني ثم يبدأ في الحديث ويطلب المال.. الآن مر عشر دقائق.. ولم ينطق المعلم طاهر بكلمة واحدة.

طبّطب المعلم ضياء أبو نسمة على كتف المعلم طاهر.. قال
له في صوت خافت:

- ايه يا معلم طاهر.. خير في حاجة ولا ايه.. مش عادتك
يعنى تقعد ساكت كده.. في ايه كفى الله الشر.

رفع المعلم طاهر رأسه وما زالت نظراته صامته.. إلتفت إلى
المعلم ضياء أبو نسمة.. وقال:

- أنت ليه يا معلم ضياء بتديني فلوس كده عمال على
بطل.. ده الناس كلها ابتدت تبعد عني ومبقتش تسلفني.. ده
حتى أخواتي مبقوش يسألوا فيا.. مش غريبة شوية دي.. الله
يكرمك متقوليش إن الحكاية إنك صاحب والدي الله يرحمه..!
تعالت ضحكات المعلم ضياء أبو نسمة وقال له:

- يا راجل هو ده برده سؤال.. ده الناس لبعضيها.. وبعدين
زي ما قلت لك.. والدك الله يرحمه له معزة خاصة عندي.. وياما
غرقني بجميله.. وإللي بقوله لك صح مفيش كلام.

- المهم إنت جي النهارده شكلك عاوز فلوس.. صح ولا أنا
غلطان؟..

- قول يا راجل عاوز كام متتكسفش.. شكلك كده عاوز
تفرفش وتتبسط الليلة ما هو النهاردة الخميس وأنا عرفك
مبتفوتش ليلة زي دي.

لم يجب المعلم ضياء أبو نسمة بالحقيقة على تساؤل المعلم
ظاهر.. فحديثه أنه صديق والده لم يكن مقنعاً للمعلم ظاهر
اليوم أيضاً.. نعم هز رأسه للمعلم ضياء.. لكن عيناه كانت تفصح
عن تلك التساؤلات مراراً وتكراراً.. نعم حصل المعلم ظاهر على
المال الذي يريده.. لكنه لم يحصل على إجابة وافيه لسؤاله.



الصفحة

المعلم طاهر لا يغيب عن ذاكرته تلك الصفحة التي تلقاها من ورد منذ سنوات.. عندما حاول أن يعتدي عليها بغرفتها.. لتأتية الصفحة الثانية.. عندما اشترت مطعم والده الحاج إبراهيم الشامي.

عقله الشيطاني لم يكف عن التفكير.. كيف له أن يرد الصفحة صفعات إلى ورد.. لكن هذا الأمر ليس بالأمر الهين.. الآن ورد أصبحت إمبراطورة باب اللوق.. لها شأن كبير ومعارفها في كل مكان.. الكل يتمنى أن يقدم كرابينه لترضى عنه.. رضاء الإمبراطورة يعنى الكثير.

الشر ما زال كالشرر في عينيه.. أعد العدة.. خطط ودبر.. لن تسلم الإمبراطورة منه الليلة.. نعم هو الانتقام.. كان الهدف هو إحراق أكبر مستودعات الإمبراطورة، مستودع فم الخليج.. إستأجر المعلم طاهر بعض الأشقياء.. أعطاهم المال وشرح لهم خطة التنفيذ.. حذرهم بأن لا يصابوا أحداً بأذى.. ويتجنبوا الاشتباك مع الغضراء قدر الإمكان.. فقط النيل من مستودع الإمبراطورة.

اشتعلت النار في مستودع الإمبراطورة.. لكن إرادة الله حالت دون وقوع كارثة.. لم يمتد الحريق لكامل المستودع.. فقط حريق محدود استطاع الغفير حسنين أن يستجد بالحماية المدنية «المطايفي» بالوقت المناسب.. لقد شب الحريق في غرفة الكهرباء والثلاجة الكبيرة.. لكنهم استطاعوا أن يخمدوه في حينه.

لم يكن هناك أي دليل على أن الحريق أُشعل بفعل فاعل.. لقد لعبها اليوم المعلم طاهر بذكاء شديد.. لم يترك رجاله أي أثر بالمكان.. الإمبراطورة لم تقتنع بتقرير الحماية المدنية «المطايفي».. لقد سجل الحادث على أنه ماس كهربائي.. شعرت أن في الأمر شيئاً.. وليس لديها أي شك في أن الفاعل هو المعلم طاهر.. لكن عليها التأكد من ذلك.

اتصلت الإمبراطورة بمن يحاول استدراج المعلم طاهر.. كان الأمر يسير إلى حد كبير.. فالمعلم طاهر رجل مخمور معظم الوقت.. وعندما يتلاعب الخمر برأسه يحكي عن مغامراته ويتباهي دائماً بمكرة ودهائه.. نعم لقد أفصح للبار مان وجدي «مقدم الخمر في بار نعيمة بالملهى الليلي» على أنه مدبر حريق مستودع الإمبراطورة.

اتصل البار مان وجدي.. أوصل الخبر إلى الإمبراطورة.. هزت رأسها:

- كنت متأكدة إن الموضوع وراه الكلب طاهر.. شكراً يا وجدي.

- خلاص كده يا طاهر صبرت عليك كثير.. لكن دي نهايتك معايا.

المعلم طاهر في طريقه الليلة أيضاً إلى كبارية نعيمة في شارع الهرم.. كانت جيوبه خاوية كالعادة إلا من بعض الجنيحات القليلة.. مر على المعلم ضياء أبونسمة ليقترض منه بعض المال.. لكن اليوم لم يكن المعلم ضياء بمثل ترحابه المعتاد.. نعم صدرت الأوامر من الإمبراطورة.. بعدم إقراض المعلم طاهر أي مبالغ اضافية.. واتفقت مع المعلم ضياء أبونسمة.. أن يتصل بها عند أول لقاء له بالمعلم طاهر.

استأذن المعلم ضياء أبونسمة من المعلم طاهر:

- بعد إذنك يا معلم طاهر.. هعمل مكالمة تليفون على السريع وأجي لك.

بالفعل اتصل المعلم ضياء أبونسمة بالإمبراطورة يبلغها بوصول المعلم طاهر.. يطلب بعض المال كعادته.. أبلغ الإمبراطورة بأنه حتى الآن لم يجيب المعلم طاهر على طلبه بالقبول أو بالرفض.

قالت له الإمبراطورة:

- كده تمام يا أبونسمة.. خليه قاعد أنا جيه بالطريق.. ريع ساعة أكون عندك بالجيزة.

بدأ المعلم طاهر الحديث مع المعلم ضياء أبونسمة .. سأله
عن أحوال المحل وأحوال السوق .. وكان المعلم ضياء أبونسمة يدير
أطراف الحديث ويطيل بعض الشيء لحين وصول الإمبراطورة.
وفي نهاية الحديث .. طلب المعلم طاهر من المعلم ضياء بعض
المال:

- معلىش يا معلم ضياء .. أنا محتاج فلوس الليلة وأنا جاهز
أمضي لك على وصل أمانة بالمبلغ.

تجهم المعلم ضياء أبونسمة ولم يُجب .. فقد حضرت
الإمبراطورة للتو .. وسمعت ما قاله المعلم طاهر.

قالت الإمبراطورة:

- خلاص يا طاهر .. بح مفيش فلوس تاني .. وإيصالاتك
عندنا منها كثير قوي متعديش.

انتفض المعلم طاهر من على مقعده .. لقد فوجئ بحضور
الإمبراطورة .. كيف عرفت إنه هنا .. وما علاقتها بالمعلم ضياء
أبو نسمة .. لم ينطق المعلم طاهر بكلمة واحدة .. فقط الذهول
كان سيد الموقف .. لم يقوى المعلم طاهر على الوقوف كثيراً .. عاد
وجلس على مقعده .. لقد كانت مفاجأة مدوية لم يتوقعها .

قالت الإمبراطورة وهي تهز رأسها وبضحكة بها الكثير من
الفخر والانتصار:

- إللي بيدور بدماغك يا طاهر.. صح.. أيوه ورد يا طاهر..
الإمبراطورة.. فاكروش ده كويس.. أنا حلفت يمين أمام الله.. يوم
ما طلعت من المطعم إنني ارجع تاني.. صاحبة المكان.. المطعم إللي
طلعت منه حسام بفضيحة.. إلى حولت تعتدي عليا فيه.. الللي موّت
أبويا فيه.. ومكفكش كمان رايح تحرق المستودع.. أنا الكابوس الللي
هيدنو يلزمك طول حياتك يا طاهر.. والفلوس الي بتخدها كل يوم
والتاني من المعلم ابونسمه.. دي فلوسي أنا يا طاهر.. قعدت أمد لك
الحبل أكثر وأكثر لحد ما شنقت نفسك بيه.

- إنت عملت كثير قوي يا طاهر.. والوقت وقت الحساب.

أخذت الإمبراطورة سيارتها ورحلت عن المكان.. ترك المعلم
طاهر المكان وهو ما زال في ذهول.. لم يعرف أين يتجه.. فقدماه
لا تستطيعان حمله.. وقع على الأرض.. ساعده المعلم ضياء أبو
نسمة ورفعاه من على الأرض.. نادى على أحد صبياناه ليأخذ
سيارته الخاصة ويوصل المعلم طاهر إلى بيته.. فالرجل منهار
ولا يستطيع الوقوف.

اتصلت الإمبراطورة بالأستاذ عادل السلاموني المحامي..
أبلغته أن يقوم بتقديم بعض إيصالات الأمانة الخاصة بالمعلم
طاهر إلى قسم شرطة السيدة زينب التي أتمت الإجراءات
وأبلغت النيابة بدورها وتم إحالة المحضر إلى المحكمة لتوافر
أركان جريمة خيانة الأمانة.. وتم إصدار حكم غيابي ضد المعلم
طاهر.. وبالفعل تم القبض عليه بشقته بالسيدة زينب ليقضى
مدة محكوميته لثلاث سنوات.

توسلت الحاجة أم سليمان كثيراً لدى الإمبراطورة أن تصفح
عن ولدها المعلم طاهر.. وأن تتنازل عن قضية إيصالات الأمانة..
إلا أن الإمبراطورة صممت على موقفها.. فهي بعد الآن لن ترحم
المعلم طاهر.



السلطة والنفوذ

تبدلت ملامح حي باب اللوق عن زي قبل.. لم يعد كثير من معلمي السوق و أصحاب المحلات متواجدين الآن .. أصبح هناك اسم واحد فقط في حي باب اللوق يتردد كثيراً .. اسم الإمبراطورة.. فغالبية المحلات قد أُغلفت على إختلاف أنواعها وأشكالها.. لم يكن ذلك بالطبع هو التغير الوحيد الذي طرأ على هذا الحي.. فصوت صفارة قطار باب اللوق لم يعد يسمع في المكان.. فقد أزيلت محطة القطار بالكامل.. وتحول مسار خط حلوان باب اللوق إلى مسار جديد بين حلوان وميدان التحرير.. أنه خط مترو الانفاق.

لم يعد شارع منصور في رونقة وبريقة كما كان في الماضي القريب.. لم يعد يجذب المارة.. قلّت الحركة بالشارع.. عانى الكثير من الباعة من ضيق الرزق.. فقد الشارع آلاف المارة من العاملين والموظفين.. فالآن الجميع يتجه إلى ميدان التحرير مباشرة.. فالقطار كان يجلب معه الرزق والخير الوفير لكل حي باب اللوق.. لكن تلك هي الدنيا كما يقال في المثل الشعبي «الدنيا لاتخلي الراكب راكب ولا إللي ماشي ماشي».

لم يكن هذا الاختلاف الذي طرأ على حي باب اللوق بالنسبة للإمبراطورة بالشيء المؤثر.. فمطعم الإمبراطورة يستقطب كل يوم زبائن جدد.. وقد ذاع صيته في الأرجاء.. وتعددت أعمال الإمبراطورة.. فلم يكن مطعم الإمبراطورة هو العمل الوحيد التي تعتمد عليه ورد.. فقد تعددت أعمالها ونشاط شركاتها في التوريدات و المقاولات ومواد البناء.. الأمر الذي جعلها تترك إدارة المطعم إلى أخواتها عبادة ورقية وتتفرغ هي لأعمالها الجديدة.. الآن ورد أو الإمبراطورة سيدة أعمال تمتلك وتدير العديد من الشركات التي تحمل اسمها «الإمبراطورة».

إنها مرحلة جديدة في حياة ورد.. لقد خلعت عباءتها والشال من على رأسها.. ارتدت الفساتين من البرندات العالمية والجيب القصير والبنطلونات.. تمسك بيدها شنطة جلدية أنيقة من أغلى الماركات وأعرقها.. يتلألأ على يديها الكثير من الجواهر والألماس.. أصبحت سيدة أعمال ثرية من الطراز الأول.. تتكلم بحنكة ولباقة.. أصبحت ورد مطمع لكثير من أصحاب النفوذ والسلطة.. فتراؤها وتعدد نشاطاتها التجارية أغرى الكثير منهم.. فالمال يجب أن تسانده السلطة والنفوذ.. والسلطة والنفوذ في حاجة إلى المال الوفير.. إنه مثلث إن اجتمعت أضلاعه أصبحوا قوة لا يستهان بها وخطراً على الآخرين وإن تفرقوا أصبحوا

خطراً على أصحابهم بل ويهدد استمراريتهم.. اختيار صعب..
لاتوافق ولا حلول وسط.. شاءت أم أبت ورد.. فعليها الاختيار.
في وسط هذا الخضم والحياة الجديدة التي تعيشها ورد..
يتقدم إليها الكثير من الرجال.. رجال من كل الأطياف.. أصحاب
نفوذ سياسي.. أصحاب نفوذ اقتصادي.. رجال صناعة.. رجال
تجارة.. لم يستثن أحداً.. فجميعهم أثرياء ليس بالمال فحسب
ولكن أيضاً أثرياء بالسلطة والنفوذ.. الجميع يسعى إلى أن
يجتذب ورد.. بكل الطرق.. منهم من يريد أن يتزوجها.. والبعض
يريد أن يشاركها في بعض نشاطاتها التجارية.. ومنهم من يحاول
أن يبتزها علانية.. وآخرون يسعون إلى أن يكونوا ولو سماسرة
تحت الطلب.

إن رجال هذا المجتمع الجديد التي دخلته ورد من أوسع أبوابه
هم من رجال السلطة والنفوذ.. وبعض منهم أقل ما يقال عنهم أنهم
فاسدون.. تجمعوا حول ورد كالوحوش المفترسة.. ظلماً منهم أن ورد
أصبحت فريسة وصيداً سهلاً في مجتمع جديد لاتعرف خباياه.

لم تنتبه ورد كثيراً لتلك المحاولات في بادئ الأمر.. ومن
المؤامرات التي تحاك حولها.. ومن إغواء البعض لها بالسلطة
والنفوذ.. شعرت ورد بكثير من الغربة في هذا المجتمع.. فلا أحد
بجوارها.. لقد عانت كثيراً إلى أن وصلت لما هي عليه الآن..

لقد أُغلق قلبها منذ زمن بعيد على حب حسام.. إنها الآن امرأة مادية.. امرأة دون قلب.. امرأة بلا حب.. عليها أن تستمر في طريقها.. تصعد السلم إلى منتهاه.. وها هي الظروف تنهياً لها.. فالطريق مفروش بالورود.

ورد ما زال يسكن داخلها تلك الفتاة.. تلك البنت الريفية.. البنت التي أحببت.. فعندما كانت تخلو إلى نفسها لا يشغلها سوى شيء واحد.. فقط هو حسام.. تتذكر حبيبها و تتاجيه.. فهو من ملك القلب.. وأعطى للحياة حينها على الرغم من قساوتها بهاءً وروحاً جميلة.

كانت دائماً ما تتاجي حبيبها وتقول:

بفراقك يا حبيبي.. غابت عني ملامحي.. والقلب أصبح بارداً بعدما كان دافئاً ملئ حبك.. غابت عني عيونك .. حرارة يدك.. حنان صدرك.. لهفتك.. غرامك وصدق عشقك ومشاعرك.. حلاوة لقاءك.. كلمة أحبك عند كل موعداً.. آه من لوعة فراقك.. وكيف لقلبي أن يعيش بعد هجرتك.. وكيف لي بعد اليوم أن أضحك وقلبي ملاء الحزن والعيون باكيه .

ورد الآن تفكر جيداً.. فما لها سوى أن تغلق قلبها على حبها وأن تتنبهه إلى أعمالها.. فالطريق ما زال طويلاً.. عليها الاحتفاظ بهذه الإمبراطورية التي كونتها من شركات وعقارات.. نعم ما ينقصها الآن هو النفوذ ويا حبذا أن تكون السلطة والنفوذ معاً.

أدركت ورد مدى حماقتها عندما لم تبالي بالأيدي التي امتدت لها لتعاونها.. لتأخذها إلى أعلى درجات السلم.. نعم لم تكن جميعها حسنة النوايا.. لكن هذا هو طريقها وقد يكون هو الوحيد إلى السلطة والنفوذ.

أحمد بك حافظ.. رجل من أصول ارستقراطية.. والده وجده ممن يطلق عليهم «الإقطاعيون» من أصحاب الثروات الطائلة بعصر ما قبل ثورة الثالث والعشرين من يوليو عام اثنين وخمسين.. إلا أن أحمد بك حافظ ورث الكثير بعد أن عادت معظم الأراضي والعقارات للمكيته بعد فك الحراسة عن ممتلكات عائلته أخيراً.

لم يسبق لورد أن تعرفت علي أحمد بك حافظ.. إلا أنه فى إحدى حفلات السمر التي كان يحضرها بعض الأثرياء بفيلا رجل الأعمال المعروف حسنين الجندي.. التي تقع على ضفاف النيل بالجيزة.. انبهرت ورد بمنظر نهر النيل من تراس الفيلا.. أخذت تتأمل في ليل القاهرة الساحر.. إلا أن سمعت صوت يهمس بجوار أذنها:

- الجو اليوم بديع يا هانم.

لم يسبق لورد أن سمعت مثل هذا الصوت من قبل.. إلتفتت ونظرت.. من هذا الذي يقترب منها ويبدأ الحديث معها.. فهي لم تعتاد بعد على حياة القصور وحفلات السمر والتودد إلى الناس بهذه السهولة.. وقالت ورد وهي تنظر إليه بأستغراب:

- أهلاً وسهلاً.. سعادتك تعرفني.

رد أحمد بك حافظ:

- لا يا هانم للأسف مسبقش إنني تشرفت بسعادتك قبل كده.. لكن أحب أتعرف.

ابتسمت ورد:

- أنا أسمى ورد.. وأحياناً يلقبوني بالإمبراطورة.. وسعادتك مين.. متشرفتش باسمك.

رد أحمد بك حافظ:

- أنا أحمد حافظ.. وأحياناً يلقبوني بأحمد بك حافظ.. رجل أعمال وعضو بحزب الأغلبية.. أكون محظوظ لو كنتي سمعتي عني قبل كده.

ترددت كثيراً ورد في إجاباتها.. وأخذت تفكر لوهلة.. نعم الاسم ليس غريباً.. فقد سمعته ورد قبل ذلك عدة مرات.. تردد كثيراً في الأعلام.. إنه رجل معروف ومن أباطرة صناعة الأسمنت بمصر.. وعضو بارز في حزب الأغلبية.. ردت ورد وهي تمد يدها لتصافحه:

- صحيح يا أحمد بك.. أكيد سمعت عن سعادتك.. أنا معظم مشاريعي وتجارتني في المقاولات.. ومصنع سعادتك يمتلك أكبر خط إنتاج للأسمنت بالبلد.. ده طبعاً بخلاف شهرة ووضع سعادتك في الحزب.

لم يأخذ أحمد بك حافظ وقتاً طويلاً في التودد إلى ورد.. فما أسرع رجال الأعمال في عقد الصفقات.. أصبحت ورد بين ليلة وضحاها أكبر موزعي الأسمنت بالقاهرة الكبرى.. كان الهدف أن يتم عقد الصفقات والاتفاقات بين منتجي الأسمنت بمصر وتحديد حصص الموزعين.. على أن تكون ورد صاحبة الحصة الأعلى.. أحمد بك حافظ أبرز ممن يتحكمون بسوق مواد البناء.. تحديد الأسعار.. تحديد الكميات.. تعطيش السوق في بعض الأحيان.. وصل الأمر إلى إصدار القرارات المنظمة لعملية استيراد الأسمنت من الخارج ووضع رسوم إغراق عليها.. حتى يكون أحمد بك حافظ في مأمن هو وأصدقاءه من رجال الأعمال.. فهم يديرون الدفة حسب مصالحهم الشخصية.

زادت ورد من ثراءها.. أصبحت تتقن اللعبة جيداً.. تتعامل مع الكثير من رجال الأعمال ورجال الصناعة.. توددت أكثر فأكثر إلى أحمد بك حافظ.. تجمعهم الآن صداقة ومصالح مشتركة.. عرض عليها أحمد بك حافظ أن ترشح نفسها في انتخابات مجلس الشعب.

بقولك إيه يا ورد هانم:

- ليه مبتفكرش ترشحي نفسك بمجلس الشعب.. الأمور بالنسبة لك سهلة وبسيطة والنجاح مضمون.. المال موجود.. النفوذ موجود.. الحزب هيدعمك وأنا هساعدك أكيد في ده.. والأصوات موجوده.. حتى اليفط والدعاية ممكن تجهزها من دلوقتى لو حبه.

ضحكت ورد وقالت:

- معقول يا أحمد بك.. حتى اليفط جاهزة.

رد أحمد بك حافظ وهو يهز رأسه وينفخ دخان سيجارة الكوبي في الهواء:

- ليه لا.. تحبي تفوزي بنسبة أد إيه يا ورد هانم.. دى كمان أضمنها لك... تحبي ٩٣٪ مثلاً.. أعتقد نسبة معقولة.

ورد لم تأخذ الحديث بجدية كافية حتى الآن .. اعتقدت أن الأمر مجرد مزحه .. ضحكت ورد وقالت:

- ها .. ها .. ها .. لا لا مبحش رقم ٣ خالص يا أحمد بك .. خليها ٩٠٪ تبقى معقولة.

قال لها أحمد بك حافظ:

- خلاص تمام .. ابندي أرتب أنا .. ناجحة بإذن الله .. سيادة النائبة.

نظرت له ورد بإستغراب شديد وقالت:

- معقولة .. إنت بتتكلم بجد ولا إيه يا أحمد بك.

قال لها أحمد بك حافظ:

- ايوه بجد يا ورد هانم .. ليه بتقولي كده .. مش واثقة في أحمد بك حافظ ولا إيه.

ردت ورد وعلى وجهها ابتسامة بها بعض السخرية تعكس عدم إدراكها بعد لجدية الموضوع .. إنها مازالت غير مقتنعة بما يدور من حديث مع أحمد بيك حافظ عن ترشحها للإنتخابات:

- أنا فكرة سعادتك بتضحك مش أكثر .. مجلس الشعب ومضمون نجاحي كمان .. ! هجيب منين ناس ينتخبوني .. وفي أي دائرة .. معقول يا أحمد بيك الأمور بالبساطة دي ..؟

قال لها أحمد بك حافظ:

- أكيد مش بالبساطة دي يا ورد هانم لأي حد .. على العموم إحنا مش محتاجين ٩٣% أو ٩٠% مع إننا نقدر نعملها وكل شيء في إيدينا .. لكن إحنا عشان نضمن النجاح من أول دور وبدون إعادة أعتقد ٥٠% تكون كفاية جداً .. لأن مش هيكون أقل من مرشحين اثنين أو ثلاثة قدامك أبداً .. ومش محتاجين نصرف فلوس كثير على الفاضي .. إنتي واحدة مننا دلوقتي ودخولك مجلس الشعب هيفيدك وهيفدنا كمان .

قالت له ورد ومازالت ملامح الذهول تطغو على وجهها:

- أنا بجد لسه مش مصدقة .. معقول ده...!؟

قال أحمد بك حافظ:

- أنا هشرح لك بعض الأمور بس مش كلها في أسرار محدش لازم يعرفها .. الأصوات معروف ثمنها كام .. كل صوت بياخد مش أقل من ٢٠٠ جنية .. بالطبع في أقل من كده .. لكن انا مبحبش ادخل في رسك «مخاطرة» في المسائل دي بالذات لأنهم مش مضمونين .. كمان في مجموعة ممكن نجمع منهم بطايقهم وممكن نستخدمها أكثر من مرة حسب طبيعة اللجان .. وبترجعها لهم تاني يوم .. ومعانا مجموعة ثالثة بتغير محل إقامتها إلى محل إقامة داخل الدائرة الانتخابية بتعتك وبيكون ده في فترة قبل

الإنتخابات عشان محدش يلاحظ حاجة وغالبيتهم بيكونو من القرى والنجوع.. مع إن كل شيء بأيدنا.. بس أنا بحب كل حاجة تتعمل صح.. ودول بنتصرف ليهم بعدد من الشقق بالمنطقة بعقود إيجار.. وطبعاً في مجموعة بنديهم بعض المعونات.. يعنى الأشياء العينية.. بطاطين رز سكر.. ودول كثير قوي.. يعنى أضمن لك مش أقل من ٩٠ ألف صوت.. وإنتي الدايرة كلها على بعضها ٢٥٠ ألف صوت.. نسبة مشاركة نقول ٧٠٪ يعنى نجاحك مضمون.. أصواتك هتكون في حدود الـ ٥٠٪ أو أكثر شوية.. يا ترى قدرت أوصلك المعلومة.. أنا وضحت لك بصفة عامة لكن في أمور مش مهم تعرفيها دلوقتي وهيجي وقتها.

ردت ورد في دهشة من أمرها:

- معقول.. معقول كل ده بيحصل.

قال أحمد بك حافظ:

- أُمال معناه إيه حزب الأغلبية يا ورد هانم.. وضحك بصوت عالي ها.. ها.. ها.

- على فكرة فكرتيني.. في مناقصة توريد قطع غيار للمصنع من ألمانيا.. حبك تدخلي فيها.. ربحها معقول.. والأمور أنا مظبطها علشانك.. مش أقل من ٥٠ مليون يورو.. ونتحاسب بعدين.



أيام صعبة

رن الهاتف في ساعة متأخرة من الليل بفيلا ورد .. استيقظت
ورد من نومها .. رفعت سماعة الهاتف:

- مساء الخير يا فندم .. مع حضرتك النقيب شريف
المصري الطابط المناوب بقسم شرطة قصر النيل .. في بلاغ عندنا
بحادث سيارة .. سيارة مقلوبة على الكورنيش .. الدورية إتعرفت
على اسم قائد السيارة من البطاقة الشخصية ورخصة القيادة ..
اسمها رقية .. والعنوان على فيلا حضرتك.

ردت ورد على الفور:

- رقية .. خيرا حضرة الطابط حصل لها حاجة.

رد الطابط شريف المصري:

- هي دلوقتي انتقلت لمستشفى الإمام الدولي .. ومعها بنت
تقريباً في نفس عمرها كانت جنبها بالسيارة .. حضرتك إطمني
عليها الأول بالمستشفى .. وبعدين تتفضلي تشرفينا في قسم قصر
النيل .. لأن أخت حضرتك والبنت إللي معاها كان معاهام زجاجة
خمرة بالسيارة .. ومرجح إنهم كانوا في حالة سكر وقت وقوع
الحادث .. ومنتظرين تقرير المستشفى.

أغلقت الهاتف وعلى الفور ارتدت ورد ملابسها .. اتصلت
بالأستاذ عادل السلاموني المحامي:

- أيوه يا أستاذ عادل .. اسمعني كويس رقية اتقلبت بيها
العربية .. ولسه ظابط مكلمني حالاً من قسم شرطة قصر النيل ..
أنا هروح دلوقتي على مستشفى الإمام الدولي أظمن على رقية ..
وانت اطلع على قسم شرطة قصر النيل شوف إيه الموضوع .. الظابط
بيقول إنها احتمال كانت سكرانة وهي بتسوق وكان في واحدة معاها
كمان بالعربية .. أنا مش فاهمه إيه الحكاية .. بس ياريت يا أستاذ
عادل خلى الأمور تحت السيطرة مش عوزة حد يعرف أي حاجة عن
الموضوع ده .. وشوف ممكن نكلم مين بالداخلية عشان نلم الموضوع ..
أنا مش عوزة شوشرة .. الله يستر بس .

دقائق معدودة ووصلت ورد إلى مستشفى الأمام الدولي ..
رقية دخلت غرفة العمليات فور وصولها .. لديها إصابات متعددة
في الصدر والرقبة .

جلست ورد مع طبيب مختص بالمستشفى ليشرح لها حالة
أختها رقية:

- دي حضرتك إصابة في القفص الصدري والرقبة .. وبعض
الردود في أنحاء متفرقة من جسمها .. المهم دلوقتي بيحاولوا

يوقفوا النزيف الداخلي.. ويعملوا اللازم.. لكن اطمني حضرتك
إن شاء الله الأمور بسيطة متقلقيش.

ثلاث ساعات داخل غرفة العمليات.. مرت على ورد في
غرفة الانتظار كأنها دهر.. أخيراً خرج فريق الأطباء من غرفة
العمليات.. سارعت ورد إليهم تستوقفهم.. تحاول أن تفهم أي شيء
منهم.. قال لها رئيس الفريق الأستاذ الدكتور مجدي الإمام مدير
المستشفى:

- الحمدلله إحنا عملنا إللي علينا ووقفنا النزيف.. اتفضلي
حضرتك بالمكتب أنا جى حالياً.

جلست ورد بغرفة مدير المستشفى.. ماهي إلا لحظات ودخل
الأستاذ الدكتور مجدي الإمام:

- شوي يا ورد هانم.. الحمدلله زي ما قلت لحضرتك وقفنا
النزيف والإصابة كانت قريبة جداً من العمود الفقري.. لكن ربنا
ستر والحمدلله.. أمورها طيبة لكن هتقعد عندنا فترة بالمستشفى
لأن في ضلعين مكسورين.. والباقي كدمات مفهش أي مشكلة..
اطمني وأحمدي ربنا الحادثة كانت كبيرة مش صغيرة.. البنت
إللي جت معاها حالتها أصعب من رقية بكثير لكن الحمدلله هي
دلوقتي أحسن شوية.. على فكرة في نقطة لازم تعريفها.. نسبة

الكحول في تحليل الدم إلهي عملناه عالية جداً .. أنا بتكلم طبعاً بالنسبة للأنسة رقية وكمان البننت إلهي جت معاها في الحادث .. أنا حبيت أبلغك بالموضوع ده بيني وبينك .. لأن عادة قسم الشرطة بيطلب تقرير عن الحادث .. إحنا طبعاً مش هنقدر إلا أننا نزودهم بالتقارير كلها عن الحالة .. بس حبيت أبلغك تكوني عملة حسابك . ردت ورد وهي تحاول أن تأخذ بعضاً من أنفاسها وتقلل توترها :

- الحمدلله .. الحمدلله .. لا تمام يا دكتور أنا هتصرف في النقطة دي .. أهم حاجة بس رقية تقوم بالسلامة .

كان في ذلك الوقت الأستاذ عادل السلاموني المحامي قد وصل إلى قسم شرطة قصر النيل .. توجه مباشرة إلى مأمور القسم .. اتصل باللواء الغندور صديقة بالداخلية يحاول بقدر الإمكان التكتم على هذا الحادث وعدم تحرير محضر بالواقعة .. خاصة عندما علم أن هناك شكوك في كون رقية ومن كانت معها في حالة سكر .. القصة إن وصلت إلى الصحافة وخاصة الصحافة المعارضة ستكون مشكلة كبرى .. ورد مرشحة لعضوية مجلس الشعب .. والانتخابات على الأبواب .. وأي خبر مهما كان بسيط عن الحادث سوف يسيء لها بلا أدنى شك .

بالفعل نجح الأستاذ عادل السلاموني المحامي في التكتّم
على الحادث وخرج من قسم شرطة قصر النيل.. وتوجه إلى
مستشفى الإمام الدولي.

عبادة وصل للتو إلى المستشفى ليجد رقية في غرفة العناية
المركزة.. ذهب على الفور إلى غرفة مدير المستشفى.. ليجد
ورد جالسة هناك مع مدير المستشفى.. جلس عبادة معهم بضع
دقائق.. ثم استأذن الأستاذ الدكتور مجدي الإمام:

- طيب استاذن أنا أمر على المستشفى وخذوا راحتكم..
ويا أستاذ عبادة أنا شرحت لورد هانم كل التفاصيل.. متقلقوش
الأمر طيبة.

قالت ورد وعيناها مليئة بالدموع:

- شفت إللي حصل.. شفت إللي حصل يا عبادة.. رقية
لسه صغيرة وتعمل حادثة بالشكل ده.. كسر بالضلوع.. والنصيبة
أنها كانت سكرانه.. من إمتى إحنا نعرف طريق الخمر والكلام
الفاضي ده.. دي أمور ميتسكتش عليها يا عبادة.. لازم يكون لينا
وقفه مع رقية بس تقوم بالسلامة.

طب طب عبادة على كتف أخته ورد وضمها وقبّل رأسها:

- الحمدلله جت على أد كده.. العريية مدمرة.. الحادثة
مكنتش سهلة.. ربنا يقومها بالسلامة.

ردت عليه ورد :

- الحمد لله الحمد لله قدر ولطف.. آه صحيح عوزين نعرف مين يا عبادة إللي كانت معاها بالعربية.. عوزين نعرف دي مين وإيه حكايتها.. مش عوزين شوشرة على رقية.

طرق الباب الأستاذ عادل السلاموني المحامي:

- السلام عليكم أستاذ عبادة.. إزيك يا ورد هانم.. معلش قدر الله وما شاء فعل.. أنا على العموم ظبطت كل حاجة بقسم شرطة قصر النيل.. محدش خد خبر بالحادثة ومفيش محضر.. بس لازم نعرف مين البنت دي إللي كانت مع رقية بالعربية بسرعة.. نراضي أهلها باي شكل.

قالت ورد :

- الدكتور فعلا بلغني من شوية إن البنت دي موجودة هنا بالمستشفى.. أنا لسه كنت بتكلم مع عبادة بالموضوع ده.. شوف إنت الموضوع يا أستاذ عادل.. إحنا مش فايقين خالص.. موضوع رقية ده مش سهل.. ربنا يشفيكي يا أختي.. ويسامحك.

قال الأستاذ عادل السلاموني المحامي:

- أنا هنزل تحت أشوف في إدارة المستشفى مين البنت دي.. وهعمل اللازم.

ردت عليه ورد :

- لو احتاجت أي مصاريف علاج يا استاذ عادل مفيش مشكلة وحتى لو تراضي أهلها .. أهم حاجة مش عوزين محاضر ولا أي شئى .. إنت عارف خلاص الإنتخابات على الأبواب .

قال الأستاذ عادل السلاموني المحامي:

- متقلقيش يا ورد هانم .. أنا هعمل اللازم .

رقية تلك الفتاة البسيطة التي بدأت حياتها في غرفة فوق سطح المطعم لم تكن طبيعتها تختلف كثيراً عن طبيعة ورد في فترة طفولتها حتى صباها .. نعم بحكم سنها الصغير كانت تتلقى حباً وعطفاً أكثر من والدها شحثة الراوي ومن أختها ورد .

ورد تشعر دائماً بالمسئولية تجاه أخواتها على الرغم من كون أخوها عبادة الآن شاب في مقتبل العمر ويشاركها في مجال التجارة .. ومسئول عن بعض شركاتها المتخصصة في مجال العقارات ومواد البناء .. وأختها رقية كبرت الآن لم تعد تلك الفتاة الصغيرة .. وحجم المسؤوليات الملقاة على عاتق رقية ليس أيضاً بالأمر اليسير .. فهي تدير مطعم ومحلات الإمبراطورة في شارع منصور .

ورد لم تشعر يوماً بالإرتياح لطريقة تفكير أختها الصغرى رقية أو تطلعاتها.. لكنها كانت تقول في سيرتها « بكرة تكبر وتعقل وتعرف الدنيا مشيه إزاي» فقد تغيرت كثيراً رقية منذ أن بدأ مطعم الإمبراطورة يجلب المال الوفير ويتوسع ليمتلك معظم محلات شارع منصور.. ثراء ورد وأخواتها.. انعكس سلباً على تصرفات رقية.. تغيرت بعض الشيء في طريقة تعاملها مع الآخرين.. عمال المطعم.. الطباخين.. الصبيان.. تعامل فيه شيء من الغلظة.. نعم قد يكون من الطبيعي أحياناً التعامل مع المرؤسين بالشدّة والحزم لتسيير أمور العمل.. لكن لم يكن تصرف رقية نوع من الشدة أو الحزم بقدر ما شعرت ورد بأنه نوع من التعالي والتكبر الذي يصل أحياناً إلى الغطرسة والتفوه بألفاظ نابية بصفة دائمة.

رقية دائماً ما تتباهى بالمال والثروة التي باتت تعيش بها هي وأخواتها.. كانت تنفق دون حساب بلا وعي.. اجتذبت أصدقاء انتهازيين.. وطاف في فلكها الكثير من المنتفعين.. يحاولون أن يعطوها هذا المجد الزائف التي تتطلع إليه.. والفخر بحسبها ونسبها.. كما كانت تدعي وتخفي حقيقتها المتواضعة.. إنها ابنة الفلاح البسيط وعامل المطعم شحّته الراوي.. كانت تختبئ وراء المال.. تتوارى خلف قناع مزيف.

كان من الواضح أن رقية تعاني من حالة نفسية ما .. إحساسها وهي صغيرة بالضعف والمهانة كونها ابنة شحثة الراوي العامل بمطعم الشامي .. تعاملها مع زميلاتها بالمدرسة لكونهن على علم بمستواها الاجتماعي المتواضع .. فصديقاتها دائماً ما يقصدون إحراجها والتعالي عليها في أي فرصة سانحة .. شعرت رقية من صغرها بعقدة النقص تلك .. أصبحت تطاردها إلى الآن .. لا تستطيع التخلص منها .

هل الفقر أحياناً رادع للنفس البشرية .. ؟! مهذب لشهوات الإنسان وتطلعاته .. ؟! هل المال إن قل أو كثر يغير في طبيعة البشر .. ؟

أسئلة كانت تطرحها ورد ولن تجد لها إجابة .. كانت تخشى من تغيير في سلوك وتصرفات رقية إلى أبعد من ذلك .. وأن يأخذها إلى طريق مظلم .. فهي لم تكن أبداً تلك الفتاة التي تشاهدها ورد الآن .. لقد تغيرت رقية كثيراً .. أصبحت في خطر حقيقي .

ازداد قلق ورد يوماً بعد يوم في الفترة الأخيرة على أختها رقية .. خاصة بعدما ابتعدت ورد عن أعمال المطعم وبدأت تتبته لعملها في هذا الوسط الجديد .. وسط رجال الأعمال الذي شغلها كثيراً .. وأعطت أختها رقية جميع الصلاحيات لتدير محلات

الإمبراطورة.. لكن كانت ورد من وقت لآخر تتابع عن طريق الهاتف أعمال مطعم الإمبراطورة.. ودائماً ما تلاحظ انصراف أختها رقية مبكراً عن مواعيد إغلاق المحلات.

رقية تسهر كل ليلة مع مجموعة من صديقاتها.. لم تكن رقية تعرفهن من قبل.. لكنهم تودود إليها مؤخراً وأصبحوا يلازمونها في كل سهراتها.. رقية تنفق ببذخ.. فهي الآن تملك الكثير من المال.

وقع لرقية ما كانت تخشاه ورد.. تهورها واستهتارها في الفترة الأخيرة.. الحادث الأليم الذي تعرضت له رقية.. من الممكن أن يكون انذار لها و انذار لورد وعبادة.. على ورد الآن الانتباه لأختها رقية أكثر من ذي قبل.. انشغال ورد بأعمالها قد انعكس بالسلب على رعايتها لأخواتها.. حتى لو كان أخواتها في ريعان الشباب.. فما زالت هي الأخت الكبرى المسؤولة عن أخواتها.. وخاصة أختها رقية.

ما هي إلا بضعة أيام وخرجت رقية من المستشفى بصحة جيدة.. رحبت بها ورد في بادئ الأمر.. لكن ورد لن تصمت كثيراً.. فما عانته في الفترة الأخيرة خلال تواجد أختها رقية بالمستشفى لم يكن بالشيء الهين.. نهرتها ووبختها بشدة:

- إنتي إيه يا رقية.. إنتي مش حاسه إللي إنتي فيه.. سهر كل ليلة.. ومصاحبة ناس عمرنا ما شفناهم ولا عرفناهم.. ناس

مش شكلنا خالص.. اتتي نسييتي نفسك ولا إيه.. إنتي نسييتي إنتي بنت مين.. شحته الراوي فكرام.. فكرة أول ما جينا مصر.. كنتي بجلبية مقطعة ومسكة في جلبية أبوكي.. نسييتي.. أوعاكي تتسي أصلك.. مش عشان ربنا إدانا وأكرمنا يبقى خلاص هنبعزق فلوسنا في السهر والكلام الفارغ.. وتعالى قولي لي هنا إيه حكاية الخمرة دي.. كمان خمرة يا رقية.. خمرة...!

لم تتفوه رقية بأي كلمة.. كانت صامته.. منحنية يعلو وجهها الخجل.. تستمع إلى كلمات أختها ورد.. فقط تنصت وتهز رأسها. رقية تعي تماماً كل كلمة قالتها أختها الكبرى ورد.. شعرت بخطئها.. تأسفت لورد كثيراً وقالت:

- أنا عرفه وفهمه كل إللي إنتي قلتيه.. أنا آسفه يا ورد.. آسفه بجد إنني محترمتش ذكري أبونا ولا أصلنا الطيب.. لكن يا ورد أنا كان نفسي أعيش.. بجد أعيش وأجرب يعنى إيه فسح وسهر.. عيشة ولاد الذوات.. متزعليش مني يا ورد.. خلاص الحمدلله إن ربنا نجاني من الحادثة دي.. ده كان انذار.. وانذار شديد إنني مش مشية في الطريق الصح.. متزعليش مني يا أختي. ارتمت على صدر ورد.. احتضنتها ورد والدموع تنهمر من عينيها وقالت:

- حبيبتي يا رقية انا بكلمك عشان مصلحتك.. والحمدلله
إنك عرفتي إن طريقك كان غلط.. انتبهي لحالك وشوفي شغلك..
والحمدلله ربنا ستر.

ورد ما زالت منشغلة بعالمها الجديد.. وهي تعرف الأيام جيداً..
لا تعطي كل شيء.. فكما أعطت لورد المال والسلطة والنفوذ.. أخذت
منها أيضاً الغالي والنفيس.. والدها شححة الراوي وقبل ذلك والدتها
شوقية.. وأيضاً حب حسام الذي لا ينسى.

لقد خرج حسام من حياتها.. بقرار منها.. لكن ما زال حبه
يغزو قلبها.. حاولت أن تبحث عنه في كل مكان.. لكن أخباره قد
انقطعت منذ آخر لقاء بينهما.. كل ما وصل إليها من أخبار هو
وفاة والده أبو يوسف.

كم تمنى ورد أن تجد حبيبها حسام.. كانت مخطئة عندما
قررت أن تتعد عنه.. كان قراراً غير صائب ندمت عليه ورد أشد
الندم.. حسام هو الرجل الذي ملأ قلبها بالحب.. وعاشت معه
أجمل اللحظات.

في الليل عندما تغفو ورد إلى النوم.. يأتي فارس الأحلام..
حسام على فرسه الأبيض.. يأخذها بعيداً وسط السحاب.. يقبل
يديها يحتضنها.. يرقصان بين النجوم.. خلف السحب وسط

الغيوم.. تنام على صدره حتى بزوغ الفجر.. تستيقظ من نومها..
تبحث عن حسام بجوارها على فراشها.. تتحس أن كان ما زال هنا
حولها.. لحظات تعيشها ورد كل ليلة.. إنه الحلم الجميل.. الذي
يأتيها في منامها.. حلم قد أضاعته.. ويا ليته يعود.

العصفور تأخر كثيراً لم تراه ورد منذ سنوات.. إنه صديقها..
إنه البشري.. الأمل الذي تنتظرة يأتي على جناحية.. في زقزقته
حديث ووعده بلقاء الحبيب.. أين أنت أيها العصفور..؟

ورد من وقت لآخر كانت تترك سيارتها وترجل في نفس
المكان التي كانت تواعد به حسام.. شارع التحرير أمام مكتب
بريد باب اللوق.. شارع شريف.. ناصية شارع عدلي.. هنا كانت
تقف معه.. وهنا كان يمسك يدها ليضمها إلى صدره.. هنا كانا
يأكلان الأيس كريم.. وهنا كانت خطواتهم تتباطأ.. ظناً منهما أن
عقارب الساعة تستجيب لأمنياتهم.. لتتباطأ هي الأخرى وتتبع
خطواتهم.. كانا يداعبان ظلهما.. وكم من مرة داعب حسام
ضفائر شعرها الأحمر.. وكم من مرة ضمها في أوقات الشتاء..
هنا تبللت معاطفهما القديمة.. تحت تلك الشجرة رسماً قلباً
صغيراً لم يمحه الزمان.. الأنفاس ما زالت عالقة بالمكان.. كل
خطوة مشوها ظلها ما زال هنا.. الكلمات صداها لا يزال بين
الجدران.. حتى وجوه المارة كما هي لم تتبدل منذ أن كانت هنا

هي وحسام.. شعرت بأن عيون المارة تمتلأ بكثير من الأسئلة
وبعضاً من الحيرة.. أنهم ينظرون إليها.. نعم يعرفونها.. نعم تلك
هي الفتاة.. تلك هي ورد.. أين يا ترى حبيبها حسام.. إلى أين
وصلت قصة حبهما.. لا أحد يعرف.. ورد أيضاً لا تعرف.. لقد
أضاعت حبهما.. وأغلقت قلبها من وقت بعيد.

تعود ورد مرة أخرى إلى سيارتها.. تذهب إلى الفيلا..
تفتح باب غرفتها.. تستلقي على فراشها.. تحتضن وسادتها..
تغمض عينيها.. ما زالت الأسئلة حائرة.. أين حسام..؟ أين حبهما
الضائع..؟ إلى أن تخلد في نوم عميق.



سيادة النائبة

أحمد بك حافظ على حق.. لقد نجحت ورد بالانتخابات
البرلمانية.. أصبحت اليوم نائبة بمجلس الشعب.. هناها الجميع..
حفل صاحب في فيلا أحمد بك حافظ.. دعا به كل رجال الدولة
وأعضاء الحزب.. احتفاءً بالنائبة الجديدة ورد.

الآن الأبواب تفتح على مصراعها.. لا أحد يقف في وجه
النائبة ورد.. ازدادت قوة ونفوذاً.. الحصانة البرلمانية.. وتجارها
الناجحة.. ومعارفها من الوجهاء ورجال الأعمال ورجال الحزب
الأقوياء.. أنه المال والسلطة والنفوذ كما أرادت.

صعدت ورد السلم سريعاً.. لم تمهل نفسها بعض الوقت
لتفكر.. فالخطوات تتسارع.. خطوة تلو الأخرى.. والطريق
مفروش بالورد.

بالأمس القريب كانت فتاة بسيطة صاحبة عربة مأكولات..
ثم صاحبة مطعم الإمبراطورة ومحلات شارع منصور.. شركات
المقاولات.. شركات مواد البناء.. توزيع الأسمت.. البورصة..
صفقات بملايين الدولارات.

مع مطلع شمس كل يوم جديد تزداد ورد ثراء وسلطة ونفوذاً ..
لقد حققت كل ما تتمناه ومالم يخطر على بالها يوماً ما .. فقد
آتتها الدنيا بالكثير .. لقد أصبحت امرأة ثرية قوية وذات نفوز ..
لكنها مازالت امرأة بلا حب امرأة بلا قلب .

افتقدت حسام كثيراً .. حبها الوحيد .. الذي لم ولن تتساه
أبداً .. لم تتس أيضاً ذلك العصفور الذي كان يأتي مغرداً .. مبشراً
بلقاء حبيبها حسام .. افتقدت كل شيء جميل .. تلك المشاعر ..
تلك الأحاسيس .

أصبحت ورد واحدة من الوجوه المألوفة بالمجتمع الراقى ..
تقف في الصفوف الأولى بين الصفوة من رجال السياسة وأصحاب
الأعمال .. على الرغم من ذلك لم تتس ورد يوماً أصلها الريفي
البسيط .. كانت دائماً تتذكر غرفتها الصغيرة على سطح المطعم ..
وأيام جلست تستذكر دروسها على الطاولة الصغيرة وراء الباب ..
أيام كانت تذهب إلى المدرسة بحذاء ممزق هزيل .. وشنطتها
الصغيرة التي تمتلأ بالثقوب أكثر مما تمتلأ بالكتب والكراريس .
ورد تمتلك كثيراً من التناقضات .. فهي امرأة قوية .. حازمة ..
ثرية .. صاحبة سطوة ونفوذ .. و في نفس الوقت .. هي البنت
الريفية .. البنت البسيطة .. صاحبة القلب الذي أحب .. إنسانة
صنعتها الظروف والأحداث .. لم تتطلع يوماً إلى الثراء أو إلى

السلطة والنفوذ.. بالقدر التي كان كل ما يدور بخاطرها وتحلم به.. أن تعيش على القليل هي وأخواتها.. مستورة الحال.

صعود نجم ورد المتسارع.. لم يكن إلا واجهة لأشخاص آخرين.. استخدموا ورد كدمية.. كوجه يختبؤون خلفه.. ليلعبوا من خلف الستار بكل حرية واطمئنان.. الصفقات المشبوهة.. وطلبات الاستيراد من الخارج.. كانت تدخل جميعها تحت اسم شركات الإمبراطورة.. والمستفيد الأكبر ليست ورد.. بل أصحاب النفوذ من وراء الستار.. كان يمثلهم أحمد بك حافظ.

ورد تشعر بشيء ما يدور خلف الكواليس.. لكنها مجرد شكوك لم تبارح تفكيرها منذ أن دخلت عالم السياسة وعالم رجال الأعمال والصفقات.. لكنها إلى الآن مجرد شكوك.. إحساس ما لم يصل بعد إلى حد اليقين.

عبدة شطا.. المخلص الجمركي لشركات الإمبراطورة.. حضر اليوم إلى مكتب ورد.. لأخذ بعض توقعاتها على بيانات الاستيراد الأخيرة لقطع الغيار المطلوبة من ألمانيا.. كانت صفقة من ضمن الصفقات التي أحضرها لها أحمد بك حافظ.. وفازت بها شركة الإمبراطورة للتوريدات.

وقعت ورد كعادتها على بعض المستندات سريعاً .. حتى لفت نظرها في بعض بيانات الاستيراد .. إن بلد المنشأ ليس ألمانيا كما هو متفق عليه .. المنشأ من أوزباكستان .. شيئ غريب حتى بيانات البضاعة المستوردة ليست مطابقة لمتطلبات العميل .. في الأمر شيء ما .. لم ترتسم علامات الاستغراب على وجهها .. فهي غير مسموح لها أن تقرأ شيئاً .

أخبرت عبدة شطا أن يجلس قليلاً حتى تنتهي من اجتماع مجلس الإدارة المنعقد الآن في الجهة الأخرى من الغرفة على طاولة الاجتماعات .. استأذنت ورد من عبدة شطا وجلست بالاجتماع .. في أثناء ذلك خرج عبدة شطا من مكتب ورد لعمل اتصال هاتفي من مكتب السكرتارية .. لقد نسي وترك الملف على مكتب ورد .. على غير عادته .. فدائماً ما كان حريصاً جداً في هذا الأمر .. يقف بجوار ورد خلال التوقيع .. يعطيها المستند تلو الآخر لتوقيعه حتى لا تقرأ ورد أي من محتوى تلك المستندات .. المطلوب منها التوقيع فقط .. هكذا هي أوامر أحمد بك حافظ .. انتهزت ورد هذه الفرصة فهي لن تتكرر مرة أخرى .. أخذت ورد الملف وقامت بتصويره بأقصى سرعة .. وأعادت الملف الأصلي مكانه .. تذكر عبده شطا أنه ترك الملف في مكتب ورد .. عاد مسرعاً إلى المكتب .. ليجد الملف مكانه .. وورد ما زالت على طاولة الاجتماعات .. اطمئن بأن أحداً لم يلاحظ وجود

الملف.. أخذ عبده شطا الملف وذهب إلى مكتب السكرتارية ليكمل مكالمته الهاتفية.

أنهت ورد الاجتماع وغادرت المكتب مع بعض أعضاء مجلس الإدارة.. اتصلت بالسكرتارية لتقديم الاعتذار لعبده شطا نظراً لإنشغالها.. على أن يحضر صباح الغد لإستكمال توقيع المستندات. قرأت ورد الصورة التي معها من ملف الاستيراد بعناية ودقة أكثر من مرة وهي بالسيارة في طريقها إلى البيت.. لم ترتاح ورد لما قراءته.. فبعض البيانات غير صحيحة.. بلد المنشأ مختلف.. بيانات البضاعة مختلفة.. حتى التصاريح والموافقات والتصديقات من الغرفة التجارية بها اختلافات كثيرة.. اتصلت على الفور من سياراتها بالأستاذ عادل السلاموني المحامي:

- ألو أستاذ عادل.. محتجاك ضروري تيجي ليا على الفيلا دلوقتي.. بسرعة لو أمكن.. أيوه.. شيء ضروري.

حضر الأستاذ عادل السلاموني المحامي إلى فيلا ورد.. أطلعتة ورد على صورة الملف.. قصت له القصة بالكامل وبعض تعاملاتها التجارية مع أحمد بك حافظ.. كان هذا العمل بين ورد وأحمد بك حافظ.. لم يطلع عليه الأستاذ عادل السلاموني المحامي من قبل.

قال لها الأستاذ عادل السلاموني المحامي:

- ورد هانم.. لا فعلا.. واضح إن الموضوع مش طبيعي.. الأوراق دي فيها شيء مش مضبوط.. على العموم منستعجلش في الحكم.. أنا هاأخذ الملف بالكامل وأدرسه.. وأنا عندي واحد صحبي كان شغال بالجمارك.. ويفهم بالمواضيع دي كويس قوي. ردت عليه ورد وهي رافضة لما يقول:

- لا لا يا أستاذ عادل.. مش عوزة الموضوع حد غيرنا يطلع عليه.

قال لها الأستاذ عادل السلاموني المحامي:

- لا متقلقيش يا ورد هانم ده صديقي وبعدين كان شغال بالجمارك والآن هو متقاعد.. ورجل أضمنه برقبتي.. بس هو فاهم وهيفدنا كثير.

- على فكرة حولي تأجلي موضوع استكمال توقيعك على المستندات دي شوية على قد ما تقدري.. لحد ما نفهم إيه إللي بيحصل بالضبط.

اتصلت ورد صباحاً بسكرتارية مكتبها.. وجهت بضرورة الاتصال بعبده شطا وابلأغه بأنها مشغولة طول اليوم خارج المكتب.. ممكن إن يحضر على آخر الأسبوع لتوقيع المستندات.

أبلغت السكرتارية عبده شطا في ذلك اليوم حسب تعليمات ورد .. لم تتأخر ورد من قبل في التوقيع على أي مستندات تخص أوامر الاستيراد الخاصة بأحمد بك حافظ .. استغرب عبدة شطا الأمر .. ورد للمرة الثانية على التوالي تقدم الأعدار .

اتصل عبده شطا بأحمد بك حافظ وقال له :

- ألو صباح الخير أحمد بك .. أنا رحت لورد هانم أوقع منها بعض المستندات الخاصة بأوامر الاستيراد للعملية الأخيرة .. عملية ألمانيا .. حسيت أن ورد هانم بتتهرب مني .. بقالي يومين بحاول أقابلها عشان تستكمل التوقعيات وبتعتذر .. والنهاردة بلغوني سكرتارية مكتبها أروح لها على آخر الأسبوع .. حبيت أبلغ سعادتك وتكون على علم .

قال أحمد بك حافظ :

- تمام تمام يا شطا .. مع السلامة إنت دلوقتي .. انا هتصرف .. مع السلامة .



تجارة غير مشروعة

اتصل الأستاذ عادل السلاموني المحامي بورد:

- نعم يا ورد هانم.. شكك في محلة.. أنا جيلك بالطريق.. سلام.

نزلت ورد من على سلم الفيلا مسرعة.. كانت في قلق شديد من المكالمة الهاتفية التي تلقتها من الأستاذ عادل السلاموني المحامي.. ورد تنتظرة على أحر من الجمر.. جلست على المقعد بالهول الكبير بالدور الأرضي للفيلا.. وما أن لاحظت خيال يقترب من باب الفيلا الزجاجي.. حتى توجهت مسرعة لتفتح الباب.

فتحت الباب على غير عاداتها.. لم يضرب جرس الباب.. إنه هو الأستاذ عادل السلاموني.. قالت له:

- خير يا أستاذ عادل في إيه.

رد الأستاذ عادل السلاموني المحامي وتعلو وجهه ابتسامة رقيقة يخفف بها قلق ورد وتوترها وقال:

- ورد هانم ليه متوترة كدا.. ندخل الأول مش هينفع الكلام هنا على الباب.

قالت ورد وهي تغلق باب الفيلا:

- اتفضل اتفضل يا أستاذ عادل.. أنا آسفه لكن مكالمتك
قلقتني قوي.. خرينا نجلس بحجرة المكتب أفضل.

جلس الأستاذ عادل السلاموني المحامي:

- إحنا طبعاً لسه منعرفش طبيعة العملية بالظبط..
لكن واضح إن الناس إللي إنتي شغالة معاهم بيدخلوا حاجات
تاني وبيبدلو الشحنات.. معظم البضاعة جيه من دول الاتحاد
السوفيتي السابق.. منعرفش بالظبط ايه هي.. بس واضح إن
الموضوع كبير.. وبيستغلو اسمك واسم شركاتك وبيدخلوا البضاعة
على إنها توريدات وقطع غيار لآلات بالمصانع.

ردت ورد منزعجة من تلك المعلومات:

- معقول يا إستاذ عادل.. إنت كده قلقتني زيادة.. أنا كنت
فاكرة إن الموضوع تهرب من الجمارك مش أكثر.

رد الأستاذ عادل السلاموني المحامي:

- لا يا ورد هانم.. فعلاً الموضوع كبير.. ومش عاوز أخوفك
بس واضح أنه بيمس أمن البلد.. لو عوزة نصحتي.. أنا هعرض
الأمر برمته على مسئول كبير في جهة سيادية ونشوف هيقول إيه.

ردت ورد وهي مندهشة من هذا الحديث:

- تمام يا أستاذ عادل.. بس بلغني أول بأول بأي تطورات..
مش عوزين نتسرع وتكون شكوكنا مجرد وهم.. فاهم يا أستاذ
عادل.. الناس دي كبيرة قوي وممش سهلة.

رد الأستاذ عادل السلاموني المحامي:

- تمام يا ورد هانم فاهم مش محتاج تشرحي ليا هما
مين.. أنا عارف كويس أنا هعمل إيه.. مع السلامة.

غادر الأستاذ عادل السلاموني المحامي.. جلست ورد تفكر
بما قاله.. عادل السلاموني.. إنه يكاد يجزم أن في الأمر شيء
مريب.. أمن البلد.. يعنى إيه بيهمس أمن البلد.. ربنا يستر.. أنا
عمري ما تصورت أن يكون الموضوع بالخطورة دي.

رن جرس الهاتف.. ردت ورد:

- ألو.. أهلا أحمد بك.. بقالي كام يوم مسمعتش صوتك.

رد أحمد بك حافظ:

- نقدر نقعد مع بعض شوية بكرة يا ورد هانم.

ردت ورد:

- أهلا بيك في أي وقت يا أحمد بك.

قال أحمد بك حافظ:

أحسن نتقابل بره.. نتغدي بكرة سوا مع بعض.. اعتقد
سيمراميس كويس.

ردت ورد:

- أوكى أحمد بك وهو كذلك.. مع السلامة.

أغلقت ورد الهاتف.. واضح إن أحمد بك سيتكلم معها في
موضوع توقيع مستندات الإستيراد.. بالتأكيد عبدة شطا أخبره
بأن المستندات لم توقع بعد.

باتت ورد ليلتها وعقلها ما زال يفكر في أمر تلك المستندات..
هل بالفعل هناك شيء ما بهذه الخطورة.. أمن البلد يعنى أن
هناك مخدرات أو أسلحة.. هل هذا يعقل.. أن أحمد بك حافظ
وأصدقاءه من رجال المال والسياسة.. هل من الممكن أشخاص
بهذا الثقل السياسي والمادي أن يكون لهم معاملات بهذا الشكل..
صعب.. صعب..!

لم تصدق ورد هذه الكلمات التي تدور بعقلها.. فهي إلى الآن
مجرد شكوك ليس إلا.. فغدا لناظره قريب.. سيعرف الأستاذ
عادل السلاموني المحامي كل شيء ويبلغها.. تمننت ورد أن تكون
تلك الهواجس مجرد شكوك ولا تمس للواقع بأي صلة.. فإن ثبت

خطورة الموقف ستكون متورطة في هذا الأمر لا محالة .. فجميع الشحنات تدخل للبلاد باسمها واسم شركاتها .

على طاولة تطل على النيل جلست ورد وأحمد بك حافظ في المطعم الإيطالي بفندق سيمراميس .. يتبادلان الحديث بصفة عامة عن العمل وعن المستقبل والصفقات الجديدة .

ورد الآن على يقين بأن الحديث اليوم سيكون ملتهباً بعض الشيء .. فمن طبيعة أحمد بك حافظ .. أن لا يتكلم في الموضوع الأساسي بشكل مباشر في أول اللقاء .. هو رجل أعمال محنك .. يحاول دائماً أن يعطي انطباع بأن الحديث في عموم الأشياء .. ولكنه يخفي حقيقة اهتمامه بما جاء من أجله .. توقيع مستندات استيراد شحنة ألمانيا .. نعم قد يفسد هذا الموضوع الصفقات القادمة .

في خضم الكلمات والحوار والضحكات .. كشف أحمد بك على حقيقة وأسباب اللقاء اليوم وقال في سؤال مباغت يخفى بعض القلق :

- ورد هانم .. ليه موقعتيش مستندات استيراد شحنة ألمانيا لحد دلوقتي .. في شيء معين ممكن أفهمه .. يا ريت نتكلم بصراحة ...!؟

ردت في كلمات منمقة:

- لا أبداً أحمد بك.. انشغلت بس.. ومرحتش المكتب من يومين.. ده كل الموضوع.. بس ليه يا أحمد بك مهتم قوي بالشحنة دي بالذات.

رد أحمد بك وهو يشعل سيجاره الكوبي.. وارتسمت بعض الراحة على وجهه:

- لا أبداً بس بحب تكون مواعيدنا مضبوطة.. وانت عارفة موضوع الشحن كل ما يكون بدري بيكون أفضل.. طالما البضاعة جاهزة في ألمانيا.. ليه نتأخر في الشحن.. وانت عرفة في غرامات تأخير.. مش عوزين ندخل في أي مشاكل من دي يا ورد هانم.

- يا ريت يكون الملف موقع على بكرة الصبح.

ردت ورد:

- أكيد أحمد بك.. إن شاء الله بكرة يكون كل شيء تمام.

غادر كل من ورد وأحمد بك حافظ فندق سيمراميس.. كان أول شيء تفعله ورد أن اتصلت بالأستاذ عادل السلاموني المحامي:

- ألو يا أستاذ عادل.. سمعني كويس.

رد الأستاذ عادل السلاموني المحامي:

- اتفضلي يا ورد هانم أنا معاكي.

قالت ورد:

- أنا كنت لسه مع أحمد بك.. وسأل على موضوع توقيع المستندات.. طبعاً هو اتكلم عليها خلال كلامة في أكثر من موضوع.. عشان ميبينش مدى اهتمامه بموضوع المستندات عشان ملاحظش حاجة.. لكن واضح إنه كان قلقان ومتخوف من شيء ما.. هو سأل بصراحة هل في أي اعتراض مني أنا على التوقيع.. أنا بلغته إن الموضوع بسبب انشغالي الفترة إالي فاتت مش أكثر.. لكن طلب المستندات تكون جاهزة بكرة.. إيه رأيك.. هنعمل إيه.

رد الأستاذ عادل السلاموني المحامي:

- طيب ورد هانم.. أنا أفضل أقابلك الليلة بالفيلا لأن الموضوع يطول شرحه ومش هينفع بالتليفون.

قالت ورد:

- تمام يا أستاذ عادل هنتظرك.. أعتقد الساعة عشرة بالليل مناسب.. بانتظارك.. سلام.

أمسك بفنجان قهوته وارتشف رشفة واحدة.. وضع الفنجان على الطاولة الزجاجية التي تتوسط مقعدة ومقعد ورد.. وقال الأستاذ عادل السلاموني المحامي:

- شوي في يا ورد هانم.. زي ما توقعت فعلاً الموضوع كبير.. وفعلاً أنا قابلت اللواء عزت الحلواني.. قال لي بالنص إن الأوراق بتدل على أن فيه فعلاً شحنات بتتبدل وبتدخل البلد بأذن استيراد خاصة بشركة الإمبراطورة.. هما رصدين الموضوع من فترة لكن مكنش عندهم لحد الآن المعلومة الكاملة وأسماء الشركات دي ومين هما الأشخاص إللي بتقوم بالموضوع ده.. هما كمان واضح أنهم مش عارفين إيه إللي بيدخل في الشحنات دي بالضبط.. لكن في توقع إنها تكون أسلحة.

- أنا شايف من وجهة نظري وكمان دي نصيحة اللواء الحلواني.. إننا نبلغ رسمياً وإن شاء الله هيتكلموا معاكي وممكن يطلبو منك مساعدة.. لأن ده طرف خيط مهم جداً للجهات الأمنية.. وبالنسبة لوضعك القانوني زي ما أنا شايف وكمان أكده ليا كمان اللواء الحلواني.. مفهوش أي مساءلة قانونية.. لأنك بلغتي رسمياً من تلقاء نفسك.. وده يثبت حسن نيتك.. يعني شاهد ملك في القضية.. المهم تنفيذ التعليمات وهما هيشرحوا لك كل حاجة.

لم تكن ورد مستوعبة لهذا الحديث.. مخاوفها ليست الآن
مبنية على مجرد شكوك.. بل الآن حقيقة وحقيقة مفزعة.

تجهم وجهها من سماع هذا الحديث وبدأت تساؤلات كثيرة
تزيد الأمر استغراباً بل انكاراً له.. وقالت:

- معقول يا أستاذ عادل أسلحة.

رد الأستاذ عادل السلاموني المحامي.

- لحد دلوقتي محدش أكد موضع الأسلحة.. بس أنا
استشفيت من كلام اللواء الحلواني.. أنه متأكد إنها أسلحة.. لكن
انتي عارفة الناس دي مبتديش المعلومة كاملة.. دول رجال أمن..
لكن أنا شايف إن الأمور إن شاء الله بالنسبة لك كويسة متخوفش
أبداً.. مفيش أي ضرر عليك من الناحية القانونية.. وده إللي
يهمني كمحامي ليكي.

- المهم دلوقتي عامل الوقت.. وانتي بلغتيني إن أحمد بك
حافظ طالب المستندات بكرة الصبح تكون موقعة منك.. أنا
شايف نتحرك دلوقتي.. وأنا هكلم اللواء الحلواني.. وأخذك
ونطلع نبدأ الإجراءات الرسمية ونبليج.. وهما أكيد عندهم تعليمات
هيبليغوها لك.. يا ريت ورد هانم تغيري هدومك.. وياريت تلبسي
حاجة بسيطة ولو أمكن عباية ونطلع من الباب الخلفي للفيللا..

منعرفش جماعة أحمد بك حافظ ممكن يكونوا واخدين حظرهم
منك وبيرقبوكي.. زيادة أمان مش أكثر.

قالت ورد:

- معقول دلوقتي يا أستاذ عادل.. ده إحنا بقينا نص الليل..
معقول هيكونو موجودين..!؟

ضحك الأستاذ عادل السلاموني المحامي وقال:

- لا متقلقيش يا ورد هانم.. الناس دي شغالة الأربعة
وعشرين ساعة مابينموش.. ده أمن البلد.. أنا منتظرك يا ريت
متتأخريش.



بلاغ لجهة سيادية

قاد الأستاذ عادل السلاموني المحامي سيارته وبجواره ورد في زيهما المتواضع متجهين إلى مقر الجهة السيادية.. حاول عادل السلاموني أن لا يأخذ طريقاً مباشراً.. بل أخذ يدور في دوائر بعض الوقت وفي شوارع متعددة.. حتى يتأكد أن لا أحداً يتتبعهم.. كان يخشى على ورد من تسريب أي معلومات عن تواصلها بالجهات السيادية بالدولة.. فمنصب أحمد بك حافظ ليس بالمنصب الذي يستهان به.. ولا يدري أحداً من هي الشخصيات التي وراءه.. فغالباً ما يكون وراءه رجال أكثر منه نفوذاً وسطوة.

حي المنيل.. قصر من الطراز القديم.. أغلق الباب.. جلست ورد وحيدة في الغرفة.. جلست على المقعد في الانتظار.. تطلعت حولها بانتباه.. كان السكون يغطي كل شيء.. الأستاذ عادل السلاموني المحامي يقف خارج المكتب.. وإذا بصوت دقات على زجاج الغرفة.. انتهت ورد له جيداً فهو يخترق هذا السكون.. إنه صديقها العصفور.. معقول ما زال يتذكرها إلى الآن.. فتحت نافذة الغرفة بحرص شديد.. وإذا بالعصفور يقفز على يدها ويزقزق ويهز برأسه يميناً ويساراً كما كان عند أول لقاء.. عندما جاءها على نافذة غرفتها.. اليوم التي شعرت به بنظرات

حسام وحببه لها.. عندما دق الحب باب قلبها.. اليوم أيضاً يأتي العصفور مرحاً مغرداً.. ليس كحالته عند آخر لقاء وهو حزيناً منكسراً.. ابتسمت ورد.. طار العصفور بعيداً.. أشارت إلى العصفور تودعه.. أغلقت النافذة.. عادت إلى مقعدها.. دقت الساعة الثانية بعد منتصف الليل.. الباب يفتح.. يدخل رجل نحيل بعض الشيء قصير القامة.. لكنه ذو هيبة على الرغم من بدلته المتواضعة.. أنه اللواء عزت الحلواني.. جلس أمام ورد.. لم يتفوه بعد بكلمة واحدة.. استدار بمقعده.. اتصل بالهاتف لبضع دقائق.. أغلق الهاتف.. استدار بمقعده مرة أخرى في اتجاه ورد وقال لها وهو يطفى سيجارته:

أهلاً آنسة ورد.. بعذر لو السجارة سببت لك أي مضايقه.. أنا حابب اسمعك الأول.. اتفضلي قولى إللي عندك.

سردت ورد كل ما تعرفه عن صعودها السريع في بادئ الأمر.. كانت ثرية من عملها وتجاريتها وإدارتها لبعض مشاريعها المشروعة.. لكن في سهره من سهراتها مع رجال أعمال تعرف عليها أحمد بك حافظ.. بدأت تصعد السلم سريعاً.. صفقات.. عطاءات.. استيراد.. توريدات.. إلى إن عرض عليها أن تكون بمجلس الشعب نائبة بالبرلمان.. كان هذا يزيد من استغرابها.. لماذا هي بالذات.. وما هو المقابل التي تدفعه.. لم تجد رداً على

هذا السؤال المحير.. كان يُطلب منها أن تدخل عطاءات معينه.. وترسو عليها دون أدنى مجهود منها.. كل شيء كان «مضبوط» تلك الكلمة المشهورة التي كانت تسمعها من أحمد بك حافظ.. واعتادت أذناها على سماعها.. كان يطلب منها أن توقع إذون الاستيراد دون أن تقرأ أي مستند.. حتى لاحظت شيئاً غريباً بمستندات الاستيراد الأخيرة.. عندما نسي المخلص الجمركي عبده شطا الملف في مكتبها.. قامت بتصوير المستندات لتطلع عليها تفصيلاً.. فدائماً ما لم يدع لها وبشكل مقصود رؤية مستندات الاستيراد تلك.. أو تتاح لها معلومة عن طبيعة الشحنات.. كل شيء كان يتم بتوقيعها لكن دون تفاصيل.. أحمد بك حافظ هو المسئول.. حتى الأرباح الخاصة بتلك الشحنات كان له النصيب الأكبر منها.. شعرت مرات عديدة بأن أحمد بك حافظ ليس بمفرده.. بل وراة الكثير من الأشخاص أصحاب النفوذ يتوارون خلفه.. كان ذلك مجرد شعور لم يبنى على معلومة واضحة.

- دي الحكاية كلها.. أنا صورت الملف واديته للمحامي بتاعي.. لأنني شكيت أن في شيئاً مش مضبوط.. أنا طول عمري شغلي بالنور.. ومعرفش حاجة عن الشحنات دي.. أتمنى يكون كلامي واضح لسعادتك.. يمكن هتقول عليا ساذجة.. لكن مع الأسف هي دي الحقيقة.

قال اللواء عزت الحلواني وهو يشعل سيجارته:

- تمام يا ورد هانم الأمور واضحة.. وأنا بنفسى اطلعت على الملف.. حضرتك هتوقعي الأوراق دي.. ده بلاغ رسمي عشان نحفظ لك حقك.. وتكوني شاهد ملك بالقضية.. وأنا هخليكي تقعدي مع حضرة الرائد شوكت.. هو ظابط عندنا هنا بالإدارة.. هيديكي كل التعليمات اللازمة.. بس مفيش حد يعرف أي شيء أو أي معلومة.. فهماني ولا أي كلام على التلفون.. الموضوع حساس والقضية مش سهلة والناس إللي فيها برده مش سهلين.. عوزين الأمور تمشي بسريرة تامة.. لأن لو حد حس بأي شيء.. ممكن يعطلونا كثير.. فهماني يا آنسه ورد.

ردت ورد وهي أكثر هدوءاً بعد ما سمعت كلمات اللواء عزت الحلواني:

- تمام سعادتك.. إن شاء الله ربنا يوفقكم.

رفع اللواء عزت الحلواني سماعة الهاتف.. اتصل بسكرتارية المكتب:

- شوفولي الرائد شوكت بسرعة.. خليه يجي ليا على المكتب.

ثلاث طرقات على الباب.. دخل حضرة الرائد شوكت وقدم
التحية العسكرية للواء الحلواني:

- تمام يا فندم أو مَرَك.

انتبهت ورد جيداً لهذا الصوت.. أنه هو.. هو صوت حسام..
وقفت وافتتحت إلى الرائد شوكت وهي لاتصدق ما تراه.. شعرت
أنه حلم.. معقول حسام..!؟

لم تتمالك ورد نفسها.. أغمى عليها.. كادت أن تقع على
الأرض.. إلا أن يدا حسام إلتقطتها سريعاً.. حملها بين ذراعية
ليمدد جسدها على الأريكة.. حاول أن يضع بعض العطر على
وجهها حتى تفيق.. إلى أن بدأت ورد تدرك ما حولها.. نظرت
إلى حسام نظرات بها كثير من الحب والأشواق والقليل من
العتاب والحيرة.

ما أن لاحظ اللواء الحلواني أن ورد بدأت تفيق من إغمائها
تلك.. وبدأت تنظر إلى الرائد حسام بنظرات تعني بلا أدنى
شك أنها تعرفه شخصياً.. بل ليس معرفة عادية.. إنه شيء أبعد
من ذلك.. علاقة ما تربط بين ورد والرائد حسام.. نظر اللواء
الحلواني إلى الرائد حسام وغمز له بعينه وهو يهز رأسه وعلى
وجهه ابتسامة خافتة وقال:

- طيب يا حضرة الرائد واضح أن في أمور أنا لسه معرفهاش.. اسبيكم لوحدكم شوية.. أنا بمكتب اللواء جودت هو سهران النهاردة.. شوية وأرجع لكم.

رد الرائد حسام:

- تمام يا فندم.. اتفضل سعادتك.

ابتسامة تثير وجه ورد.. حدقت كثيراً في وجه حسام.. دقت في ملاحظة.. قامت من على أريكتها.. وقفت.. ثم جلست مرة أخرى.. ما هذا.. ما زالت لاتصدق.. هو حسام.. أم.. أم.. الرائد شوكت...!؟

نهضت ورد من على أريكتها مسرعة.. ارتمت بين أحضان حسام.. ضمته ووضعت رأسها على كتفه وبكت.. بكت من شدة الفراق والبعد.

- أنا مش مصدقة نفسي يا حسام.. بعد كل السنين دي.. أد إيه أنت كنت قاسي عليا.. ليه محاولتش تتصل بيا.. ليه محاولتش تدور عليا.. زي ما أنا كنت بدور عليك.. ربنا لوحدنا أعلم أنا كنت أد إيه مشتاقا لك.. عمري ما نسيك يا حسام.. عمري.

ضمته بشدة إلى صدرها.. لم تمهله أن يتكلم أن ينطق بكلمة واحدة.. كان حسام فقط يستمع لها.. يستمتع بحرارة اللقاء التي طالما تمناه.. عودة حبهما.. عودة ورد إلى أحضانه.

لم يطول الحديث بينهما كثيراً .. حتى طرق الباب جندي
الحراسة:

- سعادة اللواء الحلواني على وصول .. تحبوا حضراتكم
تشربوا حاجة.

رد الرائد حسام:

- أيوه هات للأنسة عصير ليمون وبسرعة لو سمحت.

حضر اللواء الحلواني إلي مكتبة .. كانت ورد جالسة على
الكرسي أمام المكتب وعلى الكرسي المقابل لها الرائد حسام ..
قال اللواء الحلواني موجهها حديثه لورد:

- إيه يا آنسه ورد .. مش أحسن دلوقتي.

ردت ورد:

- تمام يا سعادة اللواء .. أحسن الحمد لله.

بدأ الرائد حسام بالحديث موجهها حديثه لواء الحلواني:

- اسمح لي يا سيادة اللواء .. أرحب بالأنسة ورد وأعرفك
عليها أكثر.

أنا سعادتك اطلعت على ملف الأنسة ورد بالتفصيل ..
وبصراحة أنا فوجئت تماماً أنها ورد إلي أنا أعرفها .. دي قصة

سعادتك يطول الحديث عنها الآن .. لكن أحب وأكد لسعادتك أن ده هيفيدنا كثير بالقضية وإنهاء المهمة بسرعة.

نعم عندما اطلع الرائد حسام على الملف .. كان في بادئ الأمر لايعرف إنها ورد حبيبته .. إلى أن قرأ الملف بالكامل .. حتى تأكد إنها ورد .. التي كان وما زال يبحث عنها .. الآن وعند حضرة لمكتب اللواء الحلواني لم يفاجأ كثيراً بوجود ورد .. لكنه كان يشفق إليها .. يشفق إلى حبه الوحيد .. إلى مسكة يديها .. إلى نظرات عينيها .. إلى أنفاسها وتنهاتها .

طرق الباب جندي الحراسة وضع كأس الليمون على الطاولة وخرج من الغرفة .

قال اللواء الحلواني:

- اتفضلي يا آنسة ورد اشربي الليمون هيهدي أعصابك .

ثم وجه كلامه إلى الرائد حسام بنوع من المداعبة وقال:

- ومعملتش حسابك ليه يا حضرة الرائد شوكت بواحد ليمون عشانك إنت كمان .

ضحك اللواء الحلواني وضحك الرائد حسام وضحكت ورد بخجل شديد .. وأكمل اللواء الحلواني حديثه:

- لكن ملهاش لزمة بقى نقول حضرة الرائد شوكت.. طالما شخصيتك انكشفت بالسرعة دي يا حضرة الظابط الهمام.. هنشغل إزاي كده.. وأنا لسه كنت بقول من شوية للأنسة ورد.. السرية التامة.. وحضرة الرائد شوكت.

ورد ما زالت متجهمه.. لاتصدق ما يحدث.. على الرغم من ابتسامتها الخجولة التي ارتسمت على وجهها فور رؤية حبيبها حسام.. فقط جلست تستمع.. لكنها لا تتصت للحديث.. لقد اشتعلت نار الحب من جديد بعد ما كانت تعتقد أنها انطفئت وباتت رماداً بعد مرور تلك الأيام والسنين.

رد الرائد حسام:

- متقلقش سعادتك.. الأنسة ورد معرفة قديمة.. وأنا سعيد أني مسكت القضية دي.. التعاون والتفاهم بنا هيسهل إن شاء الله انجاز ونجاح القضية زي ما قلت لسعادتك.. وأكد في سرية تامة. تابع اللواء عزت الحلواني حديثة وهو يهز رأسه متهمكاً بعض الشيء على هذا الموقف وهو مبتسماً:

- واضح واضح إن هيكوّن في تعاون يا حضرة الرائد شوكت.. شوكت إيه بقى قصدي يا حضرة الرائد حسام.. بس خدوا بالكم.. لازم اسم حسام ده يدنه سر بنا إحنا الثلاثة.. لكن

اسمك بالعملية شوكت.. واضح يا ورد هانم.. الرائد شوكت..
وبلاش الرائد .. شوكت وبس.

ضحك كثيراً اللواء عزت الحلواني:

- طيب يا حضرة الرائد ثمانية وأربعون ساعة وتكون
الخطّة على مكتبي، اعتقد وقت كاي في.. لاحظ أننا محتاجين ننفذ
العملية بأقصى سرعة ممكنة.

رد الرائد حسام:

- تمام يا فندم أي أوامر سعادتكم.

قال اللواء عزت الحلواني:

- تمام كده.. لكن تقترح نسمي المهمة إيه يا حضرة الرائد
الهام.

رد الرائد حسام:

- اقترح بعد موافقة سعادتك طبعاً إننا نسمي المهمة
«الضفائر الحمراء» طبعاً لدور الأنسة ورد معانا وكمان....
لم يكمل بعد الرائد حسام كلماته.. حتى هز رأسه اللواء
الحلواني وبأبتسامة متواريه قال:

- تمام يا حضرة الرائد واضح إنك بتتفائل بالاسم ده .. أنا
معنديش مانع .. أنا هسبكم تبتدوا شغل .. ماشي يا آنسه ورد ..
مع السلامة يا ولاد .. بالتوفيق .

ما إن خرج اللواء عزت الحلواني من الغرفة .. حتى طار
العاشقين فرحاً .. كعصفورين التقياً في السماء .. ليغردا سوياً ..
يا له من لقاء .. احتضنا كل منهما الآخر .. تبادلنا القبلات ..
تلاقيا بعد طول غياب .. عادت الأرواح لأجسادها .. ارتوت
قلوب العاشقين .. فالحب الصادق لا يموت .. فما زال حسام على
وعده .. وما زالت ورد على عهدها .. كنا على يقين بأنهما يوماً
ما سيلتقيان .. سيكون كل منهما للآخر .. فقط كان السؤال هو ..
متي .. وأين ..؟

جلسا سويا يتبادلان أطراف الحديث .. كانت ورد متشوقة
لسماع حسام .. أمسكت بيديها وقالت له :

- بجد يا حسام دي مفاجأة مكنتش أبداً أتوقعها .. وظابط
كمان .. أحكي ليا عملتو إيه أنت وعم أبو يوسف الله يرحمه .. أما
سبتو باب اللوق .. إنت متعرفش أد إيه أنا لفيت ودورت عليك ..
كنت بتمني أقابل أي حد يعرف عنك أي حاجة .. لكن مع الأسف
مقدرتش أعرف أي شيء عنك .

رد عليها الرائد حسام:

- طول عمرك في قلبي يا ورد.. وفي عقلي.. إنتي روعي.. متغيرتيش كثير يا ورد عن آخر لقاء جمعنا سوا.. لسه زي ما إنتي بوجهك الصبوح بكلماتك الرقيقة حتى الضفائر الحمراء يا ورد.
- لكن مكنش ينفع إنني أقعد في باب اللوق ولا حتى في حي جنب باب اللوق.. كان لازم أبعد بعد إللي حصل.. تهمة السرقة يا ورد مش بسيطة.. ومن مين.. من الراجل إللي إئتمنا على محله.. إحنا صح ناس بسطاء لكن أقل شيء يجرحنا.

قالت ورد مقاطعة كلام حسام:

- على فكرة يا حسام أنا عرفت مين إللي كان ورا الملعوب ده.. كان المعلم طاهر.. لكن أنا مسبتوش دنتي وراه لحد ما خلصت حقك وحقى منه.

قال لها الرائد حسام:

- كنت حاسس إنه هو المعلم طاهر.. لكن مكنتش عارف إيه إللي خلاه يعمل كده.

قالت له ورد :

- خلاص يا حسام أهو راح لحالة.. وأهم حاجة إننا اتقابلنا من تاني.. قول يا حسام احكي ليا.. أنا سمعك ومش هقطعك تاني.

استرسل الرائد حسام في حديثه:

- أبدأ يا ورد طلعتنا من باب اللوق.. ورحنا كام مكان فرشنا قدامه.. لكن مكناش بنطول فيه كثير.. أسبوع في التاني.. ونأخذ حاجتنا وندور على مكان تاني نفرش فيه.. المهم في يوم حملنا فرشنا على عربية.. وان جيتي للحق في اليوم ده مكناش عرفين إحنا رايعين على فين.. واحنا بالطريق.. العربية كانت محملة على الآخر.. وقع قفص فاكهة.. اتصادف أن قفص الفاكهة وقع على عربية ملاكي كانت ماشيه ورانا.. نزلت أنا وعمك الحاج أبو يوسف الله يرحمه نتأسف لصاحب العربية الملاكي.. ونشيل القفص إللي وقع على العربية.. طلع لواء كبير في الداخلية.. أنا وأبويا بيني وبينك وقفنا متمسرين مكننا.. قلنا خلاص فيها قعده في القسم وقضية وسين وجيم.. ده لواء شرطة.. لكن بجديا ورد طلع راجل طيب و أبن ناس.. أتعرف علينا.. وقال لنا مفيش مشكلة الحمد لله حصل خير.. سألنا انتم ريعين على فين كدة.. قلنا له إحنا ناس صعايدة وبنبيع فاكهة وعلى باب الله كل يوم

في مكان واهي الحمد لله مستورة.. قال لنا اللواء أنا عندي فيلا
جنيتها كبيرة ومعنديش حد يصونها ويهتم بيها.. إيه رأيكم تيجو
تزرعوها.. أبويا بص ليا سعتها وقال يلا يا حسام الراجل ده
باين عليه طيب وكويس خلينا معاه.. ومن ساعتها أبويا اشتغل
عند اللواء ده جنيني وكمان حارس للفيلا.. وأنا كنت بساعده
برده والحمد لله كملت تعليمي.. واللواء كثر خيريه كان بيعاملني زي
ابنه تمام.. هو إللي أتوسط ليا ودخلت كلية الشرطة.. والحمد لله
حتى بعد ما اتخرجت مسبنيش وحطني في مكان مهم.

قالت ورد:

- إنت تستاهل كل خير يا حسام.. ربنا عارف إن قلوبنا
طيبة أد إيه.. الحمد لله إنه جمعنا تاني.. واستجاب لدعائي..
مش هسيبك أبداً يا حسام.. أبداً.

رد عليها الرائد حسام:

- أكيد يا ورد ده أنا ما صدقت إني لقيتك.. بحبك.. بحبك.

قالت ورد:

- وأكيد يا حضرة الرائد حسام.. إنت عارف عني كل
حاجة.. واضح إنك قرأت ملفي كله وعرفت إني ورد حبيبتك.

رد حسام:

- صحيح.. لكن انتي عرفتي منين...!؟

قالت ورد:

- على فكرة كان واضح عليك قوي إنك عارف إنني موجودة في مكتب اللواء عزت الحلواني.. لأن مشفتش على وشك أي ملامح للمفاجأة يا حضرة الطابط.. وواضح إنك عارف كل شيء عني وعن القضية كمان.. صح.. ولا أنا غلطانة يا حضرة الرائد حسام..؟

قال الرائد حسام:

- صح يا ورد.. باين عليكي الدنيا علمتك كثير.. ده إنتي بقيتي ولا المباحث.. عرفتي ده كله إزاي.. عشان شطارتك دي هديكي نجمتين مرة واحدة.. إنتي من النهاردة الملازم أول ورد.

- يلا نبتدي الشغل بقى ورانا قضية كبيرة يا حضرة الملازم أول ورد.. وللأسف حضرتك حتى الآن متهمة.. واضح ولا أقول تاني.

ردت ورد:

- تمام يا حضرة الرائد حسام.

قال لها الرائد حسام وهو ينظر لها بشدة وحزم:

- ها .. قلنا إيه .

قالت له ورد وهي تضحك:

- تمام يا حضرة الرائد شوكت .. قصدي يا أستاذ شوكت ..
لقد دقت ساعة العمل .

قال لها الرائد حسام:

- على فكرة قبل ما نبتدي الشغل .. بكرة الصبح وقعي
باقى المستندات إلى مع عبده شطا .. عشان متثريش أي شبهة
إنك عرفتي حاجة .. موقفك دلوقتي بقى قانوني بعد ما عملتي
البلاغ .. متخافيش .



الضفائر الحمراء

إعلان بجريدة الأهرام.. وظائف خالية.. مطلوب موظف بإدارة المناقصات لدى شركة الإمبراطورة للتوريدات.. تقدم عدد من الشباب لشغل هذه الوظيفة.. من بين المتقدمين شوكت الوكيل «الاسم الحركي للرائد حسام».. كانت تلك أولى الخطوات لزرع الرائد حسام داخل شركة الإمبراطورة.

الخطة وضعت بإحكام.. بالفعل تم تعيين شوكت الوكيل «الاسم الحركي للرائد حسام» في شركة الإمبراطورة للتوريدات.. في إدارة المناقصات.. كان الهدف من تعيينه أن يطلع على جميع المستندات ومراجعة العطاءات التي تم تقديمها.. والتي تم بموجبها تحرير إذون الإستيراد من الخارج للشحنات المشبوهة.

إدارة المناقصات هي الإدارة المسؤولة عن جميع العطاءات والتوريدات بالشركة والتي تتم من خلالها تعديل مستندات الإستيراد وتعديل بلد المنشأ.. ومتابعة الشحنات حتى انتهاء عملية التوريد.. كانت الإدارة مُسيطر عليها بشكل شبه كامل من أحد رجال أحمد بك حافظ وذراعه الأيمن.. سعد الدين عثمان.. كان هناك صعوبة بعض الشيء في إطلاع الموظف الجديد شوكت

الوكيل على معلومات الإدارة.. فهو شخص جديد.. ولم يحوز بعد على ثقة غالبية موظفي الإدارة وخاصة مدير الإدارة سعد الدين عتمان.. إلا أن شوكت الوكيل بحنكته وذكائه استطاع أن يكسب ثقة الجميع خلال عدة أسابيع.. وذلك بمساعدة ورد مالكة الشركة.. كانت المعلومات التي أعطتها ورد إلى الموظف الجديد شوكت الوكيل عن شخصية كل موظف وطبيعة عمله بإدارة المناقصات ساهمت وبشكل كبير في دراسة شوكت الوكيل لشخصية كل منهم.. وعرف كيف يمكن كسب ثقتهم واحد تلو الآخر.. مرت عدة أسابيع قبل أن يلتقط شوكت الوكيل أولى خيوط اللعبة.

مناقصة جديدة طُرحت في أحد مصانع أحمد بك حافظ.. وتم ترسيته على شركة الإمبراطورة للتوريدات التي تمتلكها ورد.. المناقصة تحتوى على توريد آلات جديدة وقطع غيار لآلات بالمصنع لتحديث بعض خطوط الانتاج.. كان المصدر من ألمانيا والتشيك.. وبالفعل تم فتح الاعتماد المستندي بأحد البنوك المصرية بمبلغ ٧٥ مليون يورو.. لصالح «بنك مورجان استانلي» بفرعيه «شفاينفورت» بجمهورية ألمانيا الاتحادية وفرع «براغ» بجمهورية التشيك.. وبالفعل تستلم شركة الإمبراطورة رسالة عبر الفاكس تفيد بأن الشحنات ستكون جاهزة للتسليم خلال شهرين من تاريخ فتح الاعتماد المستندي.

إلا أنه وبسرية تامة يقوم الأستاذ سعدالدين عثمان مدير إدارة المناقصات بوضع بعض المستندات خلال توقيع ورد للمستندات الخاصة بالاعتماد المستندي الأساسي.. تفيد بتعميد البنك بإجراء «تحويل الاعتماد المستندي» بما يمثل تغيير في شروط الاعتماد المستندي الأساسي.. وتخفيض قيمته وشروط التوريد.. ليصبح الاعتماد الصادر لألمانيا والتشيك فقط ١٥ مليون يورو.. والجزء الأكبر من الاعتماد المستندي ٦٠ مليون يورو لصالح بنك وسيط بقبرص «بنك أوف قبرص».. تلك المستندات يتم إخفاءها بالكامل ولا تسجل بسجلات شركة الإمبراطورة.. وتوضع بسرية تامة في الخزانة الخاصة بالأستاذ سعدالدين عثمان ولا يتم التصرف بها إلا بتعليمان شخصية من أحمد بك حافظ.

يقوم البنك الوسيط بقبرص «بنك أوف قبرص» بعمل الصفقات المشبوهة بطرق ملتوية وشراء الأسلحة بالجزء الأكبر من الاعتماد المستندي الأساسي بمبلغ ٦٠ مليون يورو.. ويتم شحن الكونتainers من بلد منشأ آخر هي أوزباكستان.. لكن يتم تغيير مستندات الشحن على أنها جزء من الشحن الأساسية الخاصة بالاعتماد المستندي الأساسي الوارد من ألمانيا والتشيك.. بمعرفة أحمد بك حافظ وأصدقاءه بالجمارك وبالتعاون مع المخلص الجمركي عبده شطا .

وبالتسويق التام يتم في نفس التوقيت استلام الشحنات الأساسية التي تحتوي بالفعل على قطع الغيار والألات المطلوبة من ألمانيا والتشيك بقيمة ١٥ مليون يورو.

تقوم مستودعات مصنع أحمد بك حافظ بإستلام الشحنة الأساسية والسليمة التي تحتوي على الماكينات وقطع الغيار بقيمة ١٥ مليون يورو.. على أنها كامل الشحنات بقيمة ٧٥ مليون يورو.. وذلك بعد تعديل الفواتير بالقيمة والكميات.

أما الشحنات التي تحتوي على الأسلحة يتم إرسالها إلى مستودعات سرية بمعرفة أحمد بك حافظ بالصحراء لحين تصريفها.

نعم اكتشف الموظف شوكت الوكيل «الرائد حسام» جميع خيوط اللعبة.. لكن يبقى شيء هام.. حتى الآن لم يثبت براءة ورد من هذه العملية القذرة والعمليات الأخرى.. فكل شيء يتم بتوقيع ورد صاحبة الصلاحية الوحيدة بشركة الإمبراطورة للتوريدات.. قانوناً ورد هي المتورطة بتلك العمليات.. ينقص القضية شيء مهم.. الحصول على أي مستند يثبت تورط أحمد بك حافظ بتلك العمليات.. وهذا شبه مستحيل.. فهو دائماً خلف الستار.. لم يتبق إلا محاولة واحدة.. على شوكت الوكيل استدراج أحمد بك حافظ للإعتراف بتلك العمليات.. لتبرأة ورد.. وتحميل المسؤولية الجنائية على أحمد بك حافظ.. إذاً الهدف هو الصيد الثمين.. الهدف هو أحمد بك حافظ.



الصيد الثمين

في تمام الساعة السادسة والنصف مساءً.. ومع آخر ضوء من النهار.. تركت ورد باب الفيلا الصغير مفتوحاً.. إنه يطل على الحديقة الخلفية للفيلا.. والغفير دائماً ما يجلس أمام البوابة الرئيسية للفيلا.. أعطت الخدم وفريق الحراسة الخاص بها أجازة تلك الليلة.

تسلل شوكت الوكيل «الرائد حسام» و بعض الفنيين ومعهم الكثير من المعدات والأجهزة.. إلى الفيلا من الباب الخلفي.

كانت تعليمات شوكت الوكيل «الرائد حسام» لورد صريحة وحازمة.. أن لا يشعر أحد بما يدور داخل الفيلا تلك الليلة.. أراد شوكت الوكيل «الرائد حسام» أن يجهز الفيلا بالكاميرات والميكروفونات بعد إستئذان النيابة العامة وأخذ التصاريح والموافقات اللازمة.. حتى يتم الإيقاع بأحمد بك حافظ.. وتسجيل اعترافاته.. إن نجحت خطته ونفذت ورد كل ما طلب منها.

بالفعل تم تجهيز الفيلا بالكامل بالكاميرات وأجهزة التنصت خلال ساعة واحدة.

كان المتفق عليه أنه بمجرد طلب أحمد بك حافظ مقابلة ورد في الفيلا الخاصة بها .. وهي عادته عندما يريد مقابلة ورد والتباحث في أمور تخص صفقات العمل بينهم .. أن تقوم بالاتصال فوراً بشوكت الوكيل «الرائد حسام» لعمل الترتيبات اللازمة.. وبالفعل في نهار ذلك اليوم اتصل أحمد بك حافظ بورد .. يخبرها بأنه سيأتي الليلة على العشاء.

ورد كانت متوترة في هذه الليلة.. لكن شوكت الوكيل «الرائد حسام» شرح لها كل شيء.. وشد من أزرها.. لتكن واثقة من أنه بجوارها دائماً وسيحميها.. المطلوب تنفيذ الخطة والحوار المتفق عليه بكل دقة.

اتصل شوكت الوكيل «الرائد حسام» بجهازه اللاسلكي:

- كل شيء تمام يا فندم تقدر و تتفضلوا .. أيوه من نفس المكان .. الباب الخلفي.

دون أن يلاحظهم أحد.. صعد عدد من الرجال بملابسهم الملكية إلى الدور العلوي للفيلا بغرفة نوم فرعية كانت مجهزة كغرفة تحكم بها الشاشات وأجهزة التتصت والتسجيل صوت وصورة.. كان من بينهم مساعد النائب العام وبعض رجال النيابة العامة وبعض الرجال من جهات سيادية اخرى ورجال الشرطة.. الجميع في انتظار الصيد الثمين حضور أحمد بك حافظ.

عقارب الساعة تشير إلى التاسعة مساءً.. دقت الساعة في بهو الفيلا.. بعدها بثواني معدودة دق جرس الباب.. ذهبت ورد لتفتح الباب.. فاليوم أجازة لجميع الخدم وأفراد الحراسة بالفيلا.. أحمد بك حافظ يقف أمام الباب.. رحبت به ورد:

- أهلاً أحمد بك.. اتفضل.. النهاردة أنا عامله لك الأكل إليلي بتجبه كله.. وأكد منستش الإستاكوزا.

ضحكت ورد.. فابتسامتها تلك الليلة وضحكاتها كانت مصطنعة.. لكنها لحد كبير شبيهة بإبتسامتها الطبيعية.. المهم إن أحمد بك حافظ لا يلاحظ.. عليها الصمود هذه الليلة.

قال أحمد بك حافظ مبتسماً.. وهو ينحني ويقبل يد ورد:

- حقيقي يا ورد هانم.. أنا مبستريحش إلا عندك.. كثير ناس حاسدني عليكي.

- يا ريت يا ورد هانم نشرب كأس قبل العشا.

ابتسمت ورد لكلمات أحمد بك ومجاملته لها.. وأحضرت الكأس:

- اتفضل أحمد بك.

جلس أحمد بك حافظ بالصالون الرئيسي ببهو الفيلا وأشعل
سيجارة الكوبي وأخذ الكاس من يد ورد:

- أنا حقيقي كنت حابب أتكلم معاكي في صفقة جديدة
برتب لها من فترة.. لكن إنتي عارفة مشغولياتي أد إيه.. الشركة
والمصنع والحزب.. واخدين كل وقتي.

ردت ورد:

- ربنا يكون في عونك.. اتفضل يا أحمد بك أنا سمعاك
كويس.. وخذ رحتك بالكلام.. مفيش حد بالفيلا.. النهاردة أجازة
للخدم والحراسة كلها.

- ويا ترى الصفقة دي زي صفقة أوزباكستان الأخيرة...!؟
آسفه جداً أقصد صفقة ألمانيا...!؟

لم يرتاح أحمد بك حافظ لكلمات ورد.. إن ورد مختلفة بعض
الشيء هذه الليلة.. قال أحمد بك حافظ وقد أثارته كلمات ورد
استغرابه:

- قصدك إيه يا ورد هانم.. يعنى إيه زي صفقة أوزباكستان
أو ألمانيا الأخيرة.. وهي الصفقات بتاعتنا من إمتى بتكون زي
بعضها.. في شي حبه تقوليه.. أنا سامعك.

ردت ورد:

- أحمد بك.. أنا أقصد الكلام إللي بقوله كويس قوي..
وكنت أتمنى إنك تكون صريح معايا من البداية..؟

رد عليها أحمد بك حافظ:

- في إيه يا ورد هانم.. إنتي بتردي عليا كل سؤال بسؤال..
إنتي فيكي حاجة غريبة النهاردة.. عمرك ما اتكلمتي معايا
بالأسلوب ده قبل كده.. حقيقي أنا متفاجئ.

ردت ورد:

- أحمد بك.. خلينا نكون صريحين.. أنا آخر مستندات
وقعتها لشحنة ألمانيا.. اكتشفت فيها حاجات كثير قوي.. الآلات
المطلوبة وقطع الغيار.. مش جيه من نفس بلد المنشأ.. الاعتماد
المستدي.. تم تعديله يا أحمد بك.

- أعتقد الأمور كده مش طبيعية.. يا ريت يكون اللعب على
المكشوف.. إحنا بقالنا كثير مع بعض واشتغلنا صفقات كثير..
كلها عن طريق شركتي وبتوقيعي.. وكنت إنت لك نصيب الأسد
في أرباح الصفقات دي.. صحيح.

رد أحمد بك حافظ:

- صحيح يا ورد هانم.. أنا منكرش إننا اشتغلنا مع بعض صفقات كثير.. وكلها صفقات ناجحة.. صح أنا كنت بتحصل على الربح الأكبر.. لكن إنتي عرفه أنا معايا ناس بتسعدنا كثير ومناصبهم حساسه.. مينفعش إنهم يظهروا في الصورة.

قالت ورد:

- أنا عوزة أسألك سؤال واحد بس واضح وصريح.. إيه طبيعة الشحنات دي يا أحمد بك..؟ وأعتقد إنني مش صغيرة دلوقتي.. آه طبعاً تلمذتك يا أحمد بك مقدرش أنكر ده.. لكن أكيد في يوم التلميذ بيكبر وبيتعلم.

ضحك أحمد بك بصوت عالي:

- أيوة يا ورد هانم بس عمر ما التلميذ بيكبر على أستاذه.. أنا هقولك بصراحة شديدة.. طالما إحنا دلوقتي لوحدنا وبنلعب على المكشوف.. وأورقنا كلها مكشوفة على الطاولة.

- أنا بدخل سلاح لمصر.. عن طريق الصفقات دي.. السلاح أكبر شيء مربح بمصر.. مش هتصدقني يمكن أكثر من المخدرات والهروين والحاجات دي إللي دوشنا بيها صبح وليل في التلفزيون.. ده بزنس يا ورد هانم.. وبزنس كبير قوي.

ردت ورد وهي تحاول أن تقنع أحمد بك إنها متفاجأة من هذا الحديث:

- معقول يا أحمد بك بتتاجر في السلاح..!؟ معقول ده إنت راجل وطني وعضو مجلس شعب..! ومش أي عضو.. ده إنت عضو بارز في الحزب كمان..! إزاي تقول كده.. أنا بجد مستغربه كلامك.. أحمد بك أوعى تكون سكرت من أول كاس..!؟

ضحك أحمد بك حافظ وهو ينفخ دخان سيجارة الكوبي في الهواء:

- لا يا ورد هانم انا بكلمك بكل صراحة.. مش انتي عوزة الصراحة.. وعلى فكرة كل الصفقات إللي قبل كده وإللي اشتغلناها مع بعض.. كانت برده سلاح.. وشحنة ألمانيا الأخيرة دي تقريباً كانت أقل صفقة سلاح عملتها.. حبيت المرة دي أعطش السوق شوية.. لأن التجار ابتدو يفصلوا معايا بالسعر.. وأنا مبحبش كده.. قررت أعطش السوق شوية.. عشان بعد كده يرضو بالسعر إللي أنا أحده.

- بس إيه رأيك باللعب ده.

ردت ورد تحاول إن تبين أنها منبهرة بما يقوله أحمد بك حافظ:

- بصراحة يا أحمد بك.. شيء مش ممكن أبداً أي حد
يصدقة.. فتح الاعتمادات المستندية للمورد الحقيقي بألمانيا..
بعد كده تتغير التعليمات عن طريق بنك وسيط ويتعدل الاعتماد
المستندي.. المبلغ الصغير تيجي بيه البضاعة المظبوطة بس
بكميات أقل.. والمبلغ الكبير تدخل بيه شحنات أسلحة للبلد..
بنفس مستندات الشحنات الأصلية وتعدي من الجمارك.

- لا يا أحمد بك بجد «شبو».. أرفع لك القبعة.. ده شغل
أبلسه مش بني آدمين.

ضحك أحمد بك حافظ.. ضحكاته صداها يتردد في المكان:

- ها.. ها.. ها.. إنتي عرفتي كل حاجة أهو.. أنا عارف
إنك شطرة.. لكن بعذر بجد لأنني مكنتش أبداً أتصور ذكائك
يوصل إنك تكشف سر العمليات إللي بنقوم بيها وبالسرية دي..
لكن حلو التعبير ده يا ورد هانم.. «ولاد أبلسه».. كل الكلام إللي
قلتيه على فكرة مظبوط يا ورد هانم.. طول عمري كنت براهن
على ذكائك.. ها.. ها.. ها.

- ممكن كأس ثاني يا ورد هانم.. ويا ريت هاتي الإزازه
معاكي والثلج كمان.

استرسل أحمد بك حافظ في الحديث وهو يشرب كأسه الثاني:

- على العموم أنا ممكن أعلى نسبتك بالأرباح.. مش مشكلة.. المهم تكوني أد المسؤولية والكلام إللي قلته لك الليلة سر تمنه حياتك.. فهماني تمنه حياتك يا ورد هانم.

ردت عليه ورد:

- أبداً يا أحمد بك.. سرك في بير.. إحنا مع بعض يا أحمد بك في مركب واحدة مش كده ولا إيه.

رد أحمد بك وهو يهز رأسه:

- صحيح يا ورد هانم.. إحنا بمركب واحدة.

سألت ورد مرة أخرى:

- بس أنا مستغربة يا أحمد بك إزاي إنت بتعمل كل الحاجات دي لوحديك.. ترتيب مع بنك قبرص.. وترتيب الجمارك.. والمخازن.. وبيع السلاح... لا لا يا أحمد بك أنت إمبراطور بجد.. مش أنا الإمبراطورة.

رد أحمد بك وهو يملأ كأسه مرة تلو الأخرى:

- ها.. ها.. ها.. أنا معايا ناس كبيرة يا ورد هانم.. لكن محدش يعرفهم إلا أنا.. أنا ويس.. الثمن حياتي يا ورد هانم.. أيوه الثمن حياتي أنا.. لو حد عرف عنهم حاجة.

ضحكت ورد وقالت:

- ألف سلامة عليك يا أحمد بك.. إلا حياتك.. كلنا محتاجينك يا أحمد بك.

رد أحمد بك حافظ وهو يحاول الوقوف من مقعده وهو يترنح من أثر الشراب:

- شكرا يا ورد هانم.. أعتقد كده اتفقنا.

قالت ورد:

- أحمد بك.. خد بالك من نفسك لتقع.. شكلك تقلت في الشرب الليلة.. على العموم اتفقنا.. بس للأسف واضح إنك مش هتلق تتعشى معايا الليلة.

رد أحمد بك حافظ فقد آثارت كلمات ورد استغرابه:

- ليه يا ورد هانم بتقولي كده.. إنتي مش قلتى إنك مجهزة ليا الأكل إللي بحبه كله.. وكمان الإستكوزا.. ولا رجعتي في كلامك.

لن ترد ورد على أحمد بك تلك المرة.. لقد انتهى العرض الهزلي.. مسرحية للنسيان.. أسدل الستار.. أضيئت الأنوار دفعة واحدة.. الكل يصفق.

أغمض أحمد بك عينية من شدة الضوء بضع ثواني.. فتح عينية ليجد نفسه محاط بكثير من الرجال.. كانت المفاجأة.. تقدم مساعد النائب العام وقال له:

- كل شيء يا أحمد بك حافظ متسجل صوت وصورة.. مش عارف إحنا كنا تايهين عنك إزاي طول الفترة دي.. بس حقيقي مكنش أبداً حد يتوقع إنك الراجل الخفي وراء كل السلاح إللي دخل مصر في السنين الأخيرة إللي فاتت.. ولولا شجاعة ووطنية الأنسة ورد.. كنا زمنا لسه بندوق وسط ملايين المصريين.. عارف المصريين يا أحمد بك.. المصريين إللي إنت كنت سبب في قتلهم وتدميرهم.. مش غريبة إنسان زيك في مركزك الاجتماعي والسياسي.. يكون هو نفس الشخص إللي يحاول إنه يدمر ناسه وأهله.. على العموم اللعبة خلصت يا أحمد بك.. اتفضل معانا.. العشا عندنا الليلة بس للأسف مفيش عندنا استاكوزا يا أحمد بك.. أكلنا كله أكل شعبي بسيط.. فول طعمية كشري.. على الله بس يعجبك.. لأنك هطول معانا شوية.

أشار مساعد النائب العام إلى رجاله:

- هاتوه.



ويبقى الحب

أنا فخور ببيك يا حسام.. القرار صدر من وزير الداخلية
بترقيتك إلى رتبة مقدم.. ألف مبروك يا ابني و بالتوفيق..
المجهود إلي عملته في قضية أحمد بك حافظ.. كان مجهود
مشرف.. إنت كده سابق دفعتك يا حضرة المقدم.. عاوزين نسمع
عنك بطولات في مكانك الجديد.. تلك كانت كلمات اللواء عزت
الحلواني للمقدم حسام.

خرج المقدم حسام من مقر القيادة.. كانت تنتظرة ورد
باشتيق.. انطلقا سوياً بالسيارة.. وقالت ورد:

- يا ترى كانوا عاوزينك ليه النهاردة يا حسام.

رد حسام:

- صدر أمر بترقيتي ونقلني اليوم لمكان أرفع يا ورد..
بركيلي.. وعلى فكرة لولا اتقائك ومشيك على الخططة يا حضرة
النقيب ورد.. مكنتش أقدر أبداً آخذ الترقية دي.. إنتي أكيد ليكي
فضل كبير فيها.. عشان كده أنا رقيتك إلى رتبة نقيب.. النقيب
ورد.

ضحكت ورد وقبلت حسام:

- ألف ألف مبروك يا حبيبي.. إنت تستاهل كل خير..
ومهما أوصف لك فرحتى وشعوري إنك رجعت ليا تاني.. وكنت
جنبي بمحنتي.. مش هعرف أقول أي شيء.. غير كلمة واحدة..
هي كلمة بحبك.. بجد بحبك.

بعد تلك الكلمات الرقيقة من ورد.. لاحظت إن حسام يقود
بسرعة عالية.. هذا الطريق لا تعرفه.. طريق لأول مرة تشاهده:

- هوو يا حضرة المقدم.. على فين كده إن شاء الله.. رايح
فين.. دة مش طريق بيتي ولا بيتك.. انت وخذني ورايح على فين.

قال حسام:

- على المأذون يا حبيبتي.. كفاية بقى كده يا ورد عاوز
أفرح عاوز أتهنى شوية بقى.. اتأخرنا كثير قوي.. والحمدلله كل
شيء أتمناه أتحقق.. هنستنى إليه تاني.

قالت ورد:

- بس يا حضرة المقدم مش المفروض انك قبل ما تروح
للمأذون.. تسألني موافقة ولا لا.

قال لها حسام وقد أوقف السيارة فجأة على جانب الطريق:

- نعم.. أيوه بتقولي إيه بقى يا حضرة النقيب ورد.. يعني إيه لما توافقني.. بعد ده كلة حضرتك لسة موفقتيش..!؟

قالت ورد وهى تنظر لأعلى وعيناها تزداد مكرًا ودهاءً:

- لا سبني أفكر شوية يا حضرة المقدم حسام.. حضرتك بجد فجأتني.

رد حسام في تعجب:

- إنتي بتتكلمي بجد.. بلاش أرجوكي شغل الأفلام الأبيض والأسود ده.. بجد يا ورد الأفلام إللي بتسمعيها دي خلاص ممنوع تدخل البيت أما نتجوز دي ميوظة دماغك على الآخر.. ها.. ها.. قال تفكر قال..! يعني إحنا بقالنا كام سنة بنحب بعض وبعدين كام سنة بندور على بعض.. وأول ما نتقابل والظروف تسمح تقولي هفكر.. إنتي هتجنيني..!

ضحكت ورد:

- بقى أنا هجننك.. كده طيب.. وشرط أساسي لازم تروح تخطبني من ولى أمري يا حضرة المقدم.. عشان تعرف تقولي انتي هتجنيني تاني.. جنان بجنان بقى.

هز حسام رأسه:

- طيب يا حضرة النقيب ورد .. يلا على أخوكي عبادة نروح له واطلب إيدك منه حالاً.. يلا بينا على باب اللوق.. أدار حسام محرك السيارة وانطلق مسرعاً.

قالت له ورد وهي تشير له بيديها أن يهدأ قليلاً:

- هووووو.. إنت رايح فين.. عبادة إيه.. لازم تطلبني من الحاج شحطة الراوي.. فاهمني.. الحاج شحطة الراوي.

قال لها حسام:

- طيب يا ورد حاضر انا هشوف آخرتها معاكي ايه.. وانا موافق.. يلا نروح لعمي شحطة الراوي.. يلا على البلد.

قالت له ورد وهي تحاول أن تمسك يده من على مقود السيارة:

- حسام اقف يا حسام إنت بتعمل إيه.. إنت صدقت يا مجنون أنا بضحك معاك بس.

رد حسام ولم يوقف السيارة بل ازداد من سرعته:

- أيوه كل إللي هتقولية هيتنفذ.. أما أشوف آخرتها معاكي إيه.

بالفعل طار حسام وبجواره ورد بالسيارة إلى قرية كفر ميت
أبو عميرة.

سألته ورد:

- أنت عارف طريق بلدنا منين.. إذا كنت أنا معرفش
الطريق يا حسام.. أنا مرحتش هناك من وأنا صغيرة.

رد حسام:

- متقلقيش هعرف الطريق حالاً.. اتصل بأحد زملاءه
بقطاع المرور بالداخلية.. وصف له الطريق بالتفصيل.. وما هي
إلا ساعة واحدة حتى وصل حسام وورد إلى مشارف القرية.

قالت ورد وهي تحاول أن تتذكر بعض ملامح القرية:

- أيوه يا حسام ابتديت افتكرك.. امشي بالراحة كده هتلاقي
مسجد على إيدك اليمين.. أيوه صح مطبوط.. هي دي الدار
بتاعتنا هناك على الناصية.

وقفوا قليلاً أمام الدار القديمة التي عاشت بها ورد وأخواتها
في أحضان والدها شحنة الراوي ووالدتها شوقية.. وقفت قليلاً
تسترجع بعض الذكريات.. ثم ركبت السيارة مع حسام.

قالت ورد:

- يلا يا حسام ادخل يمين في الشارع إللي جي.

رد حسام:

- إيه يا ورد على فين.

قالت له ورد وهي تحاول أن تخفي دموعها:

- أيوه يا حسام هروح المقابر.. اطلع على والدي الحاج شحثة.. ووالدتي اللّهُ يرحمهم .. مش قلت هتطلبني من عمك شحثة الراوي.

قرأت ورد وحسام الفاتحة على والدتها شوقية ووالدها شحثة الراوي.. جلست ورد بجوار قبرهما.. بدأت تتحدث إليهم وهي تمسح دموعها:

- يابا.. أنا جيت عندك يابا وجيبه عريسي معايا.. ياما أنا جيلكم النهاردة وجيبه عريسي يمكن إنتي مشفتهوش ياما لكن أبويا شافة وعرفة كويس.. صح يابا هو حسام ابن ابو يوسف.. بقى ظابط.. إنت عارف أنا كنت موافقة عليه من أول ما طلب إيدي منك.. جيت معاه النهاردة عشان تكون عارف.. إن بنتك هتتجوز إللي بتحبة والراجل إللي إنت وافقت عليه.. كلنا بخير يابا.. وأخواتي بخير الحمدلّهُ.

قامت ورد وودعت والدها ووالدتها:

- مع السلامة يابا مع السلامة ياما .. ربنا يرحمكم.

بكت ورد كثيراً .. ضمها حسام إلى صدره:

- مالك يا ورد مش إنتي إللي قلتي نيجي هنا .. ليه العياط بس.

بدأ حسام بالحديث .. إلى قبر شحثة الراوي:

- عم شحثة .. أنا جيت عشان أقولك .. إني بتقدم وأطلب

إيد ورد منك تاني .. وهتكون في عنيا وقلبي طول العمر .. الله

يرحمك يا عم شحثة .. كان نفسي تكون معانا إنت وأبويا دلوقتي ..

تفرحوا باللحظة دي.

أخذ حسام ورد وضمها .. وأوصلها إلى السيارة .. انطلقا

العروسان .. وما زالت الدموع تترقرق من عيون ورد.

قال لها حسام:

- ايه يا ورد اليوم يوم فرح .. صح.

ردت ورد وبدأت تبتسم:

- أيوه طالما عمك شحثة الراوي موافق .. أنا خلاص موافقة

يا حضرة المقدم حسام.

أخذ حسام يتراقص بالسيارة على الطريق.. فرحاً مبهجاً
هو وورد.. أخيراً سيضمهما بيت واحد.. عش واحد.

علقت الزينة وأقيمت الأفراح.. وانتشر الخبر بحي باب اللوق
وجميع شركات الإمبراطورة وأصدقاء حسام بالعمل.

كان عرساً كبيراً ضم العديد من أهل الفن ورجال الأعمال
والصحفيين ورجال السياسة وأعضاء مجلس الشعب.. الجميع
هنا.. عبادة ورقية والخال عويضة وزوجته حسنة وكل أهل
والأحباب.. وصديقات ورد في المدرسة الثانوية رنا وحنين.. الجميع
يهنئ ويبارك زواج ورد وحسام.. يبارك هذا الحب الذي نشأ في
الصبا.. ولم يقدر له حينها أن يتوج بالزواج.. إلا أن جاءت اللحظة
التي تمنها كل من ورد وحسام.. نعم تأخرت كثيراً.. لكنهما الآن
معاً.



الصفحة

الفهرس

٥	إهداء:
٧	مقدمة:
١١	هنا القاهرة:
٢١	البحث عن عمل:
٢٩	أرزاق:
٣٩	مطعم الشامي:
٥١	حي باب اللوق:
٦٣	هل يطرق الحب باب الفقراء...؟
٧٥	غرور المعلم طاهر:
٨٣	شتاء عاصف:
٩١	مكيدة:
١٠٥	حب لا يموت:
١١٧	آه من الأيام:
١٣١	الإمبراطورة:

١٤٥الفخ:
١٥١الصفعة:
١٥٧السلطة والنفوذ:
١٦٩أيام صعبة:
١٨٣سيادة النائبة:
١٩١تجارة غير مشروعة:
٢٠١بلاغ لجهة سيادية:
٢١٧الضفائر الحمراء:
٢٢١الصيد الثمين:
٢٣٣ويبقى الحب:

حقوق الطبع محفوظة للناشر



أطلس

للتشر والإنتاج الإعلامي

يحظر نشر أو اقتباس أي جزء
من هذا الكتاب إلا بعد الرجوع
إلى الناشر